



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒԶՈՐՍԵՐՈՐԴ ՏԱՐԻ

1909

№ 7-8

ՅՈՒԼԻՍ-ՕԳՈՍՏՈՍ

ԽԻՖԼԻՍ

ԷԼԵԲՏՐՈՆԱԳՐԻ ՏՊԱՐԱՆ ՕՐ. Ն. ԱՂԱՆԵԱՆՅԻ, ՊՈԼԻՑ.

1909

Վեհ. Տ. Տ. Մատթէոս Բ. օծեալ Կաթողիկոս ամենայն Հայոց	3
Յովհաննէս Զ. Մեծաբարոյ. Մ. Ա. Օ.	5
Կռուել էմ ուզում. Բանաստեղծութիւն. Յարութիւն Պետ- րոսեան	20
Պերճ Պռօշեանցի վերջին օրերը. Քաջբերունի	21
* * Բանաստեղծութիւն. Եղ. Աթանեան	36
Ինչ է հասարակութիւնը. Pessimist	37
Ողջոյն ձեզ... Ամպրէ	54
Քօսա-ղաղ լերան վիան. Խանգաղէ	56
Ժողովրդի մէջ. Բօգիգէրի. Թարգմ. օր. Ն. Աղանեանց	69

ՄԱՏԵՆԱԽՕՍԱԿԱՆ

Մթնշաղի անուրջներ, Վահան Տէրեանի. Գ. Ենգիբա- րեան:—Ստացուած զրբեր	81
--	----

ԱՄՍՈՒԱՅ ՏԵՍՈՒԹԻՒՆ

Իսկական պատճառները: Գ. Ե.—Լուրեր: Մահգոյժ	87
---	----

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

ՅԱՅՏԱՐԱՐՈՒԹԻՒՆՆԵՐ

ԼՈՅՍ ՏԵՍԱԻ

ԱՆԳԼԻԱՅԻ

ՔԱՂԱՔԱԿՐԹՈՒԹԵԱՆ


ՊԱՏՄՈՒԹԻՒՆԸ

Հ. Բոկլի—Նոտովիչի համառօտած

Թարգմանեց Վարդգէս Աղանեանց

Գիւնն է 75 ԿՈՊ.

Դիմել «Լուծարի» խմբագրութեան



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍԻԵՒՉՈՐՍԵՐՈՐԴ ՏԱՐԻ

1909

№ 7-8

ՅՈՒՂԻՄ-ՕԳՈՍՏՈՍ

Ք Ի Յ Լ Ի Ս

ԷԼԵՅՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆՈՒ. ՊՈԼԻՑ. 7

1909

ՎԵՅ. Տ. Տ. ՄԱՏԹԵՈՍ Բ.

ՕԾԵԱԼ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Սեպտեմբերի 13-ը մի նշանաւոր պատմական օր դարձաւ Հայկական կեանքում: Այդ օրը 127-րդ անգամ հնչեց Հայոց Մայր տաճարի մէջ Լուսաւորչից սկսուած Հայրապետական օծման արարողութիւնը. այդ օրը ս. օծումն ընդունեց Էջմիածնի ամենայն Հայերի նորընտիր Կաթողիկոս տ. տ. Մատթէոս երկրորդը և այդպիսով փարատուեցաւ Կաթողիկէ եկեղեցու սգակիր քօղը, որով ծածկուել էր նա Մկրտիչ Ա.-ի մահով:

«Լումայ»-ի խմբագրութիւնը շնորհաւորելով հանդիսաւոր օրը՝ ցանկանում է օծեալ Հայրապետին երկայն կեանք և բարեբաղտ պաշտօնավարութիւն և միանգամայն կար և զօրութիւն, որ կարող լինի նա դարմանել Հայ ազգի և եկեղեցու այն բազմաթիւ կարիքները, որոնք ժառանգութիւն են մնացել Նորին Օծութեան հանգուցեալ Հայրապետից և վերջնիս մահից յետ անիշխանութեան ապաբաղտ օրերից:

ԽՄԲԱԳՐՈՒԹԻՒՆ

Տ. ՅՈՎՀԱՆՆԵՍ Զ. ՄԵԾԱԲԱՐՈՅ

109. Վկայաւերէն մինչև Ապիրատ, Պահլաւունեաց տունը իբր զարուկէս (1065—1203) ժառանգութեամբ պահած էր կաթողիկոսական աթոռը, և կերպով մը ընտրական շփոթութիւններ պակսած էին ազգին մէջէն: Ապիրատի մահուընէ ետքը Պահլաւունեաց տունը չկրցաւ ներկայել արժանաւոր կաթողիկոսացու մը, և ժառանգական սկզբանց հետևողութեամբ սկսաւ խօսուիլ Սեբաստիոյ Անանիա եպիսկոպոսի վրայ, իբր զի Գետադարձի տունէն էր, որ Պահլաւունիներէն առաջ քանի մի կաթողիկոսներ տուեր էր ազգին: Այլ Անանիա Իկոնիոնի սուլտանութեան սահմանէն էր. և Լեւոն Թագաւոր կ'ուզէր իւր սահմանէն առնուլ կաթողիկոսը և իւր սահմաններուն մէջ պահել կաթողիկոսութիւնը: Իւր արքունական ազդեցութեան շնորհիւ կրցաւ վերջապէս կաթողիկոս օծել տալ իւր ազգականներէն և ժտերիմիւրէն Սսոյ եպիսկոպոս Յովհաննէսը, որ Մեծաբարոյ անուն ստացաւ աւելի արտաքին քան ներքին ձիրքերուն համար, թէպէտ ներքիններն ալ բոլորովին յետնեալ չեղան: Ապիրատ Սիսի մէջ մեռած էր, այլ Յովհաննէս չուզեց հոն մնալ. այլ լաւագոյն սեպեց իւր Սիսը թողուլ և երթալ Հոռմկլայ, հայրապետութեան պաշտօնական աթոռը:

Յովհաննէսի ընտրութիւնը ընդհանուր ազգին զանազան մասերուն համահաճութեամբ չէր եղած, և Արևելեան չորս մեծ աթոռները ընտրութեան չէին մասնակցած, ինչ որ պայմանադրեալ սովորութիւն էր, նմանապէս Իկոնիոնի սուլտանութեան ենթարկեալ Սեբաստիոյ և Կեսարիոյ աթոռներն ու ազգայիններն ալ մաս ունեցած չէին. արդէն իսկ Աղթամար զատ և ինքնագլուխ կաթողիկոսութիւն կը նկատուէր, և Կիլիկիոյ հետ յարաբերութիւն չունէր:

110. Յովհաննէսի ընտրութիւնը, ոչ միայն արդէն եղած բաժանումները չվերուց, այլ և նոր բաժանումներու պատճառ եղաւ: Աղթամար զատ կաթողիկոս ունէր, թէպէտև պատմութեանց մէջ անունը յիշուած չէ. Արևելեայք տակաւին Բարսեղ Անեցի կաթողիկոս կը ճանչնային և Կիլիկիոյ հետ հպատակու-

Թիւն և հաղորդակցութիւն խղած էին, Սիբաստացիք և Կեսարացիք և առհասարակ Իկոնիոնի սուլտանութեան Հայեր դժկամակեցան Յովհաննէսի ընտրութեան վրայ, զոր Լեւոնի կամայական և ապօրինի մի գործը կը դատէին, և չուզելով զայն ճանչնալ, վերոյիշեալ Անանիա Սեբաստիոյ եպիսկոպոսը, Փետաղարձի ազգականութենէն, կաթողիկոս հռչակեցին և օծեցին: Այսպէս գրեթէ տարի մը Հորս կաթողիկոսներ կոյին միանգամայն, բայց տարին իսկ չլրացած, Յովհաննէսի և Լեւոնի հին բարեկամութիւնը պաղեցաւ, և չենք գիտեր ինչ խնդրով երկուքը իրարու դէմ գժտեցան: Յովհաննէս ի զուր միծաբարոյ չէր կոչուած, մեծհոգի կողմը բռնեց և չուզեց Լեւոնի գործիք դառնալ, և հայրապետական իշխանութիւնը նորա կամքին ենթարկել: Լեւոն չյաջողեցաւ Յովհաննէսի միտքը փոփոխել, և ոչ իսկ նորա դէմ ուղղակի պայքար մղել, այլ թողուց որ նա իւր Հռոմկայի հանդարտութեան մէջ մնայ, և իրեն համամիտ եպիսկոպոսներով Սիսի մէջ գումարում կազմեց, և Արքակաղնի վանքին առաջնորդ Դաւիթ եպիսկոպոսը կաթողիկոս օծել տուաւ: Ապիրատ վերջին օրերը Արքակաղնի վանքին մէջ անցուցեր էր:

111. Կաթողիկոսութեան բաժանումները միծապէս աղետալի կարող էին դառնալ, այլ բարեբաղտաբար շուտով անցան: Լեւոն ոչ զոք հալածեց, և ամենքն ալ իրենց հանդարտ պաշտօնավարութեան մէջ թողուց, մինչև որ Բարսեղ և Դաւիթ և Անանիա իրարու ետեւէն վախճանեցան, և Յովհաննէս առանց մրցակիցի ու հակաթուի մնաց: Դաւիթի անունը օրինաւոր կաթողիկոսներու շարքին մէջ կը յիշուի սովորաբար, այլ ոչ մի կերպով հնար է արդարացնել անոր կաթողիկոսութիւնը, բանի որ հրեք Յովհաննէս պաշտօնապէս և օրինաւորապէս աթոռագուրկ չհռչակուեցաւ, և Դաւիթ Արքակաղնեցին պարզապէս հակաթու մը պէտք էր նկատուէր Բարսեղ Անեցիի և Անանիա Սեբաստացիի նման: Կերպով մը պինքն արդարացնելու ծառայեց Սսոյ ժողովը, որուն վրայ չխօսած պէտք է Հայ Օրբելեանց կամ Ուռպելեանց վրայ տեղեկութիւն տալ:

112. Օրբելեանք բնիկ վրացի նախարարութիւն մըն են և նշանաւորագոյններէն մին, և իբր նախահայր կը կարծուի Ճենացի իշխան մը, որ Վրաստան գաղթած կ'ըլլայ չորրորդ դարուն մէջ, Մամգուն Ճենացիին Հայաստան գաղթելուն նման, և Օրբեթ բերդը իրեն բնակավայր ստանալէն Օրբել կամ Օրբուլ կոչուած է, իբր Օրբեթեցի: Այդ ցեղը Վրաց թագուորութեան մէջ առաջնակարգ դիրք մը կը ստանայ, և իբր թագաւորութեան երկրորդը կը նկատուի և ընդհանուր սպարապետութեան կը կոչուի: Վրացի

Օրբելեանց պատմութիւնը մինչև երկոտասաներորդ դար կը հասնի, երբ Վիրք հիւսիսային Հայաստանի վրայ տիրած էին Դաւիթ որդի Դեմետրի, Թագաւոր Վրաց, մեռնելուն առաջ (1158) ժառանգ կը ցուցնէ իւր Տիմա անշափահաս զաւակը. և խնամակալութիւնը կը յանձնէ իւր եղբոր Գէորգիի, պայմանով որ տղան երբ Հափահաս ըլլայ Թագաւոր օծուի և իշխանութիւնը ստանձնէ: Միանգամայն Օրբելեանց նախարար Իւանէի կը յանձնէ իւր տղան խնամել և անոր իրաւունքը պաշտպանել: Գէորգի նախ ժամանակաւոր իշխանութեան պատրուակով Թագաւոր օծուեցաւ, և Տիմայի Հափահաս եղած առեւ յապաղեց իշխանութիւնը անոր յանձնել: Իւանէ Տիմայի պաշտպանութեան համար զինուեցաւ, բայց իւր կուսակիցները և նոյն ինքն Տիմա Գէորգիէ շահուեցան, մինչև որ ինքն Իւանէ ալ հարկադրուեցաւ անձնատուր ըլլալ կեանքի ապահովութեան պայմանով: Բայց Գէորգի դըրժեց, և Օրբելեան Իւանէի բոլոր ցեղը ջարդեց, և ամէն իրաւունքի զրկեց (1177), և նորա երկիրը շնորհեց Սարգիս իշխանի մը, զոր ի դէպ է նոյնացնել Սուպասար իշխանին հետ: Օրբելեան Ստեփանոս երկու անուններն ալ կը յիշէ: Յիշեալ Սարգիս իշխանը էր որդի Զաքարի, որդւոյ Վահրամայ, որդւոյ Սարգիսի, որ բնիկ քուրդ կը կարծուի, և քրիստոնէութիւն ընդունելով հայ եղած: Վարձատրեալ Սարգիսը Օրբելեանց հետ խնամութիւն ունեցած է, բայց Գէորգիի ամենահաւատարիմ գըտնուելով և Օրբելեանց դէմ դառնալով, արժանացած է Օրբելեանց երկիրն ու պատիւն ու սպարապետութիւնն ստանալու: Սարգիսի մահուանէ ետքը անոր զաւակները կը ժառանգեն Օրբելեան անունը, և իրենց զաւակը Զաքարէ կը ստանձնէ սպարապետութեան պաշտօնը, իսկ կրտսերն Իւանէ կ'անուանուի աթաբէգ, իբրև ընդհանուր կառավարիչ երկրին:

113. Զաքարէ սպարապետ և միանգամայն իշխան Լօռի գաւառի, իւր իշխանութեան ներքև ունէր հայ գունդ մըն ալ, որ ազգային հայ ծէսով կը վարուէր, և ինքն Զաքարէ ալ հաւատարիմ ֆաթած իւր ազգային հայ ծէսին: Այլ ինչ ինչ կէտերու մէջ Վիրերու և Հայերու մէջ եղած տարբերութիւններ ծանր կուգային Զաքարէի, վասն զի աննպաստ էին Հայերուն, որոց քով շատ աւելի փառաւոր կ'երևնային Վրաց ծէսերը: Արևելեայ վարդապետներ այդ մասին անողոք էին, և հայ եկեղեցւոյ սովորութեանց պաշտպանութեան անունով իրենց ձեռքը անփոփոխ կը պահէին, ինչ որ Զաքարէի ծանր կուգար: Այս պատճառով յատուկ պատերազմներ յղեց Յովհաննէս կաթողիկոսին, և քանի մի խնդիրներու լուծումը խնդրեց անկէ: Գլխաւորներն էին. 1. Հայ բանա-

կին ներուի շարժական խորան շրջեցնել և անոր վրայ բանակին մէջ պատարագել: 2. Պատարագի արարողութիւնը կատարուի ճոխ և զարդարուն զգեստներով և ոչ արեղայական անշուք սքեմով: 3. Վերափոխման և խաչվերացի տօներ կատարուին ամսաթիւի ճիշդ օրով և ոչ մերձաւոր կիրակէին փոխադրելով: Զաքարէի առաջարկները կը յայտնեն, թէ ինչ սովորութիւններ կը տիրէին այն ատեն Արեւելիայց մէջ, Մեծ տօներուն եօթնեկական դրութեամբ կատարուելը իբր հին աւանդութիւն կը հաստատուի, ինչպէս որ մինչև ցայսօր պահուած է: Առանց զարդուց պատարագելը վանական պարզութեան կամ խստակրօնութեան հետեւանք է, ինչպէս որ ժամանակին Լամբրոնացին ալ Տուտէորդիին և բոլոր Արեւելիայց կը յանդիմանէր, թէ վրացի սաքուլայի աշխնքն վեղարով կը պատարագեն: Վերջապէս շարժական սեղանէ բացարձակապէս զգուշանալին, Օձնեցիի կանոններէն առնուած, բայց չափազանցուած և խղճահար պահպանութիւն մը եղած է: Սակայն զգեստի և սեղանի կէտերը նախնական կանոններ չէին, և յատկապէս շարժական սեղանի նշանակ են Զորոյվանքի մէջ պահուած Լուսաւորիչի սեղանը, Աւարայրի պատարագը և ուրիշ պատմական յիշատակներ:

114. Զաքարէ ուղղակի Յովհաննէսին դիմեր էր, իբրև կաթողիկոսի, այլ իւր պատգամաւորներ շիտակ Սիս եկան և Լեւոն Թազաւորին ներկայացան, նա ալ իւր պաշտպանած Դաւիթ կաթողիկոսի ձեռքով ուզեց արեւելեան իշխանին դիմումները գոհացնել. և Սիսի մէջ ժողով գումարել տուաւ (1204): Ժողովը հաւանեցաւ բացարձակապէս զարդարուն զգեստով պատարագելու և շարժական սեղան գործածելու, իսկ Վերափոխումը օգոստոս 15 և խաչվերացը սեպտեմբեր 14 ամսաթիւերուն տօնելը ներեց միայն Յունաց և Վրաց իշխանութեան ներքև գտնուող Հայերուն, իբր բացառիկ զիջողութիւն: Ասոնք կը կազմեն Սսոյ ժողովին ութը գլուխներուն Ա. Բ. և Դ. կանոնները: Միւս հինգ գլուխներն են. Գ. Պատարագը մատուցանել ոչ միայն վասն ննջեցելոց, այլ և վասն կենդանեաց: Ե. Յայտնութեան և յարութեան ճրագալոյցները մինչև երեկոյ պահել. և վերջէն ձուլով ու ձէթով միայն լուծել: Զ. Բրիստոսի և սուրբերու պատկերները յարգել: Է. Առանց դպիր ձեռնադրելու սարկաւագ չձեռնադրել: Ը. Կրօնաւորներուն անստացուած լինել, վանքի մէջ բնակել և միսէ ժուժկալել: Թ հարկէ այդ հինգ գլուխներն ալ ժամանակին տիրող անկարգութիւնները բառնալու նպատակով հաստատուեցան: Այդ ութը գլուխները ընդհանրապէս դիտողութիւն չեն վերցնել. միայն Ե. գլուխը ենթադրել կուտայ թէ նաւակատիքները այն ատեններ սկսած են

աւելի կանուխ լուծուել, հարկաւ պատարագն ալ կանխելով, այլ որոշ տեղեկութիւն մը չենք գտած: Երբ Դաւիթ Արքակաղնեցին Սոոյ ժողովին հետ կը փութար Չաքարէ սպասալարը գոհացնել, Յովհաննէս Մեծաբարոյ ևս որ իբրև կաթողիկոս կը մնար Հոռմկլայի մէջ և որուն դիմեցին անշուշտ Չաքարէի պատգամաւորները, իւր հաւանութեան զգալի նշան ալ կ'աւելցնէր, և շարժական սեղան մը և ճոխ վրան մը, և զարդարուն զգեստներ և սպաններ պատրաստել կուտար, և Մինաս եպիսկոպոսը քաջաւարժ պաշտօնեայներով կը յղէր ուղղակի ի Լօսի, որ տրուած որոշումները գործադրեն:

115. Սիսի և Հոռմկլայի կաթողիկոսներուն համաձայն վճիռները չբաւեցին զսպել Արևելեայ վարդապետներուն հակառակութիւնը շարժական սեղանի և ճոխ զգեստներու կիրառութեան գէմ: Նոյն միջոցին մեռած էր Բարսեղ Անեցին, Արևելեայ կաթողիկոսը, և նոր կաթողիկոս չէր ընտրուած, որով հերձուած մը վերցուած էր, սակայն Տուտէորդին կը վարէր հակառակողներուն գլխաւորութիւնը: Չաքարէ ուղեց գործը ժողովով վերջացնել, և Արևելեայ ժողով մը գումարել տուաւ ի Լօսի (1205): Բայց համաձայնութիւն չգոյացաւ, մաս մը համաձայնեցաւ Սոոյ ժողովոյն որոշմանց Չաքարէի բաղձանքին համեմատ, և այս կողմին գլխաւորներն էին Սաչատուր Տարոնեցի վանահայր Հաղարծինի, և Մխիթար Գօշ վանահայր Գետիկայ, բայց Տուտէորդի կողմը բուն ընդդիմութիւն կը վարէր Այսու հանդերձ շարժական սեղանը և զարդարուն զարդերը գործածուեցան հանդիսապէս, և Սաչատուր Տարոնեցի այդ առթիւ հրգեց Սորհուրդ խորին զգեստաւորութեան շարականը, որ սովորական կիրառութիւն ստացած է: Ամեն միջոց գործածուեցաւ Տուտէորդին համոզելու, այլ ոչ Չաքարէի սաստը և ոչ Սաչատուրի և Մխիթարի միջնորդութիւնը օգուտ չունեցան: Մինաս եպիսկոպոսն ալ միջնորդելու համար Հաղբատ գնաց, բայց հաւածուեցաւ. և այն ատեն Չաքարէ բռնութեան դիմելով բանտարկեց Տուտէորդին և քանի մը ընկերները կաթողիկոսին նուիրակը անարգելուն համար: Երկրորդ ժողով մըն ալ հրաւիրեց Անի (1207), որ խաղաղութիւնը չկրցաւ հաստատել, և նոր բանտարկութիւններ և քսորներ տեղի ունեցան Չաքարէի հրամանով, մինչև որ մնացած հակառակողներ լռեցին և համակերպեցան: Դաւիթ և Անանիա կաթողիկոսներն ալ մեռած էին նոյն միջոցին (1206), և Յովհաննէս Մեծաբարոյ Լեւոնի հետ հաշտուեցաւ, և իւր իշխանութիւնը Չաքարէի միջնորդութեամբ Արևելեայ մէջ ալ ընդունուեցաւ, և Աղթամարի հնացեալ բաժանումէն զատ բո-

լոր ազգը Յովհաննէսի իշխանութեան ներքև միացաւ և բաժանմանց վտանգները խափանուեցան:

116. Այդ միջոցէն ետքը 15 տարի ևս հանդարտ իշխանութիւն վարեց Յովհաննէս, այլ պատմական պարագաներ նուազ են: Ունիմք Ռուբէնի Անտիոքի իշխանին պատմութիւնը, որ թէպէտ լոկ քաղաքական, սակայն կը յայտնէ Հայոց և Լատինաց կրօնական յարաբերութեանց վիճակը: Պեմունդ կոմս Անտիոքայ իւր որդւոյն և ժառանգին Պալտինի մահուընէ ետքը, սորա որդին և իւր թոռը Ռուբէնը ժառանգ նշանակեց, որոյ մայրն Ազիտա Լեւոն Թագաւորին Ռուբէն եղբոր դուստրն էր: Պեմունդի մահուընէ ետքը Ռուբէն Անտիոքի կոմս եղաւ, բայց Պեմունդի ծիւանն որդին, որ Տրապոլսոյ իշխան էր, Ռուբէնը հայածեց և Անտիոքը գրաւեց (1208): Լատիններ ընդհանրապէս Ճիւանի կողմն եղան, որովհետեւ Ռուբէն մօր կողմանէ հայ էր, իբրև հայ սնած էր և Հայերու կողմէն կը պաշտպանուէր: Լեւոն բանակ ալ շարժեց Ռուբէնի պաշտպանութեան, այլ վերջէն խնդիրը պապին դատաստանին թողուեցաւ, որ էր Ինովկենտիոս Գ.: Սա գործին քննութիւնը յանձնեց Պետրոս կարդինալին, որ յայտնապէս Լատիններու կողմը բռնեց, և Հայերը նզովել իսկ յանդգնեցաւ, որուն իւր բոլոր ոյժով դէմ դրաւ Յովհաննէս կաթողիկոս:

117. Այս միջոցին Կիլիկիոյ մէջ սկսեր էին շատնալ լատին կրօնաւորներ և լատին իշխաններ. և Լեւոն պաշտպանութիւն կ'ընէր անոնց, յուսալով որ Եւրոպացիներու ներկայութիւնը նըպաստաւոր կ'ըլլայ իւր երկրին զարգացման: Այլ կրօնաւորները հռոմէական եկեղեցւոյ ջերմ պաշտպաններ էին, և սկսած էին իրենց վարդապետութեամբ ժողովուրդին միտքերը յուզել, և իշխաններն ալ անոնց օգնականներն ու պաշտպաններն էին: Պետրոս կարդինալի ընթացքը զայրոյթ պատճառեց Լեւոնին, և որովհետեւ Անտիոքի խնդիրը հայու և լատինի խնդիր էր դարձած, Լեւոն ալ սկսաւ լատին կրօնաւորներն ու իշխանները իր երկիրներէն արտաքսել: Լատիններ Ինովկենտիոս Գ. պապին և Ոթոն Դ. կայսեր միջնորդութեան դիմեցին. այլ խաղաղութիւն ու հաշտութիւն չ'աստատուեցաւ մինչև որ Անտիոքացիք չզիջան: Լեւոն անձամբ Անտիոք գնաց և իւր եղբորթոռ Ռուբէնը կոմսութեան մէջ հաստատեց (1213): Տարիներ առաջ (1210) Լեւոն Ռուբէնը իւր Թագաւորութեան ժառանգ նշանակած էր, որովհետեւ ինքը արու զաւակ չունէր:

118. Լատինք իրաց նոր վիճակէն քաջալիրուած, ուզեցին նորէն Կիլիկիոյ մէջ տարածուել. ուստի արտաքսուած էին Լեւոնի հրամանով: Բայց Լեւոն, որ անգամ մը Լատիններուն ընթաց-

քին վրայ գայթակղած էր, անողոր ֆնաց անոնց դիմումներուն հանդէպ, թէպէտև Ոստրիոս Գ. պապը, որ իննովկենտիոս Գ. պապին յաջորդած էր (1216), և Երուսաղէմի լատին պատրիարքը և ուրիշներ միջնորդեցին լատին կրօնաւորներուն Կիլիկիոյ մէջ ընդունուելուն համար: Լեւոնի այդ ընդդիմութիւնը թերևս պատճառ եղաւ, որ կրկին հակառակութիւնն, բորբոքեցան Անտիոքի կոմս Ռուբէնի ղէմ, որ իշխանութենէն հալածուեցաւ (1219), և Լեւոնի դիմելով անկէ ալ մերժուեցաւ, և նոյն իսկ շնորհուած ժառանգութենէն ալ զրկուեցաւ: Նոյն տարին Լեւոն իւր տկարութիւնը զգալով, արու զաւակ չունենալուն, իւր 16 տարեկան Զապէլ աղջիկը թագաւորութեան ժառանգ նշանակեց, և անոր խնամակալութիւնը յանձնեց Սիր Ատան և Կոստանդին իշխաններուն, Յովհաննէս կաթողիկոսի պաշտպանութեան ներքև: Քիչ ետքը Լեւոն վախճանեցաւ (1219 Մայիս 1):

119. Լեւոնի կամքը կատարուեցաւ և Զապէլի գլուխը դրուեցաւ արքունական թագը կաթողիկոսական օրհնութեամբ, այլ իսկոյն ներքին խռովութիւններ սկսան: Ռուբէն նախկին կոմս Անտիոքայ օտար բարեկամներու ձեռքով իշխանութիւնը գրաւել ուզեց, այլ Կոստանդին խնամակալէ ձերբակալուեցաւ և բանտ դրուեցաւ (1220), ուր և մեռաւ քանի մը տարի ետքը (1223): Յովհաննէս Բրիէնոս լատին թագաւոր Երուսաղէմի և ամուսին Լեւոնի Ստեփանիա կամ Յանի աղջկան, նա ալ թագաւորութիւնը ձեռք ձգելու աշխատեցաւ, այլ իւր կնոջ մեռնելովը իրաւունքէ ինկած նկատուեցաւ և խնդիրը փակուեցաւ: Ծիշտ այդ շփոթութեանց միջոցին էր որ Յովհաննէս Զ. կաթողիկոսն ալ վախճանեցաւ, ընդ ամէնն իբր 18 տարի պաշտօնավարելէ ետքը (1203—1221): Յովհաննէս ստուգիւ բաղդաւոր եղաւ, վասն զի բազմաճղի բաժանումներու դիմաց գտնուելով, ամէնէն ալ ազատեցաւ հակաթոռներուն մեռնելովը, և կրցաւ խաղաղութեամբ իշխանութիւն վարել: Արդիւնաւոր նկատուեցաւ նաև անով, որ միութեան խնդրոյն յաջող լուծումը իւր օրով տեղի ունեցաւ: Երկայնամիտ և մեծաբարոյ բնաւորութեամբը շատ խնդիրներ ճարտարօրէն անցուց, և վերջապէս արթուն նախազգուշութեամբ լատինական միջամտութեանց դիմադրեց, և իւր խորհուրդներն էին հարկաւ՝ որոնք Լեւոնի վրայ ազդեցին Պետրոս կարդինալին և լատին կրօնաւորներուն ղէմ դնելու: Դժբաղդաբար Յովհաննէսի արթնութիւնը չջարունակեց իրմէ ետքը, և իւր մահուանէ ետքը լատին կրօնաւորներուն թիւն ալ ազդեցութիւնն ալ շատեցան Կիլիկիոյ մէջ:

Տ. ԿՈՍՏԱՆԴԻՆ Ա. ԲԱՐՁՐԲԵՐԴՅԻ

120. Կոստանդին նշանաւորագոյն հայրապետներէն մին պիտի ճանչցուի, եթէ պաշտօնավարութիւնը նկատի առնենք: Նա 46 տարի պաշտօն վարեց (1221—1267) ամենայն խաղաղութեամբ և կարգաւորութեամբ: Իրմէ աւելի երկար պաշտօնավարողներ եղան միայն Գրիգոր Գ. Պահլաւունի 51 տարի և Ս. Սահակ Ա. Պարթեւ իբր 52 տարի, սակայն առաջինը շատ մանկահասակ սկսաւ և վերջինը պաշտօնազրկութիւն ունեցաւ, թէև անվաւեր, և աքսորներ կրեց: Կոստանդին որդի էր Վահրամի, բնիկ Երրորդ հայոց Բարձրբերդ քաղաքէն, աշակերտ Մովսիսի վանքին, որ Սեաւեռի վանքերէն մէկն էր, մինչև նոյն վանքին առաջնորդութեան և եպիսկոպոսական աստիճանի բարձրացած: Իւր ընտրութիւնը կատարուեցաւ ազգին ընդհանուր հաճութեամբ, և իւր անունը նախադասուեցաւ իբրև ստուգիւ արժանաւոր անձ մը: Ոչ յարենէ և կամ ի պատուոյ, կամ ի մամոնայէ, այլ ի շնորհաց Հոգւոյն կոչեցեալ և յամենայն լեզուաց վկայեալ (Վարդ. 141): Կոստանդին չստեց այդ վարկը և կարող եղաւ մինչև վերջ իւր ազդեցութիւնը պահել, և շփոթ պարագաներու մէջ հաշտութեամբ և խաղաղութեամբ առաջնորդել: Միայն թէ իւր կաթողիկոսութեան միջոցին Լատիններու հետ բարեկամութիւնը չափազանցեց, Հիթում թագաւորի ուղղութեան հետեւելով: Թէպէտ և ցորչափ իրենք երկուքնին էին գործերուն գլուխը, դրական զիջում մը չըրին Լատիններուն կողմը, բայց ոչ Հիթում և ոչ Կոստանդին մտաբերեցին, թէ իրենց ուղղութիւնը յառաջանալով վտանգաւոր կրնար դառնալ յապագային:

121. Կոստանդինի կաթողիկոսութեան սկիզբը տիրող խնդիրը արքունական գահին գործն էր: Զապէլի թագուհիութիւնը բոլորովին անուանական էր, և արեւելցի ժողովուրդ մը աղջկան մը իշխանութեամբ չէր կրնար կառավարուիլ: Նոյն ինքն Զապէլ ալ, ըստ ամենայնի բարի և առաքինի աղջիկ մը, շատ հեռու կը գտնէր ինքզինքը պետական հոգերու զբաղումէն: Զապէլի ամուսին մը տալու և թագաւոր մը ունենալու խորհուրդը հաստատուեցաւ, և իբր ընտրելի նախադասուեցաւ Փիլիպպոս, Անտիոքի դուքսին թոռը, մօրը կողմէն հայ, որ թէպէտ Ռուբէնի պէս հայ կըթուրիւն առած չէր, բայց այդչափն ալ բաւական սեպուեցաւ, զայն իբրև Ռուբինեան ցեղին շառաւիղ ընդունելու: Փիլիպպոս տակաւին պատանի էր, և թագաւորական աստիճանին սիրոյն երդում ալ ըրաւ հայաղաւան և հայասէր լինել (Վարդ. 141), և պահել Հայոց կարգն ու կանոնը, ծէսն ու եկեղեցին (1222): Շուտով

յայտնուեցաւ Փիլիպպոսի կեղծեօք երդում ըրած ըլլալը, զի բոլորովին հակառակ ուղղութեամբ վարուեցաւ, և հետզհետէ Հայոց արքունիքին գանձերն ու հարստութիւնները, զպատուական Թագն և զպաղատն գաղտնի Անտիոք փոխադրեց (Վարդ. 141): Երբ զործը յայտնուեցաւ, ուղեց փախչել, այլ Կոստանդին խնամակալ ետեւէն հասաւ ու ձերբակալեց, և Բարձրբերդի մէջ բանտարկեց, և Անտիոքի իշխանէն պահանջեց, որ գաղտնի տարուած հարստութիւնները դարձնէ իբր իւր որդւոյն փրկանք: Իշխանն բանակցութիւնները երկարեց, փոխանակութեան չզիջաւ, և կը կարծէր բռնութեամբ և զօրութեամբ յաջողիլ, սակայն Փիլիպպոս բանտի մէջ մեռաւ (1223), և հարստութիւններ Անտիոք մնացին:

122. Թագաւորական իշխանութիւնը նորէն Չապէլի դարձած էր Կոստանդինի խնամակալութեամբ, բայց հնար չէր այնպէս պահել. Չապէլին պէտք էր երկրորդ ամուսին մը տալ, այլ Չապէլ կը խորշէր և կուսանաց վանք քաշուիլ որոշած էր, և Խաւերիոյ Սիւեւկիա քաղաքը առանձնացած էր իւր ազգականներուն մօտ: Կոստանդին խնամակալ և Կոստանդին կաթողիկոս և մեծամեծք Չապէլին ամուսին ընտրած էին խնամակալին որդին Հեթումը, այլ Չապէլի սիրտը անոր հետ չէր: Համոզողական կերպեր օգուտ չունեցան, և խնամակալն Սիւեւկիա երթալով և քաղաքը պաշարելով, Չապէլը բռնադատեց անձնատուր ըլլալ, և այդ նորօրինակ հարսնախօսութեան հաւանիլ. և Հեթումի և Չապէլի ամուսնութիւնը հանդիսապէս կատարուեցաւ Սիւս քաղաքը, Հեթումը թագաւոր ալ օծուեցաւ և Կոստանդին խնամակալ սկսաւ այնուհետեւ թագաւորահայր կոչուիլ: Պատմութիւնը կը վկայէ թէ Կոստանդին կաթողիկոս գործունեայ դեր ունեցաւ այդ եղելութեանց մէջ, որք առանձինն նկատուած ատեննին շատ տարօրինակ կ'երեւին, այլ ընդհանուր առմամբ օգտակար եղան և անհրաժեշտ նկատուեցան, որովհետեւ քաղաքական իշխանութիւնը ապահովելու և եկեղեցական կարգերը պահպանելու նպատակով գործուեցան:

Մեր դարուն բացատրութեանց ոճով, պետական փաստ և պետական պահանջ կոչուած պարագայն է, որ անլուծանելի տագնապները լուծելու եղանակն է: Հակառակ բռնադատեալ սկզբնաւորութեան Հեթումի և Չապէլի ընտանեկան կեանքը օրինակելի եղաւ, որովհետեւ բարեպաշտական զգացումը զօրաւոր էր երկուքին վրայ հաւասարապէս: Չապէլ թագունի Դթութեան պաշտօնեայ հաւատաւոր կուսանաց նախատիպը եղաւ, և Հեթումը թագաւոր ի վերջոյ Դրազարկի վանքին մէջ սքեմ առաւ և կրօնաւորեցաւ: Այդ վերջին եկեղեցական կերպարանն է, որ յորդո-

րեց մեզ մանրամասնել պարագայ մը, որ եկեղեցական պատմութեան հետ ուղղակի կապ չունի:

123. Կոստանդին կաթողիկոս, երկրին համար օգտակար բան մը ըրած ըլլալու համոզմամբ, չուզեց այլևս Սիսէ հեռանալ, և թողլով Հոռմկլայի հայրապետանոցը, ուստի վերջին կաթողիկոսներն ալ ստէպ բացակայ կ'ըլլային, և համակերպելով հնաւանդ սովորութեան, որ եկեղեցական կեդրոնը քաղաքական կենդրոնին մէջ տեսնել կը սիրէր, և լրացնելով Լեւոնի ունեցած մեծ փափագը, կաթողիկոսարանը առժամաբար հաստատեց Սիսի Ս. Սոփիա նորակերտ կաթողիկէին քով, զոր պէտք է տարբերել Սիսի Ս. Էջմիածին հին մայր եկեղեցիէն: Կաթողիկոսարանին և արքունիքին մօտաւորութիւնը նպաստեց Կոստանդինի և Հիթումի համաձայն գործակցութեան: Եւրոպական յարաբերութիւններ գեղեցիկ գոյներով ներկայացան երկուքին ալ, քաղաքական զարգացման և եկեղեցական բարեկարգութեան առաւելութիւնները տեսան անոնց մէջ, գոնէ իրենց երկրին և իրենց կացութեան բաղդատմամբ: Կաթողիկոս և թաղաւոր օրինաւոր փոփոխութիւններու փափաքներ տածելով, Անտիոքի իշխանութեան հետ վարուած խնդիրները մոռացութեան տալով, և խաչակիրներու նոր արշաւանքներէն օգտուելու գիտմամբ, իրենց դուռները համարձակ բացին օտարներու առջև, և ամէն տեսակ յարաբերութիւնները ընդարձակեցին անոնց հետ: Պէտք է յիշել թէ Կոստանդինի ժամանակ տեղի ունեցած Սաչակիրներուն հինգերորդ արշաւանքը Փրեդերիկոս Բ. կայսեր առաջնորդութեամբ (1228), և վեցերորդ արշաւանքը Լուդովիկոս Թ. Գաղղիոյ թագաւորին գլխաւորութեամբ (1248): Լատին կրօնաւորներ, որոց մօտեքը Լեւոնէն արգելուած էր, նորէն սկսան շատնալ Կիլիկիոյ մէջ, և նոյն իսկ Սիսի մէջ Դոմինիկեանք աշակերտութեան վանք բացին (1237), Նոյն պատճառներով շատեր սկսան Արևմուտք երթալ, և Իտալիոյ քաղաքներուն մէջ փոքրիկ դաթթականութիւններ հաստատել, և օգտուիլ նոյն ատենին Իտալացւոց ունեցած վաճառականական առաւելութիւններէն: Այդ դաթթականներուն աճման հետեանքն է, որ քիչ ժամանակի մէջ կը սկսիմք կարևոր հայ հաստատութիւններ տեսնել Իտալիոյ մէջ, հիւրանոց մը ի Վենետիկ (1253), վանք մը ի Ռիմինի (1254), եկեղեցի մը յԱնքօնա (1262), հիւրանոց մըն ալ ի Հռոմ, եկեղեցի մըն ալ ի Գենուա (Ճէնովա), և ուրիշներ ուրիշ կողմեր, զի գրեթէ Իտալիոյ բոլոր առևտրական քաղաքներու մէջ հայկական հաստատութեան մը յիշատակներ կը գտնուին մինչև ցայսօր, թէպէտև ամենուն սկզբնաւորութեան թուականները դիւրին չէ ճշտութեամբ որոշել:

124. Այս կերպով Հոռմի պապերու հետ ալ յարաբերութիւնները, որոց սկիզբը կանուխէն տեսանք, և որոնք պահ մը Լեւոնի օրով խզուած էին, սկսան նորէն աճիլ և զարգանալ: Այդ յարաբերութիւններ տարբեր նպատակներով կը մշակուէին Հայերուն և Լատիններուն կողմէն: Հայեր արտաքին օգուտէն և քաղաքական օգնութիւնէն աւելի բան մը չէին սպասեր, մինչ Լատիններ արտաքինին և քաղաքականին պատրուակով աւելի կրօնական իշխանութիւննին ընդարձակիլ կը դիտէին: Կրօնական պայմանները յայտնի ալ կ'առաջարկէին. և Հայեր ստիպեալ յարմարիւն արտաքին ձևերու կը դիմէին և լոկ կեղծօք օգտուել կը կարծէին: Լատիններ կը քաջալերուէին նոր և աւելի ծանր պայմաններ ստեղծել, և խոստացուած նպաստները կը յսպաղէին և չէին գործադրեր, և այսպէս կրօնական պայմանները տակաւ կ'ընդարձակուէին: Առաջին յարաբերութեան յիշատակը Անտիոքի Լատին պատրիարքներու խնդիրով կ'սկսի: Խաչակիրներ Արևելքի մէջ քաղաքական տէրութեանց հետ եկեղեցական աթոռներ ալ հաստատել սկսած էին, յունական աթոռներու տիտղոսներով, և ինչպէս Երուսաղէմ, նոյնպէս և Անտիոք Լատին պատրիարքութիւններ հաստատուած էին, որք կը կարծէին նոյն աթոռներու բնիկ իրաւունքներուն տէր լինել: Այդ սկզբունքով Անտիոքի Լատին պատրիարքը կը դիտէ, թէ Կիլիկիոյ երկու զաւառները Անտիոքի պատրիարքութենէն կախում ունէին, և որովհետեւ Հայոց կաթողիկոսները Կիլիկիոյ մէջ կը գտնուէին, կը հետեցնէր թէ Հայոց կաթողիկոսութիւնը պէտք է իրեն ենթարկուած ըլլայ, և Հայերուն զիջողական ընթացքէն քաջալերուելով, Հոռմի պապին կը բողոքէր, որպէս զի Հայոց կաթողիկոսին հրամայէ իրեն հնազանդիլ, և իւր գերագոյն պատրիարքութիւնը ճանչնալ: Հայերը չէին կրնար լատին պատրիարքին իրաւասութեան հպատակիլ, բայց միւս կողմէն լաւ գիտնալով պապական քաղաքականութեան ձգտումները, մտածեցին յարմար կերպով մը դժուարին կացութիւնէն ելնել, առանց պապին ալ ընդդիմանալու:

125. Մեզի հասած յիշատակներ և պատմութիւններ յստակ չեն Հայերուն բռնած ընթացքին վրայ, որովհետեւ չէին ալ կրնար պատիպատ դարձուածներուն իսկութիւնը խոստովանել: Բայց մեզ դժուար չէ թեթիւ քննութեամբ մը գործը պարզել: Հայերը գիտէին հարկաւ որ լատին պատրիարքին ձգտումները հաճելի պիտի ըլլան Հոռմի պապութեան, քանի որ միջնորդաբար պապական իշխանութեան ընդարձակուելուն պիտի ծառայէր: Միւս կողմէն կը մտածէին, որ բացարձակ ընդդիմութիւնն ալ կրնար զինքն անկախաւ օգուտներէ և օգնութիւններէ զրկել: Հայոց հա-

մար բաւական էր որ ազատ պատրիարքութիւն մը պահեն Արեւելքի մէջ, և մենք կը տեսնենք որ այդ նպատակին մէջ յաջողած են: Գրիգոր Թ. պապը (1227—1241) գրելով Անտիոքի պատրիարքին, Հայոց կաթողիկոսին ազատ և ինքնագլուխ աթոռը կը ճանչնայ և լատին պատրիարքին կ'արգելու իրեն տարօրինակ ձգտումները (1238): Հետում ու Ձապէլ կանուխէն գրած են եղեր, և թէպէտ կաթողիկոսին գրելը չյիշուիր, բայց ենթադրել ի դէպ է: Ահա ժամանակն ու պարագայն յորում Հայերը՝ Հայաստանեայց աթոռին պաշտպանութեան համար Սեղբեստրոսի տուուչութեան կամ հաստատութեան պատմութիւնը մէջ տեղ կը դնեն, և յայտնելով թէ Սեղբեստրոս պապ ճանչցեր է Հայոց պատրիարքութեան անկախութիւնը, կը հետևեն, թէ նոյն աթոռը ուրև լինի նոյն իրաւունքը կը վայելէ. և թէպէտ Կիլիկիոյ մէջ, բայց Անտիոքի աթոռին հպատակելու պարտաւորեալ չէ: Այդ պաշտպանութիւնը Դաշանց Թուղթին հետեւանքն է, կամ աւելի ճիշտը ըսելով Դաշանց Թուղթը այդ պաշտպանութեան ձևին հետեւանքն է: Դաշանց Թուղթը յայտնապէս հայ յօրինուած է, որ յոյն կամ լատին օրինակ ալ չունի, և ունիթոական նշաններ ալ չկրնիր, ուստի յայտնապէս կ'երևի թէ Դաշանց Թուղթը այդ միջոցին ստեղծուեցաւ իբր փաստ այն պաշտպանութեան եղանակին, զոր իրենց տկարութեան և ակնկալութեան միջոցին ընդգրկեցին Հայերը, ուղելով աթոռին պաշտպանել և պապերը փայփայել: Դաշանց Թուղթին այդ ծագումը ևս քանզի կը հաստատուի գրութեան ոճէն և գրութեան գտած կարևորութենէն: Լատիններ սիրով կ'ընդունին Սեղբեստրոսեան տուուչութեան կերպը, միշտ Հայոց վրայ թողլով յայտարարութիւնը, և պնդելով թէ Հայեր կ'ըսեն, և ոչ թէ Հռոմի աթոռը յառաջ կը բերէ:

126. Գրիգոր Թ. պապին հրամանագիրը, որով կը լռեցնէր Անտիոքի լատին պատրիարքին ձգտումները, այնչափ հաճելի եղաւ Հայերուն, որ Կոստանդին կաթողիկոս փութաց խորին շնորհակալութիւն յայտնել, բարձրացնելով և չափազանցելով իսկ պապերու դիրքը, թէև առանց գործնականապէս բան մը զոհելու (1239): Գրիգոր Թ. պապն ալ փոխադարձ մեծ ուրախութիւն զգաց, և Կոստանդինի զրկեց վերաբերու պատմութեան հայրապետական եւ Թագ եւ մատանի (Չամչ. Գ. 226), որովք իդէպ է իմանալ սովորական պալիումը որ է լատինական եմփփորոնը և լատինաձև սրածայր խոյրը: Կոստանդինի մի ուրիշ գիրն ալ կը յիշուի առ Իննովկենտիոս Դ. պապ (1243—1254), որ երկամեայ աթոռոյ պարապութենէն ետքը Գրիգորին Թ. յաջորդած էր. և Կոստանդին կաթողիկոս օգտակար համարած էր յարաբերութիւնները նո-

րողել: Իննովկենտիոս Դ. ևս նորոգեց իւր նախորդին վճիռները ի նպաստ Հայոց աթոռին. վասն զի Լատինք Արևմուտքի մէջ լաւ համարուած և մեծ ակնկալութիւն կը տածէին Կիլիկիոյ հայ քրիստոնեայ թագաւորութենէ յուսացուած օգուտներուն վրայ: Այդ Իննովկենտիոսի թուղթին պէտք է վերագրել, ինչ որ ինքն Կոստանդին Արևելեայց գրած թուղթին մէջ կը յիշէ վերջին օծման վերաբերմամբ, թէ ի ֆռանկաց գրեալ են առ մեզ (Կիր. 173): Պապերը յարաբերութեան շատնալէն քաջալերուած, հետզհետէ սկսան պահանջումները շատցնել և դաւանական կէտերու ալ մտնել: Կիրակոս կը պատմէ Հոգւոյն Սրբոյ բղխման նկատմամբ Իննովկենտիոսի Դ. յուզած խնդիրը (1248) ի ձեռն թղթոց և յատուկ պատուիրակաց, բայց զայն չպատմած պէտք է յիշել Կոստանդինի շրջաբերական գիրը:

127. Եկեղեցական բարեկարգութեան պէտքը երբեք պակաս եղած չէ, զի զեղծմունք մշտատե տկարութիւններ են, որոնցմէ ազատ չեն հեղեցեալաններն ալ հաւատացեալներն ալ: Զեղծմունք կը շատնան երբ վարչական կապեր կը խզուին և շփոթ պարագաներ հսկողութիւնը կը նուազեցնեն: Հայրապետական աթոռը Սիւսի մէջ տարապիր, արևելեան գաւառներ հսկողութենէ հեռու, հակաթոռներու իշխանութեամբ կանոններ խանգարուած, բարեկարգութիւններ բնական կերպով տկարացած էին: Կոստանդին ուզեց օգուտիլ այն խաղաղութենէն զոր աթոռը կը վայելէր, և այն լաւ յարաբերութիւններէն զորս Արևելեայց հետ վերանորոգած էր, և նոր ժողով մը գումարեց ի Սիւս (1243). ուր հաստատուեցան 25 բարեկարգական կանոններ, և այդ կանոնները շրջաբերական գրութեամբ և յատուկ նուիրակով յուղարկեց Արևելք: Նուիրակն էր Վարդան վարդապետ Արևելցին, որ իւր վանքէն գացեր էր Երուսաղէմ, և անկէ Սիւս եկած, և հինգ տարի կաթողիկոսարանին մէջ աշխատած և մեծ համբաւի և ազդեցութեան տէր եղած. մանաւանդ իբրև միջնորդ յարաբերութեանց Արևելեայց և Կիլիկեան վարդապետներուն միջև: Երկու գիրեր ունինք Կիրակոսէ պահուած, մէկը Վարդան վարդապետի համար յանձնարարական, որուն համար կաթողիկոսը կ'ըսէ թէ փափագցի իմովս ձեռամբ գրել առ ձեզ (Կիր. 166), և միւսը կանոնական ժողովին 25 զուխները պարունակող: Նշանաւորագոյններն են: Դ. Կորոշէ ձեռնադրութեան տարիքը, եպիսկոպոսութեան 30, քահանայութեան 25 և սարկաւագութեան 20: Ը. Պսակի համար արգելեալ կը համարուին մինչև վեց ծննդովը հեռացեալը յազակցութենէ արեան և տարիքը Կորոշէ փոսային 14 և հարսին 12: Թ. Եպիսկոպոս և

վարդապետ և երէց ուրիշ թեմի մէջ պաշտօն չվարէ առանց հաճութեան վիճակաւորին: Բայց և ասոնք ձգմարտացն մի՛ հակառակեցեն: ԺԳ. Եպիսկոպոսը տարին երկիցս իւր թեմը այցելէ և սուրբ ու գիտուն բորեպիսկոպոսներ դնէ: ԺԵ. Ապօրէն կենակցութեան մէջ գտնուողները մարմնաւոր պատուհասիւ և հոգեւորաւ խրատել և տուգանել: ԺԶ. Ամենայն պահը ըստ կանոնաց առանց ձկան և ձիւծոյ և զինւոյ եղիցի, բայց ի հարկէ հիւանդութեան: ԻԱ. և ԻԲ. և ԻԳ. ըստ լուսաւորչադիր կարգի քահանայն զօղորդուող տասանորդէ, և եպիսկոպոսն զքահանայս, և Հայրապետն զեպիսկոպոսունս, յաւելլով, Թէև զայն չառնէք, զչափաւորն արարէք: Սոքա ընդհանուր և հաստատուն բարեկարգութեան կէտեր են:

128. Մասնաւոր յիշատակութեան արժանի են հետեւեալներն ալ: ԺԷ. կանոնը կը հրամայէ, որ հաւատք օրէնք հայհոյողներուն զլեզուն հատցնեն և կամ ծակեսցնեն. և լար ի ներքս ածցնեն և ծնծելով ի շուրջ ածցնեն օր մի, և ըստ գոյին տուգանս առցնեն և յաղթատս տացնեն: Այդ կանոնը կ'երևի թէ արդիւնք է լատին աշխարհէն հասնող հաւատաքնական արձագանքներուն: ԻԴ. կանոնը կ'ըսէ որ առաւօտուն Գոհանամք և երեկոյին Լուր ծայնից աղօթքներուն վերջերը փափուին ի դէմս Քրիստոսի և ոչ ի դէմս Երրորդութեան, զի մի Երրորդութեան վերայ Թուեսցի խաջն: Այդ կարգադրութիւնը ցարդ պահուած կը տեսնուի ժամագիրքին մէջ, թէպէտ աւելորդ զգուշաւորութիւն մըն է, և լոկ օտարներու խճճանքներէ ազատելու կը ծառայէ: Իսկ ԻԵ. կանոնը ի Փրանկաց զրեալ լինելուն համար հիւանդաց խորհուրդը օժմամբ հրամայել կը կարգադրէ, որովհետև, կ'ըսէ, և Օծնեցին Յովհան, որ զատեալ է զմեզ յազգացոյ, զրեալ է որ առնենք, և պարտ է առնելն, և արարէք ստուգիւ: Բայց ոչ Կոստանդինի և ոչ ուրիշներուն զիջողական հոգին այս մասին արդիւնք չունեցաւ, և ամեն անգամ որ հիւանդները օծելու խօսք եղաւ՝ հայ հաւատացեալը երբեք չհամակերպեցաւ: Այդ կանոններն էին զորս Վարդան Արեւելին կաթողիկոսական պատուիրակութեամբ տարաւ հաղորդել և իւր ազդեցութեամբ անոնց ընդունելութիւնը ապահովել:

129. Այս միջոցին կը պատկանին Հայերու և Թաթարներու միջև յարաբերութիւնները, որոնց բուն նպատակը քաղաքական խաղաղութիւնն էր: Թաթարաց սկիզբը նշանակել մեր նպատակէն դուրս է: Այս դարուն սկիզբն է որ Չինկիզ խան կը զօրանայ և կը տիրէ Պարսից (1218), մինչ իւր զօրավարներ կ'ասպատակեն զանազան կողմեր: Ինքն շուտով կը մեռնի (1226), և Զաւալադին նորէն կը տիրէ Պարսից և ամէն կողմ կը սկսի արշաւել և աւերել, մինչև որ անգամ մը յաղթուելէն ետքը կը սպանուի:

(1228)։ Քիչ ետքը նորէն սկսան թաթարաց արշաւանքները (1232), որք հասան Աղուանից Մուղան դաշտը (1233), զանազան քաղաքներու տիրեցին, Գանձակն ալ գրաւեցին (1235), և վիճակով իրենց մէջ բաժնեցին զանազան երկիրներու տէրութիւնը։ Չարմաղան, հրոսակին մէկ ճիւղին գլուխը, յարձակեցաւ Վրաց և Հայոց երկիրները, առաւ Շամքօր և Լօրի ամուր քաղաքները և Արցախի բերդերը, գերեց Վանական վարդապետը և Կիրակոս պատմիչը (1238)։ Անի և Կարս քաղաքներ քանդուեցան և ջարդուեցան (1239)։ Միւս կողմանէ զանազան իշխաններ հնազանդութեամբ և հարկատուութեամբ բարեկամութիւն հաստատեցին, քայց պատերազմներ շարունակեցին։ Բաղու, որ Չարմաղանի յաջորդած էր, առաւ Կարինը Իկոնիոյ սուլտանին ձեռքէն (1242), մեծ յաղթութիւն մըն ալ տարաւ անոր վրայ Դերջանի դաշտին մէջ, և տիրեց Երզնկայի, Կեսարիայի և Սեբաստիայի, և անհնարին արիւնահեղութիւններ կատարեց Հայոց ՈՂԲ (1243) թուին, զի համարագիր թուականի ՈՂԲ էր, և ըստ այն գործեցան արդիւնքն արժանաւոր ողորոց, կ'ըսէ պատմիչը (Վարդ. 147)։

Մ. Ա. Օ.

ԿՌՈՒԵԼ ԵՄ ՈՒԶՈՒՄ

Կոուել եմ ուզում... Կոունլ, մարաունլ.
Հանգիստ չէ սիրում կրակոտ հոգիս.
Կռիւ տենչանքով իմ սիրտն է վառուել,
Կռիւ եմ ուզում—դուրս գալ ասպարէզ:
Թող չարն ու կեղծիք—մարդկանց գերիշխան,
Ժայռի պէս խրոխտ դուրս գան իմ հանդէպ.
Շանթածին հոգիս կայծակի նման
Ժայռին կը զարկէ ուժգին, անվրէպ:
Եւ հաւատացէք, կատաղի զարկով,
Չարիք ու կեղծիք ես կը փշրտեմ,
Ժայռը կը հայեմ սրտիս կրակով,
Բարու յաղթանակ արծան կը կերտեմ...

* * *

Սարերի միգապատ, անժպիտ կատարին
Կանգնեցի թինկ տուած մամռապատ վէմ քարին.
Նայեցի դէպի ցած—ծովն ահեղ, ալեկոծ,
Գալարուն ալիքներ դիրաշարժ ինչպէս օձ,
Աշխուժով, եռանդով վազում են ամեն կողմ,
Պայքարում ու կռում ժայռի դէմ անողորմ:
Ու հոգիս լցուեցաւ կոուելու տենչանքով.
Նետի պէս սլացաւ քարծռնքից դէպի ծով,
Սուզուեցաւ ալեաց մէջ՝ ամենի եւ անսանձ,
Ու կռուեց, պայքարեց՝ անյողողող, սիգապանծ...

ՅԱՐՈՒԹԻԻՆ ՊԵՏՐՈՍԵԱՆ

ՊԵՐՃ ՊՌՕՇԵԱՆՅԻ ՎԵՐՋԻՆ ՕՐԵՐԸ

1907 թուի նոյեմբերի սկիզբն էր:

Բժ. Վարչամեանը զալով իմ բնակարանս՝ յայտնեց, որ Պռօ-
շեանցն արդէն Բագուսն է և կամենում է ինձ տեսնել:

Ահա անսպասելի մի լուր:

Զէ՛ որ նոր կարգացել էի մի հայ լրագրի մէջ, որ Պռօ-
շեանցը Ալեքսանդրապօլով անցել է Աշտարակ իւր առողջու-
թիւնը վերականգնելու, դիմեցի ես այս հարցով պ. Վարչա-
մեանցին:

— Այո՛, նա գնացել էր Աշտարակ ու մի քանի օր է որ վե-
րադարձել է Բագու և այժմ հիւանդ պառկած է իւր փեսայ
Ստեփան Տիգրանեանցի բնակարանում, բացատրեց բժ. Վար-
չամեանցը:

Իսկոյն զնացի այցելութեան:

Ստեփան Տիգրանեանցի բնակարանը այդ միջոցին Տարգո-
վայա փողոցումն էր, տիկին Տէր Յակոբեանի տան երկրորդ յար-
կում: Ելէքտրական զանգը քաշելուց յետոյ ընդառաջ զուրս ե-
կաւ Պռօշեանցի մեծ զուսար՝ աիկին Տիգրանեանը:

— Այո, եկել է հայրս, հիւանդ է և պարկած է մի փոքր
սենեակում. ան, որքան լաւ կլինէր, եթէ զուք համոզէիք նո-
րան զնայ դէպի փողոց նայող հիւսիսային սենեակը, որ աւե-
լի ընդարձակ է, խնդրեց ինձ տիկին Տիգրանեանցը և առաջ-
նորդեց ինձ սեղանատան միջով մինչև այն սենեակն, ուր պառ-
կած էր Պռօշեանցը:

Մտայ ներս. Պռօշեանցը ծղուած էր իւր մահճակալի վե-
րայ, երեսը դէպի միակ լուսամուտը, որ նայում էր դէպի տան
բազր և որից հազիւ մի 2—3 ժամ թափանցում էին արևի
հառազայթները:

— Էս հրտեղ ես, հէր օրհնուած, քանի ժամանակ է սպա-
սում եմ քեզ, դիմեց ինձ Պռօշեանցը և մեկնեց իւր դողդոջուն
և դալկացած ձեռքը:

—Էսպէս էլ բան կ'լինի, շարունակեց նա. միքանի օր է վերադարձել եմ Բագու, հիւանդութիւնից չեմ կարողանում տանից դուրս գալ, իսկ իմ բազմաթիւ ծանօթներէից ոչ ոք, ոչ ոք չէ պոյգելում ինձ և չէ մխիթարում ինձ, կարօտ եմ կենդանի խօսքի:

Ներողութիւն խնդրելով՝ ես բացատրեցի, որ չգիտէի նորա անակրնկալ գալուստը և, ընդհակառակը, ես կարծում էի թէ նա Աշտարակումն է: Մի քանի սովորական հարց ու պատասխանից յետոյ, պատրաստուեցի որ հարցնեմ նորա հիւանդութեան մասին, բայց Պռօշեանցը թէքուեց փոքրիկ սեղանի կողմը, վերջրեց զանգակը և հարեց:

Ներս մտաւ մի հայ կին, որ, ինչպէս յետոյ պարզուեց, նշանակուած էր միայն հիւանդին ծառայելու:

Հայ կինը, առանց պատուէրի սպասելու, դրեց հողաթափները հիւանդի կախած ոտերի առաջ և ինքն անցաւ նորա կողքը՝ թևից բռնելու:

Այս շարժումներից հեշտ էր եղրակացնել, որ կինը արդէն գիտէր իւր անելիքը, արդէն վարժուած էր իւր գերակատարութեան մէջ: Հիւանդն զգուշութեամբ հազաւ հողաթափերը և յենուած օգնական կնոջ վերայ՝ շատ դանդաղ դուրս գնաց սենեակից:

Ես մնացի միայնակ: Հագիւ անցաւ մի քանի րոպէ և ուժից ընկած Պռօշեանցը, նոյն կնոջ օգնութեամբ, վերադարձաւ սենեակ, շնչասպառ նետուեց մահճակալի վերայ ու երկար ժամանակ չէր կարողանում հանգստացնել շնչառութիւնը, որ խօսի:

— Տեսնում ես, ահա այսպէս է իմ դրութիւնը, խո՛մ մի բան էլ չկայ, բայց հարկադրուած շուտ շուտ պէտք է դուրս գնամ... արտրժակս վատ չէ, բայց կերածս չէ մնում... բարակ ու կցկտուր ծայնով արտասանեց Պռօշեանցը:

Այս խօսքերից արդէն յայտնի եղաւ Պռօշեանցի հիւանդութեան տեսակը և նորա վտանգաւոր դրութիւնը. փոքր խօսելուց յետոյ ես պատրաստուեցի հեռանալու հիւանդի բնակարանից:

— Գարրիէ՛լ, հիւանդոս ծայնով դիմեց ինձ Պռօշեանցը՝ երբ ես հրաժեշտի ձեռքս մեկնել էի դէպի նա, Աստուած սի-

րես, չմոռանաս ինձ, շուա շուա արի մօտս, գիտեմ ծառայութեանդ դուցէ երբեքն արգելք չիմեմ, բայց խնդրում եմ, մոռացութեան չառլ ինձ...

Մահնակալի մէջ նստած Պռօշեանցն արտասանեց այս խօսքերը, գլուխը թեքեց ծախ ուսի վերայ աչքերը դէպի ցած և ծախ ձեռքով զանգահարութեամբ նորից պատրաստուեց հայ կնոջը կանչելու...

Ես միամտացրի, որ կայցելեմ և դուրս գնացի:

Երկու օրից յետոյ նորից այցելեցի Պռօշեանցին, որ չափազանց ուրախացաւ և պէտք զանգատուել ուրիշ ծանօթներից:

— Երևակայիր քեզ, Գաբրիէլ, մի քանի օր առաջ, մարդի միջոցով խնդրել էի Գ. և Ն. քահանաներին, որոնք ջոկ ջոկ հազիւ միքանի բուպէով մտան մօտս ու այնուհետեւ էլ չեմ տեսնում նրանց երեսր... Երեւի ծանր է հիւանդի հետ ժամանակ անցնելը: Գիտե՞ս, որքան ծանօթ ունիմ այստեղ՝ Բաղուս, բայց նորանցից ոչ ոք չէ երևում, կարծես Սահարայի անապատումն ենք:

Դէմքը թեքեց միւս կողմի վերայ և խոր մտածմունքի մէջ լինկաւ: Մի բուպէից յետոյ նորից շարունակեց իւր արտունջը.

— Օտարը խո՞մ օտար է, բայց հարազատներս էլ կարծես օտարացել են ինձանից... մտնել, տեղեկանալ, հարցնել ուտելս, կամ խմելս... ոչ ոք... դարդակ լան է... երանի կամ կինս կենդանի լինէր, կամ ես մեռնէի կնոջս հետ միասին... դալրացած ու յուսահատ արտասանում էր հիւանդը:

Այս խօսքերի վրայ ես չգիտէի ինչ պատասխան տամ, կամ ինչով մխիթարեմ նորա կոտրուած սիրտը. ուստի նորան հողեպէս հանգստացնելու նպատակով կամեցայ հեռացնել նորա ուշքը այդ տխուր նիւթից, և առաջարկեցի բացատրել թէ ի՞նչ հանգամանքներից ստիպուած եմ, Պռօշեանցը, վերջին անգամ ընկաւ Աշտարակ: Այդ բուպէին նա արդէն բաւականին հանգըստացած էր, և կարող էր հեշտութեամբ անցնել խօսակցութեան այլ նիւթի:

— Աշտարակ, հա ասեմ, գիտես, Գաբրիէլ, կինս որ մեռաւ, ես արդէն ինձ կենդանի չէի զգում, իմ գոյութիւնս

ինձի չէր թւում, ուստի ես կամենում էի մեռնել և մշանչե-
նապէս հանգստանալ իմ կնոջ կողքին, Թիֆլիսում, Խոջիվանքի
գերեզմանաանում կամ հանգչիլ իմ հայրենի հողում, իմ ման-
կակոն օրօրանում, Աշտարակ գիւղում: Մտածեցի, որ իմ հայ-
րենակիցները կհանաչեն ինձ... չէն թողնիլ անհետ կորչելու...
մի քանի ժամանակ կեանք կունենամ, թող կեանքիս այդ ամե-
նաչնչին մասը անցկացնեմ իմ ծննդավայրում, ահա այդ մտքով
էլ դնացի Աշտարակ. պատասխանեց հիւանդը և ըստէական
ընդհատումից լետոյ նորից շարունակեց խօսակցութեան թելը:

— Դորա համար, մտածեցի ես. առաջարկել հայրենակից-
ներին շինել հասարակութեան հաշուով երկու սենեակ, մինը
գրադարանի համար, միւսը իմ բնակութեան համար, որ իմ
մահից լետոյ կլինէր էլի հասարակաց գրադարանի սեփականու-
թիւն:

Այս խօսքերի վրայ կանգ առաւ Պռօշեանցը, որովհետեւ
զանգը կանչեց հայ կնոջը: Դուրս դնաց կմախք դարձած Պռօ-
շեանցը՝ ոտերն իրար զարկելով, մէջքը կռացած և ապա նորից
վերադառնալով ընկաւ մահճակալի մէջ և շնչասպառութիւնից
հանգստանալուց լետոյ, նորից շարունակեց իւր պատմու-
թիւնը:

— Ո՞րանք մնացի. հա, մի սենեակի փոխարէն ես խոստա-
ցայ տալ Աշտարակի հասարակութեան ընդ միշտ առաջին՝ իմ
բոլոր գրեանքս, երկրորդ՝ իմ հեղինակութեան ժառանգական
իրաւունքը, որից հասարակութիւնը կարող էր ունենալ մօտ
300 ռուբլի տարեկան եկամուտ հիմնուելիք գրադարանի օգտին:
Ես մտածեցի, որ եթէ այդ իրաւունքը թողնեմ իմ օրինաւոր
ժառանգներին, իւրաքանչիւրին հազիւ հասնի տարեկան 50
ռուբլի, մի չնչին գումար, որ ստացողին առանձին օգուտ տալ
չէ կարող, այն ինչ մի հասարակաց գրադարանի համար տարե-
կան 300 ռուբլի մշտական եկամտի աղբիւր՝ ունի մի՞ժ նշա-
նակութիւն: Ուստի խորհուրդս յայտնեցի մօտիկներիցս ոմանց
ու ի՞նչ կասկած, զտալ հաւանութիւն: Մնաց ընդհանրացնել
գործը:

— չէնց այդ միջոցին—շարունակեց հիւանդը—քո collega-ն
ու իմ համագիւղացի բժիշկ Մնացական Յարութիւնեանցը ժա-

մանակաւորապէս զտնւում էր զիւղում և պատրաստւում էր տալ հասարակութեանը մի ճաշկերոյթ. Աշտարակում էր նաև ինձ և քեզ քաջածանօթ բարեկամ Սուքիաս արքեպիսկոպոս Պարզեանցը, կտակիս համակրողներից մինը: Տեսնում ես, հանգամանքները կարծես յաշող ելք էին խոստանում: Ահա խնշոյքի ժամանակ...

Այս խօսքի վերայ Պռօշեանցը աքալով և հեւալով էլի թեքուեց դէպի սեղանի վերայ զրոած դանդը և ներս մտնող հայ կինը այս անգամ ստացաւ հիւանդից պատուէր՝ բերել մի բաժակ կաթ: Կաթը կամաց կամաց, կուժ կուժ, սկսեց խմել և նորից շարունակել իւր պատմութեան թելը, որ կարծես թէ իրան էլ հետաքրքրում էր և նա դո՛ւ էր, որ ես առանց ծանօթանալու լսում էի ու ընկերակցում էի նորան:

— Հա, հացկերոյթի ժամանակ առաջարկուեց և ի՞նչ կենացը, ճառերի մէջ յիշեցին ներսէս կաթողիկոսին, Սմբատ Շահադիդին ու այլ աչքի ընկնող աշտարակցիներին, պնդելով որ մեզպէսներն են Աշտարակին փայլ տուողը, նորա անունը բարձրացնողը, որ յախտաւոր են ներկայ աշտարակցիք, որ մեզ պէս հայրենակիցներ ունեն և ապագայ սերունդը երախտագիտութեամբ և հպարտութեամբ պէտք է յիշի Պռօշեանցների, Շահադիզեանցների և այլոց անունները. մի խօսքով, բանը ի՞նչ երկարացնեմ, Գորբիէլ, գիտես էլի թէ՞ այդ տեսակ հանգամանքներում, կարմիր ու ճերմակ գինու բաժակներից յետոյ ի՞նչ բառեր են թնդում օդի մէջ:

— Մանաւանդ այնպիսի բանաստեղծական դիրք ունեցող տան մէջ, Քասախ գետի ծառադարձ ժայռի գապաթին, ուր զրոած է բժ. Մնացական Յարութիւնեանցի տունը, ուր այդ ճառերը արտասանւում էին, աւելացրի ես:

— Այո, այո, կամրջի գլխին, ախ ինչ հրաշալի պատկեր է այդ տեղ դարնան ժամանակ, կցեց Պռօշեանցը և շարունակեց իւր պատմութիւնը: Հա, այդ ընդհանուր ողևորութեան ժամանակ ահա առաջարկուեց ի՞նչ կտակը: Որքան հացկերոյթը շարունակուեց, հանդիսականները միահամուռ դովում դովաբանում էին ի՞նչ յղացած միտքը և նաղը պատրաստականութիւն էին յայտնում իրադործել կտակս, այսինքն շինել մի տուն 2 սենեակից

իւր պարագաներով հասարակաց պրագարանի և իմ բնակութեան համար, որի վերայ հաղիւ ծախսուէր 2000 ռուբլի, ճաշկերոյթը վերջացաւ, հրաւիրեալները ցրուեցին:

Այստեղ Պռօշեանցը խնդրեց, որ մի փոքր ընդհատումն լինի խօսակցութեան մէջ, որպէս զի կարողանայ շունչ առնել և ապա շարունակել:

— Հա, հետեւեալ օրը, շարունակեց Պռօշեանցը, կաղնուեց մի համախօսական, մէջը արծանագրուեց իմ կապը և երեկեան ոգևորուած հասարակութեան խոստումները և ապա մի հաւատարիմ մարդու ձեռքով սկսեցին պրտրադնել գիւղում ստորագրութիւն ժողովելու: Հէնց այդ անկ երեւաց ներկայ աշատրակցիների ներքինը... ախ, ի՞նչ անեմ, Գաբրիէլ, հալս հալ չի, թէ չէ աշատրակցիներին նորից կնրկարագրէի... Համախօսականը ներկայացնում են մինին, որ պատասխանում է Տէհ, հեր օրհնած, չէք թողնի որ լուսանայ, ինչ էք առաւօտ...», միւսը՝ թէ «ո՞նց կարելիա, առաջ պէտք է տանել այս ինչ պարոնին, նա իշխան է, առաջ նա պէտք է ստորագրի»... երրորդը՝ թէ «ես կամ ու կամ, ես նաղդ եմ, դուք դեռ տարէք այս ինչ մարդուն...» չորրորդը՝ թէ «ամենայն ուրախութեամբ կստորագրեմ, բայց հիմայ ժամանակ չունիմ, ձիս թամբած է, շտապում եմ զնայ Ափնաղեղ, էնաղից էլ Աբարան, ուր մի ամսաչափ կուշանամ...» հինգերորդը՝ թէ «էհ, ի՞նչ անենք թէ խոստացայ, բա հացկերոյթի ժամանակ կասեն թէ չէ, համածայն չե՞մ, ո՞նց կլինի...», վեցերորդը՝ թէ եթէ ուրիշները կստորագրեն, ես էլ կստորագրեմ...» և այլն և այլն: Հապա՞, էն անիծումները էս պէս օլին բերին զլիսիս և համախօսականը քնաց մի թղթի կտոր, որ ո՞վ գիտէ, քամին ո՞ր կողմի վերայ տարաւ: Այսպէս վարուեց ինձ հետ այն Աշտարակը, որին ես զոհել եմ իմ կեանքի ամենաեղանդուն և ամենաթանգագին ժամանակը: Ձեռք վերցնելով Աշտարակից՝ ես լաւիտեան և ընդմիշտ դէն ձգեցի նորան և եկայ Բաղու. դժգոհութեամբ վերջացրեց իւր պատմութիւնը Պերն Պռօշեանցը:

Ժամանակը երեկոյեան դէմ էր, կերակուր բերին հիւանդի համար, ուստի ես հեռացայ և խոստացայ այցելել հետեւեալ օրը: Միւս օր՝ սովորական ժամին ես մտայ Պռօշեանցի

սենեակը: Նոյն կացութիւնը, նոյն դրութիւնը, նոյն կենցաղն՝ ինչ որ երեկ. միայնակութիւն, բացակայութիւն հարազատների և ծանօթների, նաև բացակայութիւն խնամող բժիշկների: Միայն հայ կինն էր, որ երբեմնակի երևալով զանգի ծայնին, կատարում էր իւր գերը:

Սովորական սղոցներից յետոյ ես նստեցի աթոռի վերայ, հիւանդի դէմ, որն այդ միջոցին ծղուած էր մէջքի վերայ մահճակալի մէջ, ձեռքերն աշ ու ձախ կողմից դրած գլխի աակ-կարմիր Փէսը քիչ աչքերի վերայ քաշած, լուռ նայում էր դէպի լուսամուտը: Մի քանի բոպէից յետոյ ինքն իր լուութիւնը խախտելով սկսեց խօսել:

— Նաւատացնում եմ քեզ, Գաբրիէլ, որ այս իմ անիծեալ հիւանդութեան ժամանակ՝ միակ ու միակ մխիթարութիւնս արևի նառագայթներն են, որ լուսամուտով ընկել են վրաս: Բնութեան այդ հրաշալի պարգևից անգամ ես զուրկ եմ, ըստորում սենեակս ունի այնպիսի մի դիրք և այս միակ լուսամուտն այնպէս է դրած, որ արևն իւր կենսատու ճառագայթները հաղիւ մի երկու ժամ կարողանում է ձգել իմ վերայ, իմ պրած, մաշուած սիրտս մխիթարելու... և մերոնք այս մխիթարութիւնից կամենում են զրկել ինձ, կամենում են տեղափոխել հիւսիսային կողմը, իսկ ես ամենեւին չեմ համարձակուիլ և այս սենեակս չեմ ձգիլ... մի քանի օր կեանք ունեմ, դոնէ արևն ինձ մխիթարի, այս արևի համար եմ ապրում... ապրելս այսուհետև ուրիշ նպատակ չունի...

Նորից լուսահաստութիւն, նորից խորհրդաւոր լուութիւն, բայց խորհրդաւոր մտածմունքի և այդ լուիկ բոպէին Պռօշեանցըն իւր խորն ընկած աչքերը և դունատ ու մաշուած դէմքը յանկարծ ինձ վերայ դարձնելով և ձեռքը մեկնելով արստատենց կարծես իւր դադանի մտածմանց շարունակութիւնը:

— Ախր էլ ի՞նչ ապրեմ է՝, ո՞ւմ համար ապրեմ... ճիւղ-պատակիս համար ապրեմ... կինս մեռաւ... մեծ որդիս իւր անխոհեմ ուղղութեան համար յաւիտեան սքսոր դնաց, միւս զաւակներիս համար աւելորդ ծանօթութիւն եմ... էլ ո՞ւմ համար ապրեմ... չէ՛, ես պէտք է մեռնեմ, ես ուզում եմ մեռնել, մեռնելն ուղղակի իմ ցանկութիւնս է... և ես հաս-

տաա գիտեմ, որ պէտք է մեռնեմ այս ցաւից. միայն կցանկալի այստեղ չմեռնել, որպէս զի այս սենեակը չկորչի... կինս որ մեռաւ Թիֆլիզում, նորա մահից յետոյ ոչ ոք զաւակներիցս չէր ուզում մտնել նորա սենեակը և ես հարկադրուեցայ փոխել բնակարանս: Այս է իմ ցանկութիւնը, մեռնել և այս բնակարանում չմեռնել... Իմ շիրիմս պէտք է լինէր Աշտարակում, իմ մայրամուռնդ զիւղում, բայց ոչ իմ կարողութիւնս թոյլ առեց առն շինել մեր գիւղում և ոչ Աշտարակի հասարակութիւնը կամեցաւ կոտորել վերջին ցանկութիւնս—տալ ինձ 3 արշին հող... Աշտարակիցոց վարձուեցից յետոյ՝ արդէն ինձ համար բոլորովին միևնույն է թէ ո՞ր տեղ կամփոփեն իմ ոսկրներս, այստեղ՝ Բագու, թէ մի այլ տեղ...

Ես դիտմամբ խառնուեցի խօսակցութեան մէջ, աշխատեցի ըստ առաջնոյն հեռացնել նորա ուշքն այդպիսի մտածմունքներից, որ չափազանց փաստակար էին նորա հոգեպէս հանդստութեան համար. իսկ Պռօշեանցը հակառակեց.

— Ձէ, Գարրիէլ, դու չգիտես իմ դրութիւնը, ապրելս ի դուր է և ես կմեռնեմ... միայն հեղինակութեանց ժառանգական իրաւունքի մասին և դրեանցս մասին, Աշտարակի դէպքից յետոյ, փոխել եմ մտադրութիւնս: Վնուել եմ յատկացնել այդ երկուսն էլ Ներսիսեան դպրոցին, որ ինձ դաստիարակել է, կըթել և սնուցել: Եւ արդէն խնդրել եմ Ստեփանին (Խւր փեսայ, փաստաբան Տիգրանեանց Բագուում), որ այս մտքով մի կտակ շինի իմ անունից:

Քանիցս որ այցելել էի Պռօշեանցին, չէի հանդիպել նորա մօտ ոչ զեղօրայք և ոչ խնամատար բժիշկի, ըստ որում նորա խնամող հայ բժիշկները Չ. և Վ., հիւանդի ասելով, զնացել էին ս. Էջմիածին Վհագափառ Խրիսեանի թաղմանը հանդիսատես լինելու: Այն ինչ հիւանդի դրութիւնը օրէցօր վատթարանում էր, իսկ անային դրութիւնը մնում էր անփոփոխ, չկար կարեւոր հոգատարութիւն, բժշկական խնամք, հոգեպէս հանգստութիւն և այլն, որոնք ներկայ հանգամանքում խիստ կարեւոր էին: Այդպիսի յարմարութիւնները կարելի էր գտնել միայն լաւ հիւանդանոցում:

Ուստի Պռօշեանցի խօսակցութիւնից օգուտ քաղելով, խօսք բացի հիւանդանոցի մասին, միայն վախենալով, թէ, մի գուցէ, Պռօշեանցի կողմից չԺգոհութեան հանդիպեմ: Իսկ նա, իմ սպասածին հակառակ, մեծ յօժարութիւն ցոյց տուեց, աւելացնելով որ իւրայինները հակառակ են նորա հիւանդանոց զնալուն, որպէս զի չենթարկուեն քաղաքի «տսէկօսէին»: Վերջին խօսքերը մտածողութեան և փոխադարձ խորհրդակցութեան առիթ եղան իմ և Պռօշեանցի մէջ: Դարձնել ուշադրութիւն փողոցային «տսէկօսէներին» և թողնել հիւանդին անխնամ զրութեան մէջ, թէ՛ հիւանդի դրութիւնը վտանգաւոր համարելով զերակշիռ համարել նորա անձնական շահերը: Ես պնդում էի վերջին տեսակէտի վրայ և Պռօշեանցը լիովին համաձայն էր ինձ հետ, ուստի երկուսով համաձայնեցինք ի կատար ածել մեր որոշումը, այսինքն հիւանդ Պռօշեանցի անձնական շահերը զերապաս համարելով, տանել նորան (հիւանդին) մի բարեկարգ հիւանդանոց:

Իսկ ինչ կվերաբերի հարազատների ընդդիմութեանը, որ հիմնուած էր տսէկօսէներից վախենալու վերայ, Պռօշեանցն ինքը չարաչար հակառակ էր թէ տսէկօսէներին և թէ իւրայինների ընդդիմութեանը և վնասել էր անպայման զնալ դրա հակառակ:

Այնուհետեւ մնում էր ընտրել մի յարմարին հիւանդանոց: Կանգ առաջ դրջաոր Գալկինի հիւանդանոցի վրայ, բայց սա թանգ էր, օրական 3 ռուբլի, որ Պռօշեանցի համար ծանր էր, ըստ որում նորա բոլոր զրամական կարողութիւնը այդ միջոցին, նորա ասելով, հասնում էր ընդամէնը մօտ 200 ռուբլի:

Հիւանդանոցի ընտրութիւնը մնաց հետեւեալ օրուան և առն վերադարձած, հեռախօսով ես, այնուամենայնիւ, խորհրդերի դրջաոր Գալկինի համաձայնութիւնը մի առանձին սենեակ յառկացնելու իւր հիւանդանոցում: Երբ հետեւեալ օրը նորից մտալ Պռօշեանցի բնակարանը, այդտեղ հիւանդանոցի ընտրութեան հարցը և մանաւանդ զործի զրամական կողմը կրկին բեմ բարձրացան: Եւ այդ խորհրդակցութեան ժամանակ միտք ծագեց չիմել Նալթարդիւնաբերողների խորհրդի Սև

քաղաքի հիւանդանոցի վարչութեանը: Այդ հիւանդանոցը իւր փառաւորութեամբ տալիս է բոլոր յարմարութիւններ:

Մի կարևոր արդէք էր միայն հանդիսանում մեր առաջ, որ եթէ Պռօշեանցին ընդունեն հիւանդանոցում, այդ շնորհր պէտք էր վերադրել Պռօշեանցի արժանապատուութեանը, ըստ որում Նաւթարդիւնաբերողների խորհրդի հիւանդանոցները Նաւթային գործերում ծառայողների համար են: Բայց խորհրդի գործերի կառավարիչը հաճութեամբ ընդունելով մեր դիմումն, հարթեց ճանապարհը և այսպիսով որոշուեց որ հետեւեալ օրը Պռօշեանցը ընդունուի Սև քաղաքի հիւանդանոցը ձրիապէս:

Գործի այսպիսի ընթացքով Պռօշեանցը շատ զոհ էր, մինչև անգամ ուրախ: Այստեղ հիւանդը չարաչար թախանձում էր ինձ որ վաղը նորան հիւանդանոց տանեմ ես և ոչ այլ որ. իսկ ես ամէն կերպ աշխատում էի համոզել նորան, որ աւելի յարմար է եթէ տանեն իւրախինները: Այնուամենայնիւ անկարելի եղաւ համաձայնեցնել նորան, ուստի անճարացած և հիւանդին հանդստացնելու համար խօսք տուի վաղը գալու:

Վաղը կիւրակի էր, 1907 թուի Նոյեմբերի 11. Արդէն առաւօտ է: Գանի մօտենում էր Պռօշեանցի մօտ գնալուս ժամը, այնքան աւելի էր ճնշում հոգիս, ըստորում զգում էի որ այս օրը մի տեսարան պէտք է բացուի, սպասում էի որ երկուստեք մի հակառակութիւն պէտք է երևան գայ, հիւանդը ամենայն ուժով պէտք է ծղտի դէպի հիւանդանոց, իսկ նորա հարազատները պէտք է ընդդիմադրեն նորան և ես այդ ընտանեկան տեսարանին ակամայ ներկայ պէտք է լինեմ: Ուստի ինձ համար զնալ անտանելի էր, իսկ չգնալ՝ անկարելի:

Գնացի: Մտալ Պռօշեանցի սենեակը: Հիւանդն արդէն ինձ սպասում էր, գալուստս յայտնի էր և նորա հարազատներին:

Հիւանդը պառկած դրութիւնից նստեց մահճակալի վերայ և սկսեց ժողովել իւր իրեղէնները. սեղանի վրայից վերջրեց մանր պատկերները և այլ մանրիկ առարկաներ, ծալեց թաշկինակները, շապիթները և միւս սպիտակեղէնը և այլն: Այդ բոլորը դարսեց մի առ մի իւր թեթև արկղի մէջ, որ կարճէս պատրաստուում է մի երկար ճանապարհորդութեան:

Ես հեռու նստած լսութեան վրայ, դիտում էի հիւանդի գործունէութիւնը և մտածում թէ հիւանդ մարդը, որքան էլ ցանկալիս լինի իւր մահը, այնուամենայնիւ ձեռքից բաց չի թողնիլ կենաց յուսոյ նշույլը: Ի՞նչ էր մտածում այդ խորհրդաւոր բոպէին Պռօշեանցը, ես չգիտեմ. միայն երկուսս էլ լուռ էինք:

Ձանդակը զարկեց. ներս մտաւ հայ կինը և պատուէր ստացաւ հազցնել հիւանդին իւր հանդերձը և ժողովել ու կապել նոր անկողինը:

Այդ միջոցին ներս մտան երկուսը հիւանդի զաւակներէց և աղաչում էին հօրը չգնալ հիւանդանոց, մինչև անգամ չէին թողնում որ նա հագնուի: Բայց Պռօշեանցը անդրդուելի կերպով ընդդիմանում էր: Վերջապէս հաղնուած և հայ կնոջ վերայ յենուած դուրս եկաւ սեղանաւառն: Ես զնացի նորա հետ. քից:

Սեղանաւառնը շրջապատեցին Պռօշեանցին նորա զաւակները և ուժով արգելում էին նորան դուրս գնալ անից: Պռօշեանցը խիստ զայրացած ընդդիմանում էր: Բարձրացաւ աղմուկ, դժգոհութիւն, աղաչանք, բողոք, ամէն տեսակ զգացմանց արտայայտութիւն:

Իմ զրութիւնն անտանելի էր: Ճէնց այդ բոպէին ես նրկատեցի դահլիճում բժիշկ Վարշամեանցին և խիստ խնդրեցի որ նա փոխարինի ինձ և հիւանդին տանի յանձնի հիւանդանոց: Որովհետև հիւանդանոցի վարչութեանը անձանօթ էին և Պռօշեանցը և բժ. Վարշամեանցը, ուստի առի նորանց հարկաւոր տոմս և ինքս խնդրեցի և եթ հեռացայ Տիգրանեանի բրնակարանից:

Ոտնկոխ անելով աղերսանքն ու արգելքները, Պռօշեանցը դուրս է պրծնում ուժով ու առանց օգնութեան իջնում է երկրորդ յարկից աստիճաններով մինչև Տարգովի փողոց և այդտեղ, դրան առաջ նստում: Ապա իջնում է բժ. Վարշամեանցը և կառքով տանում հիւանդին յանձնում է հիւանդանոցին:

Նոյեմբերի 14 այցելութեան զնացի Պռօշեանցին. նորա համար դատարկել էին բժիշկների ընդունարան — սենեակը, ուր միայնակ պառկած էր հիւանդը: Սենեակը փառաւոր, մաքուր,

լուսաւոր, կահաւորութեամբ, բժշկական և կենցաղավարական հոգատարութիւնը օրինակելի: Ինքը հիւանդը շատ գոհ էր ամէն բանից, միայն ծանծրանում էր որ իւր բազմաթիւ ծանօթներէն ալ չէր տեսներ հիւանդանոցում ամէն օր միայն բժ. Վարչամեանը: Չեմ խօսում Պռօշեանցի դաւաճներէ և փեսայի մասին, որ իւրաքանչիւր օր ալ չէր տեսներ էին: Հիւանդի ծանծրութիւնը սասականում էր մոռնալու գիշերները, երբ քնում էր միայնակ: Ուստի նա խնդրում էր բժ. Վարչամեանին որ գիշերներ քնելու փոխարէն մնայ մօտ: Այդ անկարելի էր:

Չնայելով հրաշալի հոգատարութեան, հիւանդի ոյժը օրեցօր պակասում էր, ալլ ևս նա չէր կարողանում նստել մահճակալի մէջ, բայց չիշողութիւնը, գաղտնիութիւնը խիստ լաւ էր:

Հասաւ նոյեմբերի 22, հինգշաբթի: Հիւանդի վրութիւնը կրիտիքական էր, ալլ ևս ոչ մի յոյս, գիշերը անցրեց անքուն և անշարժ և նոյեմբերի 23-ին 1907 թուի, ուրբաթ առաւօտեան ժամի 8 և 30 րոպէին ալլ ևս չկար Պերճ Պռօշեանցը:

Գնաց յաւիտենականութեան գիրկը հայ զրականութեան չարքաշ մշակներից մինը, որ ծնուեց աղքատութեան մէջ և մեռաւ օտարութեան ու չքաւորութեան մէջ: Թող այսուհետեւ նորա բազմաթիւ երկերը չիշեցնեն նորա անունը:

Ուրբաթ, նոյեմբերի 23 երեկոյեան դէմ, խոնաւ եղանակին, Սե քաղաքի կողմից Տէլէֆոնի փողոցով դանդաղ ընթանում էր երկու ծի լծած մի սև դիակառք: Հայ կառապանը սև զգեստ հագած, կամաց կամաց շարժում էր դիակառքը երկար ու լայն փողոցով: Դադաղի մէջ՝ դիակառքի վերայ անշարժ հանգստանում էր մի կորացած, ոսկր դարձած դիակ: Այդ Պերճ Պռօշեանցն էր:

Նորա ետեւից գնում էին հաղիւ 2—3 կառք հանգուցեալի հարազատներով: Ամբոխը դեռ կարծում էր թէ Պռօշեանցը դեռ ևս կենդանի է, դորա համար էլ գաղտնի էր պահում իւր յարգանքը, սպասում էր որ հիւանդը անշնչանայ, դիակ դառնայ, որ ըստ այնմ արժանանայ յարգանքի:

Հասաւ դիակառքը Տարգովի փողոց և Պերճ Պռօշեանցը:

լուիկ մնչիկ անցաւ այն տան կողքից, որտեղից 12 օր առաջ աղմկայոյզ կերպով դուրս եկաւ դէպի Սև քաղաքի հիւանդանոցը:

Ահա դիակառքը կանգ առաւ հայոց եկեղեցու առաջ և Պերճ Պռօշեանցը՝ իւր փոքրիկ տնակի մէջ՝ մտաւ հայոց եկեղեցին գիշերելու այնտեղ: Նա այժմ միայնակ է, բայց վաղը կսկսի նորա դիակի յարգանքը:

Արդարև շաբաթ օրը տեղական լրագրների մէջ դուրս եկաւ Պռօշեանցի մահուան յայտարարութիւնը և այդ օրը պատարագի ժամանակ, եկեղեցում ասեղ ձգելու տեղ չկար, այնքան շատ էր յարգողների թիւը:

Պատարագը վերջացաւ. եկեղեցու բազում լուսանկարով հանեցին հանգուցեալի պատկերը և ապա դադարը նորից բարձրանալով դիակառքի վրայ հոգևոր երգերով շարժուեց դէպի երկաթուղու կայարանը Թիֆլիզ գնալու:

Ժողովրդի խուռն բազմութիւնը, կառքերի ահագին խումբը Տելէֆոնի լայն փողոցում կանգնացրել էին շարժումը, կանգ էին առել և ձիաքարշերը: Տխուր հանդէսը դանդաղաքալ յառաջ էր գնում դէպի երկաթուղին: Հասարակութիւնը ոտով էր գնում ի պատիւ հանգուցեալի...: Շատերը, մանաւանդ կանայք, խօսակցում էին թէ ի՞նչպէս, ինչ ձևով և երբ յաւերժացնեն հանգուցեալ Պռօշեանցի յիշատակը:

Երկաթուղու գնացքը պատրաստ կանգնած է: Ծայրի վազոնը Պռօշեանցի համար է: Նա գնում է Թիֆլիզ իւր վաղեմի փափազը, իզոք լրացնելու, այն է մշտնջենապէս հանգստանալու իւր կնոջ կողքին...: Նորա ցանկութիւնը կատարեց նորա փեսայ Ստեփան Տիգրանեանցը, որին Պռօշեանցը իւր կենդանութեան ժամանակ չափազանց յարգում էր:

Թէև հարկ էր այստեղ ղնել վերջակէտ, բայց որպէսզի մահանկարը լրիւ լինի, ինձ հարկաւոր է յիշատակել և այն յարգանքը, որ զալիս էր հեռագրների միջոցով: Այս հեռագրները օրինակ են, թէ ո՞րպիսի յարգանք է վայելում միեւնոյն անձնաւորութիւնը իւր կենդանի և մեռած ժամանակ: Ահա նմուշի համար մի երկուսը:

Բազուից 1 զեկտեմբերի:

«Հայրենի գրական անդաստանի բազմալատակ մշակներից մէկն էլ պակասեց: Արարատեան շինականներին չաւեր-
ժացնող մեծ լուսանկարչի թարմ գերեզմանի առաջ երախ-
տագիտութեամբ գլուխ ենք խոնարհեցնում», Յակոբ Խոչամի-
րեանց, Արէլ Տէր Բաղդասարեան, Գարեգին Շահինեան, Սար-
գիս Տէր Զաքարեան, Յարութիւն Այվազեան, Արսէն Բալա-
յեան, Անտոն Տէր Գրիգորեան, Պետրոս Մելքումեան, Մարկոս
Զալալեան, Տիրան Սարգսեան, Մկրտիչ Մանուչարեանց»: Մշակ
1907 թ. զեկտ. 4 № 173.

«Երախտագիտութեամբ գլուխ խոնարհեցնողներից» շատե-
լը, երևի, քանիցս անգամ անցել էին Տարգովի փողոցով և զի-
տէին, որ գլխի վերևը, մի փոքրիկ սենեակում միայնակ ընկած
է իւրեանց «մեծ նկարիչը» և որոնում է մի ընկեր, մի ծա-
նօթ, մի խօսակից, մի մխիթարող, սակայն բոլորն էլ սպա-
սում էին որ «նկարիչը» առաջ զիակ դառնայ: «Գլուխ խո-
նարհեցողներից» մինը—Արսէն Բալայեանցը—եթէ չեմ սխալ-
ւում, նա է, որ շատ տարի առաջ, իբրև Բազուի սպառազմա-
ւոր Ներսիսեան զպրոցի յոբելեանի ժամանակ Թիֆլիզում, բազ-
մաթիւ հանդիսականների առաջ չերմաչերմ համբոյրներ էր տա-
լի Պերճ Պռօշեանցին: Իսկ այժմ... սորա հիւանդ ժամանակ...

Ահա մի այլ հեռագիր:

Էջմիածին 26 Նոյեմբերի.

«Հեռագիրը հաղորդեց մեր սիրելի հայրենակից Պերճ Պռօ-
«շեանցի մահը: Հասարակութիւնը յանձին Պռօշեանցի ողբում է
«իւր պարծանքներից մինին: Պսակի փոխարէն որոշուած է
«Պռօշեանցի անունով գրադարան-ընթերցարան հիմնել: Խընդ-
«բում ենք հանգուցեալի թաղման ժամանակ լինէք մեր ներ-
«կայացուցիչը և հասարակութեան անունից յայտնէք ցաւակ-
«ացութիւն: Հոգեհանգիստ պիտի կատարուի: Աշտարակի զիւ-
«ղական հասարակութեան հաւատարմատար Խաչատուր
«Քոչարեանց: Վտակ. 1907 թ. Նոյեմբ. 28 № 7».

Աշտարակի ներկայացուցիչն իւր այս հեռագրով զիտէք
հում է գիմում, Թիֆլիզի առաջնորդ Սաթուհեան Գարեգին արք-

եպիսկոպոսին: Համեմատեցէք Աշտարակի հեռագիրը և Պռօշեանցի կտակի պատմութիւնը, բժ. Յարութիւնեանցի ճաշկերոյթը և այլն: Հետաքրքրականն այն է, որ պսակ չեն դնում, ծախս կպահանջի, դորա փոխարէն հիմնուելու է զրադարան, իսկ վերջինս կազմելու համար դիմում են օտար քաղաքների անձանց և հաստատութիւններին, որ ճրիապէս գրեանք ուղարկեն, ուղարկեն և փող: Ուրեմն ապագայ զրադարանը կազմուած է օտարների փողով և գրքերով, սեփականութիւն է Աշտարակի և կրում է Պռօշեանցի անունը: Հապա հեռագրի փողն ընկնից հարկաւոր է ստանալ... յարմարինը էլի Թիֆլիզի ներկայացուցիչն է...

Այժմ կարգացէք հետևեալ նամակը, որ տպագրուած է Մշակի մէջ № 23 Յունուարի 30, 1908

«Աշտարակ 26 Յունուարի.

«Հիմնուելիք «Պռօշեան» զրադարանի մասնաժողովի անդամներս ստանձնած լինելով մեր պաշտօնը, սորանով խնդրում «ենք բոլոր այն անձերին և հիմնարկութիւններին, որոնք խոստացել են այդ զրադարանին նուիրել գրքեր կամ փող, բարեհաճեն ուղարկել հետևեալ հասցէով. Аштаракъ, книжный «магазинъ „Аракъ“ К. Атомянцу. Իրաւունք ստանալու «համար դիմումն արել ենք, ուր հարկն է»:

Մասնաժողովի անդամներ Կ. Ատոմեան.

Մ. Թամազեան.

Հ. Չոլախեան.

Այս աստձներս Աշտարակի մի երեսն է, միւս երեսը կարգացէք բուն աշտարակցի Յ. Արամեանի նամակը Ղամարու գիւղից 1909 թուի Օգոստոսի 5-ից «Կոչ աշտարակցիներին» խորագրով: Տես. «Հորիզոն» 1909 թ. № 12.

ԲԱՋԵՐՈՒՆԻ.

Բագու

*
* *

Երկինքը ամպոս,
Երկին մոայլած
Իսկ շուրջս ֆարոս
Փայռեր են կախուած:

Սարի խոր լանջով
Գետակն է վազում,
Իր հզօր ձայնով
Ահ է տարածում:

Իսկ դու անբախտ սիրտ
Քո ցաւն ես ողբում
Այս մոայլապատ
Խոր ձորի միջում:

Ունայն է շուրջըդ,
Ոչ ոք չի լսում
Քո բիր դարդերը
Այս մեծ աշխարհում:

ԵՂ. ԱԹԱՆԵԱՆ.

ԻՆՉ Է ՀԱՍԱՐԱԿՈՒԹԻՒՆԸ (*)

III

Օրգանական ուղղութիւն

Բնական գիտութիւնը անցեալ դարու սկզբներում նոր թափով զարթելով ողողեց ամբողջ գիտական աշխարհը. շնորհիւ հանճարեղ հետազոտողների նա մեծ տիրապետութիւններ արաւ և իւր վրայ հրաւիրեց գիտական աշխարհի ուշադրութիւնը: Նրա ազդեցութիւնն ու հմայքը շատ մեծ էր, մինչ այն աստիճան, որ գիտութեան լուրջ ծառայողներն անդամ մի տեսակ տարուեցին նրանով: Բնական գիտութիւնը. ոչ միայն բնութեան ուսումնասիրութեան համար այսպիսով նոր գիտական ճիւղեր առաջ բերեց և նպաստեց եղածներին աւելի ընդլայնելու և խորանալու, այլ և իւր ազդեցութիւնը ստորածեց միւս գիտակարգերի վրայ՝ փիլիսոփայութեան, պատմութեան, ի միջի այլոց նաև սօցիօլօգիայի վրայ: Դուրս եկան մի շարք հեղինակներ, որոնք ողևորուած բնագիտութեան նոր նուաճումներով աշխատեցին հասարակութեան էութիւնը և զարգացումը բնագիտութեան օրէնքներով բացատրել: Դարվինի տեսած տեսալների ծաղման տեսութիւնը մի կողմից նրանց այն հիմքն էր տալի, որ մարդ արարածը կենդանական աշխարհի զարգացման վերջին տեսալն է, որ մարդը շարունակութիւն է կենդանական աշխարհի, հետևապէս մարդկային հասարակութեան ուսումնասիրութեան դէպքում պէտք է ի նկատի ունենալ օրգանական աշխարհի զարգացման օրէնքները: Միւս կողմից Կոստոն արդէն այն միտքն էր տարածել, որ հասարակութիւնը մի պատահական ու արուեստական երևոյթ է, այլ բնական օրէնքներով է կազմուած. հետևապէս եթէ հասարակութիւնը բնական օրէնքների է ենթակայ, պէտք է օգտուել այն գիտութեան տեսութիւններից, որը անմիջապէս իւր քննութեան նիւթը դարձնում է բնութիւնը:

*) Լուսայ 1909 № 5—6

Գիտութեան մէջ առհասարակ յայտնի դրութիւնից են անցնում անյայտ դրութեան ուսումնասիրութեանը, միայն որոշ, յայտնի, պարզաբանուած պիտական օրէնքները հնարաւոր են դարձնում անյայտի ուսումնասիրութիւնը: Բնագիտութիւնը ընդհանրապէս տուել էր մի շարք օրէնքներ օրգանիզմի զարգացման և նրա էութեան վերաբերեալ. մարդկային հասարակութիւնն էլ մի տեսակ շարունակութիւն լինելով օրգանական աշխարհի զարգացման, պէտք է նոյն օրէնքներին ենթարկուէր, յայտնի դրութիւնից պէտք էր անյայտ դրութեան ուսումնասիրութեանը անցնէր: Ահա այս բանավարութեան հետևանք է լինում սօցիօլօգիայի մէջ օրգանական ուղղութեան առաջ դալը և երկար ժամանակ ահագին չափեր ստանայր:

Այս ուղղութեան էական հիմքը այն է, որ հասարակութիւնը ինքը մի օրգանիզմ է, որը իւր զարգացման ընթացքում ենթարկւում է նոյն օրէնքներին, ինչ որ օրգանիզմը: Այս ուղղութեան հետևողներից շատերը հասարակութիւնը ոչ միայն համեմատում են օրգանիզմի հետ, այլ և շատ անգամ նաև նոյնացնում, այսինքն աշխատում էին այն ամենը, ինչոր ունի առհասարակ օրգանիզմը, գտնել նաև հասարակութեան մէջ. ծայրահեղութիւն, որը արդիւնք է եղել բնագիտական նոր օրէնքների թերի ու միակողմանի ըմբռնողութեան: Օրգանական ուղղութիւնը ընդունում է, որ հասարակութիւնը իւր կազմութեամբ մի օրգանիզմ է, որ հասարակութեան կազմող մասերը նոյն դրութեան մէջն են, ինչ որ օրգանիզմի բաղադրիչ մասերը: Ինչպէս օրգանիզմը մի ամբողջութիւն է, կազմուած զանազան մասերից, որոնք միմեանց հետ սերտ կապակցութիւն ունեն, միմեանց լրացնում և պայմանաւորում են, նոյնպէս և հասարակութիւնը մի ամբողջութիւն է կազմուած զանազան մասերից, որոնք միացած են անբաժան իրար հետ, միմեանց պայմանաւորում և լրացնում են: Օրգանիզմը ունի զարգացում, նոյնպէս և հասարակութիւնը. օրգանիզմի զարգացման էական յատկանիշն է ամբողջի միութիւն և մասերի շերտաւորումն. որքան օրգանիզմը զարգացման բարձր աստիճանի վրայ է գտնւում, նոյնքան աւելի նրա բաղադրիչ

մասերը կլանուած են ամբողջի կողմից և նոյնքան աւելի տարբերութիւն է առաջ գալի հէնց իրենց այդ մասերի մէջ: Այս նոյն դարգացման օրէնքն է իշխում նաև հասարակութեան մէջ. որքան մարդկութիւնը յառաջադիմում է, նոյնքան աւելի նրա ամբողջութիւնը ընդլայնւում է, այսինքն կազմող մասերն աւելի սերտ են կապուած ամբողջութեան հետ և նոյնքան աւելի տարբերութիւններ է առաջ գալի նրա բաղադրիչ մասերի մէջ:

Մի կողմից, օրինակ, տեսնում ենք, որ մարդկութեան դադափարը, որ առաջ նեղ, սահմանափակ էր ու համարեաւ անհասկանալի, այժմ աւելի քան ընդարձակուել է. նրա մէջ առաջ մտնում էին միայն մի քանի ազգեր. (յոյները նոյնիսկ միայն իրենց էին իսկական մարդկութեան ներկայացուցիչ համարում, իսկ օտարներին բարբարոս), այժմ բոլոր ազգերը պարփակւում են մարդկութիւն գաղափարի մէջ: Միւս կողմից այդ կազմող մասերի տարբերութիւնը առաջ մեծ չէր. ազգերն իրենց գործունէութեան ֆունկցիաներով շատ չէին տարբերւում. առաջ ազգերը մեծ մասամբ և հողագործ և անասնապահ և արդիւնաբերող էին միաժամանակ, իսկ այժմ ազգերից ոմանք առաւելապէս հողագործութեամբ են զբաղւում, միւսները արդիւնաբերութեամբ (ինդուստրիա), ուրիշները միջնորդների դեր են կատարում: Այս օրինակից երևում է, որ մի կողմից ամբողջն է մեծանում և բաղադրիչ մասերն են աւելանում, միւս կողմից այդ մասերն աւելի ու աւելի են տարբերւում միմեանցից: Ինչպէս օրգանական աշխարհում նպատակը քստ ինքեան դեր չունի, այլ ամեն ինչ մեքենայօրէն է կատարւում, նոյնը նաև հասարակութեան զարգացման մէջ, ոչ թէ առաջուց նշանտիւած նպատակը, իւր հողն է դեր խաղացողը, այլ հասարակութեան մէջ գործող մեքենայական ոյժերն են ամեն ինչ առաջ տանում: Այդպիսով օրգանական ուղղութիւնը հասարակութեան զարգացումն ու կազմութիւնը քստամենայնի համեմատում է և զտնում է նոյն օրգանիզմի զարգացման ու կազմութեան հետ:

Ուշագրութեամբ նայելով խնդրին՝ կտեսնենք, որ այս ուղղութիւնը ևս իւր հերթին նիւթի ուսումնասիրութեան հա-

մար թիւը ճանապարհ է ընտրուած: Հասարակութիւնը և օրդանիդմը իրար նմանեցնել չի կարելի այն պատճառով, որ մինչդեռ օրդանիդմի բաղադրիչ մասերից ամեն մէկը ամբողջութեան համար անհրաժեշտ է և նրա բացակայութեան դէպքում օրդանիդմի ամբողջութիւնը կ'կորչի, նոյնը չի կարելի ասել նաև հասարակութեան վերաբերմամբ. սրա կազմող մասերից մէկը կամ միւսը կարող է պակասել և դեռ ամբողջութիւնը չի խառնարուի: Օրինակ, եթէ օրդանիդմի որևէ անդամը՝ ծեռքը, ոտքը, աչքը, պակասի, ամբողջութիւնը կ'սանձարուի. այդ նոյնը չի կարելի ասել հասարակութեան վերաբերմամբ. հասարակութեան մի անդամը կարող է մեռնել, հեռանալ ամբողջից, բայց դրանով դեռ ևս ամբողջութիւնը չի խանգարուի: Միւս կողմից հասարակութիւնը կարող է մեծանալ իւր մասերի թէ որակով և թէ մանաւանդ քանակով, մինչդեռ օրդանիդմի բաղադրիչ մասերի համար չի կարելի ասել, թէ նրանք քանակով կարող են շատանալ: Մի հասարակութեան անդամների թիւը ժամանակի ընթացքում աճում է, եռապատկուում և քառապատկուում է, մինչդեռ օրդանիդմի անդամները ոչ միայն չեն աճում քանակով, այլ աւելի շուտ պակասում են:

Օրդանիդմի մէջ գիտակցութիւնը կեդրոնացած է մի տեղ. ուղեղն է այն կեդրոնը, որը ղեկավար է հանդիսանում օրդանիդմի համար: Մի թէ կարելի է նոյն բանը ասել նաև հասարակութեան վերաբերմամբ. ո՞վ կարող է ասել, թէ որտեղ է հասարակութեան ընդհանուր ղեկավարող և հսկող ուժը. կամ հնարաւոր է դործածել նոյն իսկ «հասարակութեան ուղեղ» դարձուածքը: Դարձեալ մի խոշոր տարբերութիւն օրդանիդմի և հասարակութեան կազմութիւնների մէջ:

Ինչպէս տեսնում ենք, հասարակութիւնը իւր կազմութեամբ արդէն իսկ նման չէ օրդանիդմին և հետևապէս սխալ է նմանութիւն գտնել երկուսի զարգացման օրէնքների մէջ: Օրդանիդմի զարգացման ընթացքում գլխաւոր ուժը կեդրոնանում է ամբողջութեան վրայ. մասերը մի տեսակ ծառայողական դրութեան մէջ են ամբողջի վերաբերմամբ. նրանք դործիքներ են, որ ամբողջը զարգանայ: Հասարակութեան զարգացման մէջ մենք

բոլորովին հակառակ երևոյթն ենք նկատում. ամբողջն է ծառայում իւր մասերին. մարդ անհատը միշտ չէ և ոչ զործիք հասարակութեան համար. նա չի ծառայում հասարակութեան ձեռքին իբրև դործիք, այլ ընդհակառակը հասարակութիւնը, ամբողջութիւնն է աշխատում իւր մասերի բարօրութեան համար. եթէ կարելի է ասել, այս զէպքում նպատակը մասն է, իսկ միշտը՝ ամբողջը: Օրգանիզմի զարգացման ընթացքում որքան և շերտաւորութիւն ու համախմբութիւն առաջ է գնում (дифференциация и интеграция), այնուամենայնիւ ամբողջը ու մասերի յարաբերութիւնը, կապը միշտ ֆիզիօլօգիական է, մինչդեռ հասարակութեան զարգացման ընթացքում նկատում ենք, որ ամբողջի ու մասերի մէջ եղած ֆիզիօլօգիական կապերը հետզհետէ սեղի են տալիս հոդեկաններին: Անհատը հասարակութեան հետ առաջ կապուած էր աւելի շուտ ֆիզիօլօգիապէս. այժմ ընդհակառակը, հոդեկան կապերն են դեր խաղացողները անհատի հասարակութեան մասը կազմելու խնդրում. անհատը աւելի շուտ ազատ է այս զէպքում, քան անհրաժեշտութեան տակ է:

Ըստ Դարվինեան տեսութեան, օրգանիզմների զարգացման մէջ իշխողը կեանքի կռիւն է. աւելի լաւ յարմարուողը, աւելի ուժեղն է կեանքում ապրում և յաղթանակ տանում. հասարակութեան մէջ իշխողը միշտ կեանքի կռիւր չէ, այլ նաև ընկերսիրական զգացմունքը, անձնազոհութիւնը: Մարդկային հասարակութեան մէջ միշտ աւելի յարմարուողը չի ապրում, այլ նաև տկարը, թույլը. օրինակ սարուկները, ճորաերը, այժմ մասամբ բանուորները պահպանում են իրենց զոյութիւնը, թէև սրանք կեանքի կռիւ մէջ համեմատաբար թույլ են: Որքան օրգանիզմը զարգանում է, այնքան աւելի է ուժեղանում նրա մղած կռիւր միւս օրգանիզմների դէմ. եթէ հասարակութիւնն էլ չիրաւի միայն օրգանիզմի զարգացման օրէնքին ենթարկուէր, պէտք է որ անհատական կռիւր աւելի խստանար և հասարակական շահը, ոչ անմիջական անհատական շահը դեր խաղար կեանքում: Ով պատմութեանը ծանօթ է, չի կարող բողոքել այսպիսի կոպիտ սխալի դէմ: Միայն կեանքի կռուով առաջնորդուող, աւելի լաւ յարմարուելու ձգտող հասարակու-

Թեան անդամներից երբէք անհատական անձնագործութեան օրինակներ չէինք կարող սպասել. հերոսների գոյութիւնը պէտք է ժխտէինք. պատմութեան էջերից պիտի ջնջէինք Յովհան Նուսի, Սալօնօօրօյայի, Վարդան Մամիկոնեանի անունները:

Օրդանիդմի զարգացման մէջ իշխող օրէնքն է, որքան կարելի է աւելի լաւ յարմարուել շրջապատին, աւելի լաւ միջոցներ ծնուք առնել շրջապատի հետ դաշնակցելու: Մարդկային հասարակութեան զարգացման մէջ մենք տեսնում ենք նաև մի այլ երևոյթ. ոչ միայն յարմարուել շրջապատին, այլ նաև աշխատել շրջապատը իրեն յարմարեցնել: Այս երևոյթը զարգացման մէջ մի նոր գործօն ուժ է. բնութիւնը իրեն յարմարեցնել կնշանակէ ստորադրեալի դերից իշխողի դերի անցնել, մի դրութիւն, որ օրդանիդմին անձանօթ է: Օրդանիդմը միշտ ստորադրուած է շրջապատին և բնութեան օրէնքներին, նրա աշխատանքը միտեսակ կրաւորական է. մինչդեռ հասարակութեան զարգացման մէջ մենք սրա կողքին տեսնում ենք նաև մի ներգործական կողմ. մարդկային հասարակութիւնը վերջին դէպքում մի տեսակ կեանքի կռուի մէջ պաշտպանողական դրութիւնից անցնում է երբեմն յարժակողական դրութեան: Որքան և մարդը ստիպուած է ցրտին տաք հագնուել, շոգին՝ թեթև, նոյնքան էլ նա անանցանելի ճանապարհները կարողանում է հարթել և իրեն յարմարեցնել. հեռաւորութիւնը արգելք չի լինում նրա համար խօսելու (տէլէֆօն, հեռագիր). գիշերային մթութիւնը նա կարողանում է էլէկտրական լոյսով լուսաւորել և այլն և այլն:

Օրդանիդմը իւր մղած կեանքի կռուում օգտուած է բացառապէս բնութեան տուած զէնքերով, մինչդեռ այժմ մենք լաւ ենք տեսնում թէ ինչպէս հասարակութիւնը իւր մղած կռիւներում ռուպիսի արհեստական գործիքներ է ստեղծել, միջոցներ, որոնք բնութիւնից չեն տուած, այլ միայն մարդկային մտքի ծնունդ են: (Բաւական է չիշել վերջին նշանաւոր պատերազմները, գաղափար կազմելու հասարակութեան մղած կռուի ահուելիութեան ու մեծութեան մասին): Օրդանական տեսութեան պաշտպանները մարդու վրայ ստահասարակ նայում են զուտ կենդա-

նական տեսակէտից և նրա հոգեկան աշխարհը կարծես միանգամայն մոռացութեան են սուլի: Անհատը այս ուղղութեան կարծիքով միայն բճիճի դեր ունի և զուրկ է ինքնուրոյնութիւնից. սակայն հասարակութեան զարգացումը այլ բուն է ապացուցանում:

Շեշտենք նաև մի հանգամանք, որ օրգանական զարգացումը աւելի նեղ փաղափար է ըստինքեան, քան հասարակութեան յառաջադիմութիւնը: Օրգանական զարգացման մէջ առաւելապէս խնդիրը օրգանիզմի ֆիզիօլոգիական յատկութիւններին և յոժերին է վերաբերում. իսկ հասարակութեան յառաջադիմութեան խնդիրը ընդգրկում է դրա հետ միասին և աւելի դեռ մեծ չափով քան այդ մարդու հոգեկան յոժերի, հոգեկան յատկութիւնների զարգացումը:

Որքան էլ այս ուղղութեան ներկայացուցիչները հռչակաւոր անուններ են, բայց և այնպէս գիտական տեսակէտից նախելով խնդրին, գալիս ենք այն եզրակացութեան, որ հասարակութեան ի՞նչ լինելը և ի՞նչպէս զարգանալը այս տեսութեամբ ամբողջովին չի պարզաբանւում: Այս ուղղութեան դիսաւոր ներկայացուցիչն է Յերբերտ Սպէնսերը, որը այս խնդրի վերաբերմամբ բաւական զրուածքներ ունի: Նշանաւոր են նաև Շէֆլէ, Լիլիէնֆէլդ, որոնք իրենց զրուածքներում հասարակութեան և օրգանիզմի համեմատութիւնը ծայրահեղութեան են հասցրել:

Օրգանական ուղղութեան պաշտպանած տեսութեան իսկական գիտական արժէքից զուրկ լինելը յայտնի է զառնում նաև նրանով, որ նախ այս տեսութեան առաջարկած օրէնքները չեն համապատասխանում արդէն իսկ գոյութիւն ունեցող այլ գիտական օրէնքների ճշմարտութեանը. երկրորդ, որ այդ տեսութեան առաջարկած միջոցներով տեղի ունեցած և ունեցող երևոյթների մեծագոյն մասը չեն բացատրւում: Յայտնի է սակայն, որ որքան ճշմարտութեանը աւելի մօտ է մի գիտական տեսութիւն, նոյնքան աւելի երևոյթներ է ընդգրկում նա և նոյնքան աւելի շատ երևոյթներ են պարզաբանւում այդ տեսութեան առաջարկած միջոցներով: Այսպիսով օրգանական ուղղութիւնն էլ անդօր է երևում հասարակութեան ի՞նչ լինելու և ի՞նչպէս յառաջդիմելու պրօբլէմները լուծելու:

IV

Տնտեսական ուղղութիւն

Ահա մի ուղղութիւն, որը ներկայումս էլ զեռ խոշոր նուաճումներ է անում կարելի է ասել բոլոր կուստուրական երկրներում յանձին քաղաքական կուսակցութեան: Այս ուղղութեան հետևողների թիւը որքան օրէցօր քանակով աճում է, նոյնքան սրակով թուլանում է: Մի որոշ, պարզ ուղղութեան փոխարէն հանդէս են եկել բաւականաչափ հերժուածներ և ուղղափառների կողմից նղովեալների թիւը արագութեամբ աճում է: Այս ուղղութեան ծննդեան ժամանակի պայմանները ուսումնասիրելով հասկանալի են դառնում այն ծայրահեղութիւնները, որոնք բնականաբար սպրդել են այդ վարդապետութեան մէջ և պատճառ են դարձել այդ ուղղութեան հետեւողների մէջ բազմաթիւ տարածայնութիւնների:

19-րդ դարու առաջին կիսում մարդկային հասարակութեան իրաւակարգի փոփոխութեան համար մի շարք մեծ ու փոքր յեղափոխութիւններ եղան, որոնք սակայն չկարողացան իրենց վերջնական նպատակին ծառայել: Լուրջ դիտողները և խնդրով խորը հետաքրքրուողները նկատեցին, որ միայն իրաւական հաւասարութեամբ հասարակութիւնը չի կարող ազատուել անհաւասար դրութիւնից, որ այս նպատակին հասնելու համար ամենամեծ խոչնդոտը հանդիսանում է դոյութիւն ունեցող տնտեսական անհաւասարութիւնը և ուրեմն պէտք է ծաքառել այս չարիքի դէմ: Այս ուղղութեամբ սկսուեցին մի շարք ուսումնասիրութիւններ ու կողմակերպութիւններ երևան գալ, որոնք և հիմք դարձան հասարակութեան կազմի և հաւասարութեան հասնելու օրէնքները տնտեսական հիմքերով բացատրող ուղղութեան առաջ գալուն: Այս ուղղութեան մէջ պէտք է առանձնապէս ուշք դարձնել մի հանգամանքի վրայ, որը մեծ չափերով ազդել է տնտեսական վարդապետութեան միակողմանիութեան և դոգմատիկ դառնալու վրայ: Յայտնի է որ այս ուղղութեան հիմնադիրները իրենց կեանքի ընթացքում եղել են քաղաքական կուսակցութեան հիմնադիրներ, քաղա-

քական դորժիչներ և աշխատել են որքան կարելի է իրենց պաշտպանած քաղաքական պահանջները և ծրագիրները հաստատուն, գիտական հիմքերի վրայ դնել: Այն հանգամանքը, որ գիտական որևէ ուղղութիւն ոչ թէ աւելի շուտ ճշմարտութիւնը որոնելուն է հետևում, այլ մի տեսակ գործադրում է յօգուտ քաղաքական որոշ խնդիրների կուսակցական տեսակետից բացատրելուն, արդէն իսկ այդ ուղղութիւնը զրկում է գիտական ածականը կրելու իրաւունքից: Ոչ թէ ճշմարտութիւնը ըստ ինքեան, որը կապ չունի փաստակար և օգտակար գաղափարների հետ անմիջապէս, ելակէտ է այս դէպքում այս ուղղութեան հետևողների համար, այլ միայն որոշ քաղաքական շահերի որոշ օգուտների արտայայտումն է կէտ նպատակը, ոչ թէ ճշմարտութեան համար աշխատել կնշանակէ այս, ճշմարտութիւն, որ շատ անգամ միայն գոյութիւն ունեցող ձևերին հակառակ է լինում, այլ որոշ դասակարգի և խմբակցութիւնների օգտին:

Կուսակցական ուղղութիւնը չստացովելու ու հիմնաւորելու միակողմանի աշխատանքից հետևում է և այն թերութիւնը, որ աչքի է ընկնում սնտեսական ուղղութեան հետևողների գրուածքներում: Այս ուղղութեան հիմնադիրները իրենց գրուածքներում չեն մշակել մի որոշ փիլիսոփայական սիստեմ. նոքա չեն տուել գիտութիւնների համակարգութիւնը, որով պարզուէր իւրաքանչիւր գիտութեան տեղը և արժէքը հասարակութեան ուսումնասիրութեան խնդրում: Մինչդեռ նախկին երկու ուղղութիւններն էլ (մտաւորական և օրդանական) ունին փիլիսոփայական որոշ սիստեմ, այստեղ, շնորհիւ այն հանգամանքի, որ գրուածքները մեծ մասամբ կուսակցական շահերի չորս կողմն են պտտուել, մեծ մասամբ անորոշ և ցրտուած տեղեկութիւնների ենթ հանդիպում: Այս է պատճառը, որ երկու գլխաւոր հիմնադիրների (Կ. Մարքս և Ֆ. Էնգելս) մահուանից յետոյ միայն նրանց աշակերտ հետևողները աշխատել են հետզհետէ լրացնել թերի մնացած խնդիրների պակասը. այս դէպքում էլ շատերը ընկել են այնպիսի ծայրահեղութիւնների մէջ, որ սառնարիւն գիտական մտածողների համար այլ

ևս անկարելի է եղել այդ ուղղութեան մէջ ֆնալ և դուրս են եկել ու կազմել նոր տնտեսական ուղղութիւն: Ոչ միայն որոշ գիտական համակարգութիւն, այլ և ինքնուրոյն մեթոդ, ուսումնասիրութեան յատուկ եղանակ չունի այս ուղղութիւնը և շատ անգամ պատմական, հասարակական երևոյթները քննելու, վերլուծելու դէպքում տարբերում է զանազան մեթոդների ընտրութեան մէջ:

Գալով այս ուղղութեան հիմնական գաղափարներին, պէտք է նկատել, որ շնորհիւ այս ուղղութեան քաղաքական կուսակցութեան կերպարանք ստանալուն, ընդարձակուել են և մեծ մասամբ լուրջ խնդիրներով հետաքրքրուողներին ծանօթ են, այնպէս որ աւելորդ կլինէր մանրամասն չիշատակել նրանց, բաւականանանք այստեղ միայն ամենաազդեակները չիշելով:

Այս ուղղութեան համաձայն հասարակութիւնը կազմուած է դասակարգերից. սնհատը հասարակութեան զարգացման մէջ դեր չի խաղում, այլ միայն զասակարգն է խակական գործօնը: Ուշադրութիւն դարձնենք նախ այն հանգամանքի վրայ, որ ոչ իրենք, այս ուղղութեան հիմնադիրները և ոչ էլ նրանց աշակերտ հետևողները որոշակի չեն սահմանաւորել զասակարգ գաղափարը. յայտնի է, որ այս խնդրի առթիւ դեռ մինչև այսօր էլ տնտեսագէտների մէջ համաձայնութիւն չկայ: Միւս կողմից երբ ի նկատի ենք ունենում պատմութիւնը, ժողովրդագրութիւնը և հնաբանութիւնը, տեսնում ենք, որ նախնական հասարակութիւնների մէջ, երբ դեռ կեանքը չէր բարդուել, երբ աշխատանքի բաժանում ու միութիւն տեղի չէր ունեցել, երբ մարդկանց հոգևոր և մտաւոր հորիզոնները նեղ սահմանների մէջ էին, զասակարգեր փնտրելը առնուազն անմտութիւն է եթէ ոչ աւելին: Հասարակութեան յառաջադիմութեան և շերտաւորման շնորհիւ միայն առաջ են գալիս մարդկանց շահերի տարբերութիւններ և ընդհարումներ. բայց չէ՞ որ շերտաւորումից առաջ տեղի է ունենում հասարակութեան անդամների միութիւնը, որը և նպաստում է հասարակութեան աճուր կապակցութեան և կազմակերպութեան, իսկ միութեան դէպքում զասակարգերի բաժանումն նկատել հասարակութեան

մէջ աւելի քան պատմական և տրամաբանական սխալ է: Պէտք է խոստովանել, որ հասարակութեան ինչպէս կազմուելու և ինչ մասերից կազմուելու խնդիրը այս ուղղութիւնը չի մշակել առանձնապէս. իսկ եղածն էլ, ինչպէս տեսնում ենք, թերի է և պատմական անճշտութիւն ունի իր մէջ:

Հասարակութեան զարգացման օրէնքը ըստ այս ուղղութեան պէտք է փնտրել հասարակութեան մէջ իշխող տնտեսական պայմանների մէջ: տնտեսական պայմաններն են այն հրամայական օրէնքները, որոնք ղեկավարում են հասարակութեան ընթացքը: Այդ պայմանները հասարակութեան մէջ ապրող, գործող դասակարգերից կախուած չեն և չեն ենթարկւում նրանց, ընդհակառակը նրանք անկախ վիճակ ունեն և հրամայողական բնոյթ: Հոգեկան աշխարհը, կուլտուրան, մտաւոր զարգացումը՝ ամբողջապէս տնտեսական պայմաններից առաջ եկող, նրանց ենթարկուող երևոյթներ են: Տնտեսական դրութիւնը ինքը իր հերթին մի տեսակ անխուսափելիութեան է ենթակայ. նրա մէջ իշխում է ինչոր immanent ոյժ, որը ստիպում է տնտեսական դրութեանը զարգանալ, առաջ գնալ միայն այն ուղղութեամբ, որը հաճելի է այդ անյայտ ոյժին: Պարզ գաղափար կազմել «տնտեսական դրութիւն» գաղափարի, նրա մէջ գործող անյայտ ոյժի և երկուսի միմեանց հետ ունեցած յարաբերութեան մասին աւելի քան դժուար է, որովհետեւ մատերիալիստ փիլիսոփաները իրենց հիմնական գաղափարները բացաւրելու զէպքում ստիպուած ընկել են մետաֆիզիկայի մէջ: Քանի որ իրերի և դրութիւնների տէրն ու տնօրէնը տնտեսական դրութիւնն է, ուստի մարդ անհատը հասարակութեան զարգացման խնդրում ոչ մի դեր չունի, բայց եթէ մի գործիքի, մի միջոցի, որին տնտեսական պայմանները այնպէս են ծառայեցնում, ինչպէս այդ իրենց հաճելի է: Զարգացումն ըստ ինքեան տեղի է ունենում պայքարի շնորհիւ միայն. պատմութիւնը դասակարգային կռիւ է, լօզունգի անխուսափելի հետեանք է ընդունել հասարակութեան զարգացումը իբրեւ մի մշտատեւ և անհրաժեշտօրէն տեղի ունենալիք կռիւ:

Միշանկեալ նկատեմ, որ թէ որքան տնտեսական պայմաններն են միշտ ծնունդ տալիս հասարակական բոլոր երևոյթներին, այս մասին աւելի քան գրուած ու խօսուած է. միայն մի օրինակով բաւականանանք պարզելու այդ դատողութեան ճշմարտութիւնը: Երևոյթների առաջ գալու և հասարակական միջավայրի կապը յայտնի է. բայց միջավայրը չի նշանակում միայն տնտեսական պայմանների գումարը. երկու. գաղափարները միմեանց չեն ծածկում. տնտեսականը միայն մի մասն է ամբողջի: Միջավայր ասելով մենք հասկանում ենք ի թիւս այլ պայմանների նաև բնութիւնը, շոշապատող բնական պայմանները, որոնց ազդեցութիւնը դժուար թէ տնտեսական ուղղութեան հետևողները ժխտեն: Միւս կողմից նրանք պէտք է խոստովանեն, որ իրենց գործածած տէրմինը՝ տնտեսութիւնը, դեռ չի ներփակում իւր մէջ բնութիւնը, բնական պայմանները: Զերիգմանը ցոյց է տալի, որ Լիւտերը նպաստել է կօնտրապունկտը ներդաշնակութեան վերածելուն, բայց այդ դեռ չի նշանակում, որ այդ փոփոխութիւնը անհրաժեշտ պատճառական կապ ունէր վերածնութեան ժամանակի տնտեսական պայմանների հետ: Աւելի տնհասկանալի է կապ գտնել երաժշտութեան մէջ Ֆուգան մտցնելու և կապիտալիզմի զարգացման ու դասակարգային կռիւի մէջ, կամ Շօպէն ու Շոբերտի թախծամած երգերի ու ժամանակաւոր հակայեղափոխական շարժման յաղթանակի մէջ: *)

Այս է այս ուղղութեան ամբողջ ուղն ու ծուծը, որի մէջ դժուար է փնտրել գիտական անաչառութիւն և ճշմարտութիւն: Ըստ այս ուղղութեան մտածողների հասարակութիւնը, անհատը և հասարակական բոլոր երևոյթները ներփակում են տնտեսական դրութեան մէջ, մինչդեռ առանց կանխակալ կարծիքի նայողի համար պարզապէս նկատելի է, որ հասարակութեան գաղափարը աւելի քան ընդարձակ է և տնտեսական դրութիւնը նոյնպէս մի տարր է այդ ամբողջութեան մէջ,

ինչպիսի են իրաւական, բարոյական, կրօնական և այլ տար-
բերք: Միւս կողմից այդ ուղղութեան հետեւողների համար
անտեսական երեւոյթները մի տեսակ անկախ դրութեան մէջ
են և կարծես հասարակութիւնից զուրս են: չէ՞ որ սակայն
այդ անտեսական դործօն ոչժր ինքը իւր ամբողջ մանրամաս-
նութիւններով մարդկանց մէջ է միայն դեր խաղում և նրանց
շնորհիւ է առաջ եկել: չի՞նէր հասարակական կազմը, ի՞նչպէս
և ռոտեղից պէտք է առաջանային այդ անտեսական երեւոյթ-
ները. հասարակութիւնը ինքն է առաջ բերում նրանց. նրա
մէջ են կատարւում այդ երեւոյթները և նրա շնորհիւ: Աւե-
յացնենք սրա վրայ և այն, որ իւրաքանչիւր երեւոյթ առհա-
սարակ հասկանալի է դառնում և ոչժ է ճանաչւում այս կամ
այն չափով միայն այն ժամանակ, երբ նա դառնում է մարդ-
կային հոգու մտածողութեան նիւթ, երբ նա հոգեկան աշ-
խարհում վերլուծութեան է ենթարկւում, պարզ է ուրեմն, որ
անտեսական երեւոյթները իրենք ոչ թէ հոգեկան աշխարհից
անկախ են և նրանից զուրս, այլ միայն նրա միջոցով են հաս-
կանալի դառնում և որևէ արժէք ստանում: Քանի զեռ հա-
սարակութեան անդամների մէջ չկայ հոգեկան, մտաւոր հա-
ղորդակցութիւն, քանի զեռ զաղափարների բմբռնողութիւնը
պակաս է, չի կարող տեղի ունենալ որևէ երեւոյթ, որը ճա-
նաչուի ոչժ կամ որին հնարաւոր լինի որակել. միայն հոգեկան
աշխարհի արթնացումով և զարգանալովն է հնարաւոր դառ-
նում այս արժէքաւորումը երեւոյթների: Այս տեսակէտից հէնց
այդ ուղղութեան մտածողների խօսքերը, դասակարգային գի-
տակցութեան արթնացումն և կամ նոյնութիւնը, հասկանալի
են դառնում միայն, երբ ի նկատի ենք ունենում հոգեկան աշ-
խարհի դերը. այլապէս ոչ մի անտեսական երեւոյթ անկախ
վերցրած չի կարող ոչժ դառնալ հասարակութեան համար և
դեր խաղալ յառաջագիծութեան մէջ:

Ճետաքրքիր է այժմ ուշք դարձնել այն հանգամանքի վրայ,
որ ըստ այս ուղղութեան հասարակութեան զարգացումը ան-
խուսափելիօրէն միայն մի ուղղութեամբ կարող է լինել և ոչ
այլ ուղղութիւններով: Այս դատողութեան մէջ տեսնում ենք

մի տեսակ պատճառ ու հետևանք՝ գաղափարների շփոթումն ու թիւր հասկացողութիւն: Ինչպէս տեսանք, տնտեսական պայմանները հասարակութիւնից դուրս չեն գտնուում, այլ նրա մէջ են և մարդու հոգու շնորհիւ միայն հասկանալի: Ի՞նչպէս ուրեմն այս պայմանները ինչոր անհրաժեշտութիւն են դառնում հասարակութեան համար. ի՞նչպէս նրանք մեզանից անկախ են գործում և մեզ ստիպում են այսպէս կամ այնպէս առաջ գնալու: Յայտնի է, որ մենք դրսի առարկաների մէջ չենք գտնում ըստ ինքեան ինչոր պատճառի օրէնք, որ օբիեկտների մէջ որեւէ սինտէզ տեսնել անկախ նուրբեկայից անհնարին է. այն կապը, որ մենք տեսնում ենք առարկաների մէջ, այն օրէնքը, որին մենք ասում ենք պատճառականութեան օրէնք, ըստինքեան իրերի մէջ չէ գտնուում, այլ մենք ենք վերագրում այդպիսի օրէնք առարկաներին և երևոյթներին՝ սա միայն մեր մտածողութեան արդիւնք է: Քանի որ պատճառականութիւնը միայն երևոյթների այս կամ այն ձևով հասկանալու մի եղանակն է, որը մարդկային հոգուն է յատուկ և նրանից է բխում, նրա հետ միասին զարգանում և փոփոխւում, արդեօք հնարաւոր է իրերին իրենց և երևոյթներին մի ոյժ վերագրել, որը ոչ միայն մեզ հասկանալի չէ, այլ և մեզ չի ենթարկւում, աւելացրէք և այն, որ դեռ մեզ էլ կառավարում է:

Պատճառականութիւնը միայն մարդկային հոգու արդիւնք է. այդ օրէնքն էլ հոգեկան զարգացման հետ փոփոխւում է. սխալ է ուրեմն տնտեսական երևոյթների մէջ ինչոր պատճառականութիւն փնտրել անկախ մեր հոգեկանից և նրան վերագրել անխուսափելիութեան ոյժ: Այս անխուսափելիութիւնը լեռոյ այս ուղղութեան հիմնադիրներից մէկը (Էնգէլս) մեղմացրեց նրանով, որ նա վերապահելով տնտեսական դրութեանը առաջնութեան պատիւը թալ տուեց, որ անհատը իբրև տատմայր հանդէս գալ որեւէ երևոյթ առաջ զալու չէպետւմ: Այսպիսով հէնց իրեն բերանով մեծ հեղինակը խախտում է իւր դաւանած օրէնքը. եթէ մի օրէնք երկաթ է և նրան փոխել չի կարելի, էլ ի՞նչ արժէք ունի տատմայր հրաւիրել. իսկ եթէ տատմայրը կարեւոր է, նա ուրեմն մի բան կարող է փոխել.

օրինակ ծննդաբերութեան ցաւերը թուլացնել, որ նշանակում է թէ երեւոյթը այնպէս չի կատարւում, ինչպէս որ այդ բնական ոյժն է պահանջւում: Երբ օրէնքի մէջ փոփոխութիւն կարելի է մտցնել, այդ օրէնքը անհրաժեշտութեան ոյժ չունի այլևս:

Ամեն ինչ հասարակական կեանքում վերադրելով տնտեսական երևոյթներին, այս ուղղութեան հետեւողները անհատի դերը զրօյի են հաւասարեցնում: Բայց թէ իրաւական կեանքը և թէ դիտական ուսումնասիրութիւնը ապացուցանում են, որ այդ մտածելակերպը և սխալ է և նոյնիսկ վնասակար: Բնական է յիշել գերմանական, ֆրանսիական և այլ երկրների այս ուղղութեան հետեւող քաղաքական կուսակցութիւնները, նրանց աշխատանքը, թէ խօսքով, թէ գրչով, նրանց ահագին զրոմական ծախքերը գաղափար կազմելու համար, թէ որքան այս ուղղութեան առաջնորդները հեռացել են իրենց դաւանանքից: Եթէ յիշուի սնհատը ոչինչ անել չի կարող, ինչո՞ւ համար են այդ բոլոր ջանքերը և հալածանքները, որ այնպէս սիրով շատ անգամ յանձն են առնում այդ ուղղութեան քարոզիչները:

Գիտական տեսակէտից նայելով խնդրին պէտք է ասել, որ իրերի մէջ բոլոր ինքեան նպատակ չենք տեսնում և ոչ մի գիտութիւն չի կարող ասել թէ իրերի միտքը, նպատակը այս է կամ այն: Գիտութիւնը կարող է միայն իրերի կապակցութիւնները ուսումնասիրել և ոչ թէ տալ նրանց միտք, նպատակ, որ հէնց իրենցից, իրերից բղխէին: Այս դէպքում աւելի շուտ հաւատքը, բարոյական հասկացողութիւնն է դեր խաղում: Եթէ մարդ իրերի երևոյթների մէջ նպատակ է դնում, ծգտում նրանց արժեքաւորել իբրև լու և վատ, օգտակար և անօգտ, նա այդ անում է շնորհիւ իւր բարոյական հասկացողութեան: Գիտութիւնը տալիս է, ինչ որ կայ, իսկ բարոյականութիւնը այն, ինչ որ ցանկալի և պէտք է որ լինի: Գիտութիւնը ասում է, որ մի բան կատարւում է, որովհետև այս ինչ պատճառները և հանգամանքները զրգում են այդպէս, իսկ բարոյականութիւնը աւելացնում է, որ մի բան կատարւում է, որպէսզի այն այնպէս լինի. այսինքն որ մի ցանկալի բան տեղի ունենայ: Տրն-

տեսական վարդապետութեան հետևողները իրենք ոչ թէ ստիպուած են կատարել այս կամ այն, այլ նոքա էլ ձգտում են, որ մի բան լինի, որը իրանց ցանկալի է և նպատակն է իրենց աշխատանքի: Ոչ թէ օբիեկտիւ երևոյթներն են դեր խաղացողը այս ուղղութեան երևոյթների աշխատանքում, այլ սուրբիեկտիւ ձգտումները, այսինքն բարոյական օրէնքներ. իսկ բարոյական օրէնքները դիտականօրէն երբեք չեն ապացուցւում, քանի որ նրանք ոչ իրերից և ոչ էլ երևոյթներից են անմիջապէս բղխում: Այսքանը բաւական է կարծեմ պարզելու, որ տնտեսական ուղղութիւնը հասարակութեան ինչ լինելու և ինչպէս առաջ գնալու խնդիրների պարզաբանութեան համար կիսատ և միակողմանի բացատրութիւններ է տալի:

Ինչ վերաբերում է անհատի դերին հասարակական կազմի և երևոյթների մէջ, այս մասին աւելի ընդարձակ խօսք կլինի հետևեալ գլխում, իսկ այստեղ միայն մատնանիշ կանեմ երկու փաստ, ցոյց տալու համար, որ անհատը ունի իւր ուրոյն տիպը հասարակութեան մէջ շնորհիւ իւր կամքի ազատութեան: Այդ երկու փաստերն են—նախ պատժական օրէնքների գոյութիւնը և երկրորդ մանկավարժութիւնը: Պատժական օրէնքների գոյութիւնը ըստ ինքեան ապացոյց է, որ անհատը իւր գործելակերպի մէջ որոշ չափով ազատ է, որ նա գործիք չէ հասարակութեան ձեռքին և ոչ էլ պայմանների խաղալիք, այլ ապէս մենք իրաւունք չենք ունենայ յանցաւորի և ոչ յանցաւորի մասին խօսելու: Եթէ անհատը միայն դրսի, հասարակական պայմանների արդիւնք է, էլ ի՞նչպէս և ի՞նչ օրէնքով պէտք է նրան պատժել, չէ՞ որ նա մեղաւոր չէ. իսկ եթէ մենք այնուամենայնիւ մարդասպանին, գողին պատասխանատուութեան ենք կանչում, ապա մենք նրա մէջ տեսնում ենք որոշ անկախութիւն, ինքնուրոյնութիւն: Այստեղ արժէ չիշել Գ. Զիմմելի խօսքը, թէ եթէ մի կողմից հասարակութիւնը պատասխանատու է անհատի համար, միւս կողմից էլ չէ՞ որ անհատը իւր յանցանքով հիմք է դառնում ապագայում գործողների համար. նա էլ իւր յանցանքն է ժառանգութիւն թողնում, որով իւր յաջորդներին վատ ժառանգութիւն է թողնում, ուրեմն նրան

ևս առաւել պէտք է պատժել: *) Մանկավարժութիւնն էլ միւս կողմից ապացոյց է, որ մարդ կարող է և ընդունակ է իւր ուղաձիւն պէս որոշ չափով թեքել, ուղղել կրթութեան սերնդի միտքը, հոգին: Եթէ մարդ ազատ չլինէր, հնարաւոր էր արդեօք նրա միտքը, կամքը այս կամ այն կերպ կրթել. եթէ մարդը ամբողջապէս դրսի, օտար պայմանների է ենթակայ, ապա նրան չէր կարելի փոխել ոչ մի կերպ, միայն ազատ կամքն է որ ընդունակ է ճկւելու, թեքւելու: Այս երկու խոշոր երևոյթները բաւական են ապացուցանելու, որ անհատը իւր կամքի շնորհիւ ազատ է շատ դէպքերում հասարակական պայմանների «անհրաժեշտութեանը» ենթարկուելուց և նա կարող է որեւէ հասարակական խնդրում բռնել իւր ցանկալի ուղղութիւնը: Թող չիշեն այդ ուղղութեան հետևորդները իրենց երկու մեծ ուսուցիչներին, հասկանալու համար թէ անհատը չիրաւի՞ դեր ունի հասարակական կեանքում, թէ նա միայն մի անշունչ գործիք է:

Pessimist

(Վերջը միւս անգամ)

*) Г. Зиммель, Социология дифферен. Կր. 65.

ՈՂՋՈՅՆ ՁԵԶ...

Ողջոյն ձեզ լերանց կարմիր կատարներ,
Որ երեկոյեան լուսով ողողուած
Հալարտ հայեացքով դէս անհուն եթեր
Նայում էք ազատ վեհութեամբ լեցուած:
Ու ձեր փառահեղ գազաթին հալարտ
Սողում են ամպերն, սլայթում է որոտ.
Բայց դուք անսասան, անհոգ եւ հալարտ
Նայում էք վերից շատերին վախկոտ:
Նայում էք դէս ցած, ուր սուր եւ նիզակ
Պատում, կտրում են սիրտ ու պարանոց,
Իզուր քարոզներ սիրով ներշնչուած,
Իզուր աղերսանք, արցունք ու հոգոց:
Եւ ստրկութեամբ քոյրը քննուած՝
Ոմանք սողում են թոյլ եւ անարի,
Ոմանք էլ ոսկու փայլով շլացած
Փառքի ու թագի դարձել են գերի:
Ես էլ թուլացած հոգով ու մտքով
Կասկածի, դաւի ցանցից խոյս տուած
Եկել եմ ձեզ մօտ անհուն կարօտով.
Եկել եմ իսպառ մարդկանցից մերժուած:
Եկել եմ սովբել ձեզնից քաջութիւն,
Կամքի, կորովի պողպատէ ուսումն,
Որ հալարտ կրծքով, զգոյշ եւ արթուն
Անցնեմ ուղիներս քաջ ու աննկուն:
Ախ՝ սիրեցի շատ—սիրով երկնատուր,
Սիրոյ քոցերին իմ հոգին կնդրուկ
Տեղը թշնամանքն եղաւ տրիտուր,
Մինն է սա, ասին, կրքերին ստրուկ:

Ու որոնց վրայ մեծ գուրգուրանքով
Սահեցաւ ծեռս, սիրտս քաքախեց,
Ու որոնց համար աղի արցունքով
Հոգիս իւր կոկոն վարդերը կախեց,
Նորա սեւ, դաժան օձերի նման
Կոկոն վարդերս գրկում թառեցան
Սրտիս խորքերում քացուեց գերեզման
Ողջ նուշ տենչերս յանկարծ թռչնեցան:
Իսկ ես, ես այժմ՝ ատել եմ ուզում
Սիրոյ տեղ միայն սեւ թոյն պատրաստել:
Ուզում եմ մարդկանց թքել ու մրել
Քեզալէս անսասան նայել եմ ուզում:
Նայել, թէ ինչալէս նորա—ճիճուններ,
Սողում են դողում ցեխի, մրի մէջ,
Կրծում են միմեանց ցերեկ ու գիշեր,
Իրար նախատում հայածում անվերջ:
Ողջոյն ձեզ լերանց կարմիր կատարներ,
Ուռուցէք եւ ինձ ձեզալէս անվեհեր
Նայել միշտ հպարտ, նայել դէպի վեր.
Անկախ ու անվախ, ինքս լոկ իմ տէր:

ԱՄՊԵ

ՔՕՍԱ-ԴԱՂ ԼԵՐԱՆ ՎԿԱՆ*)

VII

Երեք օրից յետոյ երկու հակառակ կողմերից խաթուր գիւղը մտան այդ խմբակները և մի քանի եւրոպացիներ, որոնց իրր առաջնորդի դեր էր կատարում Վոամը: Վերջինս միանալով եւրոպացի (ըստ երևոյթին) ճանապարհորդների, բայց իրօք միսիօնարների հետ, դրամական վարձատրութեամբ համ հաստատում էր դրանց իրանց գործունէութեան մէջ, համ հետամուտ լինում Արթօյին, իր հօր սպանողին, գտնել և կառավարութեան ձեռքը մատնել: Կարծես բնութիւնը ամեն տեղ իր փորձութեան դուռն էր բացել խեղճուկ փախստականների համար: Այս անգամ էլ, երբ իրանց աւելի քան ապահով էին կարծում, ընկան եւրոպական միսիօնարների ճանկերը:

Տեղաւորուելով գիւղում, Վոամը առանց յապաղելու մտաւ փախստականների մէջ և ամեն տեղ լաւ դիտելուց յետոյ վերադարձաւ իր ուղեկիցների մօտ և ասաց, որ իրանց տանջանքները պիտի յաջողութեամբ պսակուին, որովհետեւ թշուառների սոսկալի դրութիւնը յուսահատութեան է հասել, ուստի և նրանք առանց տատանուելու կը մտնեն Հոսմի եկեղեցու ծոցը, որի ուխտեալ ջատագովներն էին իրանք: Միսիօնարների ուրախութեանը չափ ու սահման չը կար: Իւրաքանչիւրը սրանցից պատրաստեց իր ոսկու քսակների բերանները, որ վաղ առաւօտեան, դիմելով նրանց դօրութեան, որսան թշուառ հալածուածներին:

Հետեեալ առաւօտ փախստականների խմբիւրի գլխաւորները հրաւիրուեցան միսիօնարների մօտ:

Վահէն օգտուելով առիթից, ծպտեալ կերպով միացել էր նրանց և հետները մտել հաւատորսների մօտ: Նրան այդտեղ ոչ մը չէր ճանաչում:

Վոամի և միսիօնարների թախանձանաց համաձայն՝ փախստականները սկսեցին մի առ մի նկարագրել իրանց գլխի եկածը սկսեալ այն օրից, երբ առաջին անգամ հրաժեշտ տուին իրանց վաթաններին, մինչև խաթուր հասնելը:

Ուշադրութեամբ լսելուց յետոյ, Վռամը ուրախացաւ, որ նը-
րանց միջոցով թերեւ կարողանայ մի բան իմանալ Արթուրի մա-
սին. սակայն տակաւին վաղ համարելով այն՝ իր ուղեկիցներէ թե-
լադրութեամբ հարց տուեց նրանց.

— Ինչո՞ւ ձեր քահանաները, վարդապետները և առհասարակ
հոգևոր հայրերը ջանքեր գործ չեն դնում փրկելու ձեզ և գալոց
դժբաղդութիւնների առաջն առնելու:

— Աղա, ի՞նչ կըսես. էն խեղճերուն մըղնից յէւէլ տանջանք-
ներ տուեցին. գուլում էր, գուլում նրանց հալը. ընտորք ի՞նչ գի-
նէն, որ մըզի պտի ջարդեն, օր եկող պատուհասի առաջն առ-
նէին, — միաբերան կրկնեցին նրանք: Բայց Վահէն լուռ էր, նա
չէր կենթադրում, որ եկողների մէջն է գտնւում Վռամը. նա սպա-
սում էր խօսակցութեան վախճանին:

— Նրանք պարտական էին իմանալու. նրանք գիշեր ու ցի-
րեկ իրանց հօտի մասին պիտի մտածէին: Այ, ես քահանայի որ-
դի եմ, հայրս, ճշմարիտն եմ ասում, հանգստութիւն չո՞ւ-
նէր՝ իր հօտի ցաւը՝ իր ցաւն էր, նրանց ուրախութիւնը՝ իր ու-
րախութիւն. բայց վերջն էլ զոհ գնաց իր այդ դաւանած գաղա-
փարներին և մի պսակ կատարելու ժամանակ սպանուեց: Իսկ
ես տեսայ, որ իրօք մեր հաւատը այն չէ, ինչ թելադրում է ս.
աւետարանը, և մենք ու մեր պապերը, դժբաղդաբար, քանի դար է
ինչ այդ ծուռ ճանապարհը բռնած՝ գնում ենք. էլ ուշադրութիւն
չենք դարձնում լուսաւոր երկրների վրայ, այդ պատճառով ես
ընդմիջտ թողեցի պապերիս դաւանած ձեր այժմեան եկեղեցին և
եկայ շիտակ ճանապարհի վրայ: Օ՜ գիտէ՞ք, ինչ տուեց այդ սըր-
բաղան նոր հաւատը. նա կէս միլիօնի չափ կարողութիւն՝ օժիտ
տուեց ինձ: Գիտէ՞ք ի՞նչ հայրական խնամքով է խնամում իր զա-
ւակներին այդ եկեղեցիս: Ա՛խ. հրա՛նի մենք բոլորս կարողանա-
լինք ըմբռնել այս եկեղեցու գերադասութիւնը:

— Աղա, ի՞նչ է էդ եկեղեցու, էդ թագայ խաւատի անունը,
որի խարազատ զաւակն ես դու դարձել:

— Այդ եկեղեցու անունը կաթօլիկ եկեղեցի է, որի անսխալ
պետը համարւում է Հոռմի պապը:

Փախստականները զարմացմամբ իրար նայեցին և ակամայ
կրկնեցին — ա՛խ, մեր լոյս խաւատ, Գրիգոր Լուսաւորչի խաւատը
դու ուրմցել ես. մենք չուրի մկայ գինէինք թէ, ուրիշ խաւատից
դարձեր ես մըր լոյս խաւատին...

— Հա, հա, հա, յիմարներ. մի ժամից աւելի է, ինչ խօսում
եմ և դուք դեռ չէք հասկացել ինձ. եթէ դուք լսէք ինձ և թող-
նէք ձեզ այդ հալին, այդ վիճակին հասցնող եկեղեցին ու հաւատը

և ընդունէք մերը, ես կը միջնորդեմ, որ ձեզ դրամական նպաստ էլ լինի. այո՛, այդ եկեղեցին պէտք է առատ վարձատրէ իր նորադարձ զաւակներին: Խնդրի եկէք...

—Յիմարները այդ թշուառները չեն, այլ նրանք, որոնք ուրանում են իրանց նախնիքների դարաւոր սրբութիւնները, որոնց իւրաքանչիւր մասնիկը կրում է իրանց նուիրական անցեալի պատկերը. այո՛, յիմարները նրանք են, որոնք իրանց հախնիքների թողած անտէր յիշատակները չեն յաւերժացնում և չեն աւանդ տալիս սերնդէ-սերունդ, վառ պահելու, նրանց գէթ իրանց ահաւոր դրութեան մէջ: Իսկ նրանք, որոնք իրանց նախնիքների թողած ամենաչնչին գէթ մնացորդը վաճառում են և կոպէկների սիրոյ համար հեռանում իրանց նախնիքների ճանապարհից, ինչ էլ որ նա լինի, զուրկ է մարդ անուն կրելուց. նրանց կրծքում սիրտ չէ բաբախում, նրանց գլխում ուղիղ ասած բան չէ գործում. նրանք բնական մարդիկ չեն, այլ ժամանակի խելագար ծնունդ, որի համար ոչ մի սրբութիւն և ոչ մի դաւանանք չը կայ, դիւրագրգիռ կերպով վերջացրեց Վահէն:

Վռամը մնաց զարմացած, նա չէր երեւակայում, որ խօսողը իր առաջ կանգնած փախստականի ցնցոտիների մէջ գտնուող թշուառն է: Նա աւելի ևս շփոթուեց խօսելու այդ ոճի վրայ, սակայն շուտ ուշքի եկաւ և տհաճութեամբ պատասխանեց.

—Իզուր չէ ասած, որ ձեր յիմար երկրի զաւակները պօռոտախօսներ են: Դարեր են անցել, բայց շիտակ ճանապարհի վրայ չեն կարողացել դնել ձեր պօռոտախօսութեան ոգին. դա ձեր սև ճակատագիրն է, տեսնում էք, դուք ցնցոտիների մէջ էք, բայց դարձեալ արհամարհում էք կոպէկները: Միթէ դա յիմարութիւն չէ:

—Յիմարութիւն է այո՛, միայն յիմարների համար, որոնք կեանքի տմեն մի առաքինութիւն գտնում են միայն կոպէկների մէջ. դուք, լուր է հասել մեզ, որ բարձր դպրոցի ծնունդէք եղել, սակայն ձեր իւրաքանչիւր արարքը կրում է ստրկահոգութեան կնիք իր վրայ: Դուք դաւաճանել էք ձեր ազգային սրբութիւններին, դուք մանկական միամտութեամբ խաբուել էք միմիայն դրամների շլացուցիչ փայլով և այսօր տակաւին այնքան ստահակութիւն ունիք, որ ձեր շողոքորթ լեզուով աշխատում էք և այլոց շեղել իրանց դարաւոր բռնած ճանապարհից դարձեալ այդ նըղովեալ դրամի համար: Այս թշուառների բազմութիւնը գոնէ անարատ խղճմանքով գերեզման կարող է իջնել, որ հազար ու թանկագին զոհեր տալով, չէ մտածել անգամ ուրանալ իր հայրենի հաւատը, իսկ դուք ուզում էք զրկել դրանց այդ միակ հոգե-

կան մխիթարութիւնից: Ամօթ ձեզ. դուք մեր ցնցոտիները արհամարհում էք, բայց մոռանում էք, որ նրանց տակին սրտեր են բաբախում, որոնք իրանց վեհ զգացմունքներով առաւել փայլ ու զեղեցկութիւն ունին, քան ձեր ոսկու շղերը...

—Դուք ով էք, որ համարձակում էք շօշափել իմ պատիւը:

—Ես այն եմ, որի համար իմ թշուառ ազգայինների վիշտը՝ իմ վիշտս է, նրա հոգս ու տառապանքը՝ իմ հոգսն ու տառապանքը: Հը, ի՞նչ է երևի կարծում էք, ձեզանից կրթութեամբ պակաս անձնաւորութեան հետ գործ ունիք: Օ՛, դուք, երևի սովորել էք ցնցոտիների մէջ միշտ տգիտութիւն տեսնել: Ուշքի եկէ՛ք, թողէ՛ք ձեր բռնած ընթացքը: Չեմ կարող չը խղճալ ձեզ, որ կարծում էք թէ՛ հս չեմ ճանաչում, թէ՛ ում հետ գործ ունիմ: Ուզո՞ւմ էք իմանալ. ես գործ ունիմ ուրացողի, դաւաճանի հետ. և այդչէ՛ պարմացնում ինձ, կրթութիւնը չէ կարողացել մեռցնել ձեր մէջ՝ ձեր տոհմական, ձեր ցեղական լպիրշ յատկութիւնները, որոնք հաստատուն տեղ են բռնել ձեր մէջ. օ, դրանց արմատախիլ անել՝ դժուար է, շատ դժուար է....

—Լռեցէ՛ք, ընդհատեց Վահէին Վռամը իր սուր ճվոցով,— եթէ ոչ, այս ըռպէիս կառավարութեան օգնութեան կը դիմեմ և ձեզ նման յիմարներին իրանց չափը ճանաչեցնել կը տամ:

—Դիմեցէ՛ք, դիմեցէ՛ք, այդ ինձ չէ սարսեցնում. այլ կերպ վարուել դուք չէք էլ կարող. կենդանի է ձեր հօր ոգին և դուք նրա հարազատ երկրպագուն՝ իժից իժ է ծնուել: Կիսակենդան թողեցի հարազատ վայրերս, փախայ հեռացայ ձեր եղուիտ հօր՝ ճանկերից, որի անբաղդ զոհն եմ ես. սակայն ամեն տեղ նրա անդգամ ճտերն են վխտում: Այո, ձեր եղուիտ հայրը ճիգ ու ջանքեր թափեց և թշուառիս համար սոսկալի դրութիւն ստեղծեց: Ձեր ամեն ինչ ուրացած հայրը դիտէ՞ք քանի՜ վաղամեռիկ գերեզմաններ պատրաստեց. նա յուսահատեցրեց, անբաղդութեան զազաթնակէտին հասցրեց մի անպաշտպան աղջկայ և սպանել տուեց նրան: Այո, նա սպանեց իմ թշուառ Սօնային: Նա սուր-սուր նետեր ուղղեց իմ կրծքին, խոցեց և անբուժելի վէրքեր թողեց իմ սրտում. նա անբաղդացրեց Աւօյին, Բաղօյին, Իսահկին, որոնք նրա ձեռքի խաղալիքներն էին և միամիտ զոհեր, իսկ դուք, եկել էք նրա պակասը լրացնելու. լրացրէ՛ք, յագուրդ տուէ՛ք ձեր արիւնոռւշտ կրքերին: Որքան էլ սրտամաշ լինին այժմ ձեր հասցրած վէրքերը, հաւատացած եղէ՛ք՝ ծանր չեն լինի ձեր հօր տուած վէրքերից: Վահէն սովոր է տանել վիշապի՝ ձեր հօր տուած վէրքերը, իսկ ձեր, նրա խղճալի ճուտի արարքը, սարսուռ չեն առաջ բե-

քում նրա երակներում: Ուզում էիք իմ ով լինելը իմանալ. այժմ հօ իմացաք, որ ես Վահէն եմ, արէք, ինչ կարող էք. սակայն իմացէք, որ ձեր իւրաքանչիւր քայլի համար չարաչար տուժիլու էք: Այն Արթօն, որին փնտրում էք, միշտ ինձ հետ և գիտէ պատժել անիրաւութիւնը: Մնաք բարեաւ, ես այժմ հեռանում եմ: Վահէն դուրս եկաւ. փախստականների գլխաւորները հետեւեցին նրան:

Վռամը իւր աւանջներին չէր հաւատում, նա Վահէին սպանուած էր կարծում. բայց ինչպէս էր եղել, որ կենդանի է մնացել: Փոքր ինչ տատանուելուց յետոյ, նա էլ չդուրս եկաւ. այստեղ նրան շրջապատեցին թշուառների նոր խմբեր, որոնք ոսկու անունը լսելով, ոչ մի քանի վրայ ուշադրութիւն չէին դարձնում: Վռամը առաջնորդեց նրանց իր ուղեկիցների մօտ, ուր ստորագրութիւններ առան դրանցից, բաժանեցին ոսկիներ և կարգադրեցին օրական մի քանի անգամ այցելել իրանց, նոր հաւատի ուսմունքի հետ ծանօթանալու համար:

Միամիտներին որսալուց յետոյ, ներկայացաւ տեղական գայմագամին և յայտնեց նրան Վահէի ով լինելը, բարդելով նրա վրայ զանազան քաղաքական յանցանքներ, աւելացնելով, որ նրան յայտնի է և Արթօյի ապաստարանը:

Մինչ այս մինչ այն, Վահէն խորհրդակցեց փախստականների գլխաւորների հետ և կարգադրեց, որ նրանք իսկոյն և եթ ուղևորուեն դէպի Տըրխ գիւղը, այնտեղից էլ դէպի սահմանը: Նա խոստացաւ Արթօյի և նրա ընկերների հետ միանալ ճանապարհին և առաջնորդել մինչև սահմանագլուխը:

Բազմութիւնը ճանապարհ ընկաւ: Խաթուրի շրջակայքում նրանց միացաւ Արթօն Վահէի և իր ընկերների հետ:

Երեկոյեան արեւը մերձենում էր Գոսադաղ լեռան. կարծես այդ լեռան չար ոգիները խմբուել էին նրա ճանապարհին և սպանում էին իրանց ճանկերի մէջ առնել այդ հրաշէկ գնդի հաւուր զօրութիւնը: Ահ ու սարսափը տարածւում էր ամեն տեղ. միջանի ամիս էր, ինչ գիշերային աղջամղջի ժամանակ, այդ երկրի իւրաքանչիւր քար ու թուփը մի մի դարանաւայր էին դառնում հազար ու մի թափառաշրջիկ ցեղերի համար: Միջանի ամիս էր, ինչ մարդկային արիւնը ոռոգում էր այդ երկրի խուլ ու մութ խորշերը, ամեն տեղից արիւնի հոտ էր գալիս: Իւրաքանչիւր արարած ժամ առաջ փնտրում էր իր համար մի ապահով անկիւն, ուր իր գոյութիւնը պաշտպանել կարողանար գիշերային սարսափների ժամանակ: Միայն թշուառ փախստական-

ներն էին, որոնք մի ազատ-ապահով գլուխ դնելու տեղ չհռնէին և միշտ ու միշտ առաջ էին շարժուում:

Գտնուելով Արթոյի հովանաւորութեան ներքոյ, իրանց աւելի քան ապահով էին զգում. ամեն ինչ թողած ճակատագրի քրմահաճոյքներին, մտամոլոր կերպով քայլում էին Տըրխ գիւղը տանող ճանապարհով:

Արթօն իր ընկերներով գնում էր նրանց ետեւերից: Յանկարծ լսուեցին մի քանի հրացանի ձայներ և գնդակները իրանց սուր սուրոցով անցան փախստականների գլխի վերեւով: Հրացանի պայթիւնների հետ, համարեա, միաժամանակ լսուեց և գայմազամի սպառնացող հրամանը՝ «տեղներից չը շարժուել»: Արթօն վայրկենաբար ցնցուեց, ռակայն իսկոյն հասկացաւ, թէ եկողները ովքեր են և ինչ են պահանջում, ուստի աննկարագրելի արագութեամբ կարգադրեց իր ընկերներին կանգնել, պատասպարուել մի մի ժայռի, քարի, խորշի ետեւ և դիմադրութիւն ցոյց տալ եկողներին. իսկ բազմութեանը հրամայեց շարունակել իր ճանապարհը:

Սկսուեց մի կատաղի կռիւ. տասնեակ հրացաններ մի աւելնարթում բազմաթիւ զոհեր էին գետին տապալում. իսկ փոքր ինչ հեռացող բազմութիւնը երկիւղի, յուսահատութեան աղաղակներով օղն էր թնդացնում և նզովք կարդում իր ճակատագրին: Կռուի այդ եռ ժամանակին, յանկարծ Արթօն տեսաւ Վռամին, որը Գայմազամի հետ մի կողմի վրայ կանգնած պատրաստուում էր փախուստ տալ. նողկանքի ու բարկութեան զայրոյթի հետ ձայն տուեց նորան.

—Նզովեալ մասնիչ և ամեն սրբութիւն ուրացող զաղրելի արարած, վարշելի կեանքդ այժմ իմ ձեռքումս է, բայց այս ազնիւ կռում չեմ զրկի քեզ նրանից: Նայիր Գայմազամին և քո ձիուն ու քեզ խղճա... Նրա ձայնի հետ լսուեց հրացանի պայթիւն և Գայմազամը արիւնշաղախ վայր ընկաւ ձիուց:

Վռամը փորձեց մենակ փախչել, բայց լսուեց երկրորդ պայթիւն և նրա տակի ձին, վիրաւորուելով ճակատից, փռուեց գետին: Կենդանի մնացած մի քանի զապտիները սկսեցին փախուստ տալ:

Արթօն Սալվիի հետ վրայ վազեցին և դուրս բերելով Վռամին ձիան տակից, կապեցին նրա ձեռքերը. ապա իրանց ընկերների հետ ճանապարհուեցին դէպի Տըրխ գիւղը:

Հետզհետէ թանձր խաւարը ծածկեց շրջակայքը: Բազմութիւնը Արթոյի կարգադրութեամբ կանգ առաւ. անհրաժեշտ էր փոքր ինչ հանգստութիւն տալ յոգնած ամբոխին, ապա շարու-

Նակել ճանապարհը: Բազմութիւնը անփոյթ կերպով տարածուեց գետնին:

Արթօն Վահէի և իր ընկերների հետ առանձին խումբ էր կազմում: Սրանք էլ, նստելով բորբոքուած խարոյկի, շուրջը գայլի ախորժակով ընթրում էին և զրոյց անում իրար հետ:

—Այո, մեր ժողովուրդը միշտ էլ այսպիսի փախստական կեանք կունենայ, եթէ լուրջ ուշադրութիւն չը դարձնի ամենաէական և ամենակարևոր խնդիրներից մէկի վրայ, այդ նրա ընտանեկան կրթութիւնն է: Խնդիրը աւելի կարևոր և լուրջ կերպարանք է ստանում, մանաւանդ որ այսօր գիւղացին մեր ժողովրդի ամենապատկառելի թիւն է կազմում, նկատեց Արթօյին Վահէն:

—Այո, անխնամ թողնուած արմատն է նա, որին կուտուրական հողի վրայ դնելը և աչալուրջ ուշադրութեան առնելը՝ անյետաձգելի մի պահանջ է դառնում օրէցօր. սակայն ինչպէս,—հարցրեց նրան Արթօն:

—Ինչպէս. իւրաքանչիւր ժողովուրդ, գիւղացի թէ քաղաքացի, մի որոշ ապագայ աչքի առաջ ունենալով, միշտ նրան է ձգտում և միշտ նրա համար է կրթում, դաստիարակում իր մատաղ սերունդը: Այդ յատկութիւնից զուրկ չէ նաև սարերի, ձորերի հարազատ զաւակ՝ քուրդը: Նա իր զաւակի ականջին բառեր է շնչում, երգ ու դօներ է դնում, որոնք նրա ամբողջ ապագան են կազմում: Աշխատեցէք քարոզների, ճառերի կրակներ թափել այդ ըստ երևոյթին վայրենի ցիղի, ուղեղի, գլխի վրայ, նա միշտ էլ քուրդ ծնուել է և քուրդ էլ կը մնայ. ձեր ազդու քարոզները անզօր կը լինեն մազաչափ անգամ շեղելու նրան դաւանած սկզբունքներից: Ինչո՞ւ.—նրան այդպէս է ծնել, մնել, կրթել, դաստիարակել հայրենի օրրանը: Իսկ մեք, որ համեմատաբար աւելի առաջ ենք գնացել այդ կիսավայրենի ցեղից մեր հոյակապ շէնքերով, մեր մի քանի յարկանի փառահեղ և շքեղազարդ պալատներով, ապարանքներով, կարողանում ենք արդեօք ըմբռնել, թէ ինչ ձևով և ինչ ապագայի համար սերունդ ենք պատրաստում: Մենք, որ գիր ու գրականութիւն ունենք, արդեօք արտադրում ենք նոյնքան իրանց համոզմունքի մէջ հաստատական զաւակներ: Ո՛չ և ո՛չ այսքանից յետոյ պարզ է թէ՛ ինչպէս..... Ահա թէ որքան անջնջելի հետքեր է թողնում որոշ ուղղութեամբ ընթացող ընտանեկան կրթութիւնը. և այդ դեռ մի անշուք վրանի տակին, սարերի ձորերի գրկում...

—Այո, այդ տեսակէտից մեր գիւղական մրտա խրճի ընտանեկան կրթութիւնը դեռ որոշ սկզբունքի և հասկացողութեան

հասած չէ. ընտանեկան կրթութիւնը մեր գիւղերում մի-
անգամայն բարձի թող է արուած և Աստծու խնամքին յանձ-
նուած:

— Ճիշտ է միանգամայն. մեր գիւղական նուիրական մրտտ
խրճիթը տակաւին մանկական օրրանում ահ ու դողի, վիշտ ու
տառապանքի, սև սարսափի օրօրներ է կարդում ապագայ գիւղա-
ցու սրտում, օրօրներ, որոնք նրա սեւաւոր կեանքում միշտ նրա
անբաժան ընկերներ են մնում ու կապում, կաշկանդում են նրա
սիրտն ու ոգին: Մեր գիւղական անտէր խրճիթի մրտտ
յարկի տակ միշտ էլ լսում են մանկան ծեծ ու ջարդի,
լաց ու հառաչանքի, սուգ ու շիւանի ձայներ, որոնք միշտ
էլ մի արտասովոր սրտամաշ ցնցումներ են առաջ բերում
նրա հոգեկան աշխարհում և ապագայում, երբ նա մարդ է դառ-
նում, որոշ տեղ են բռնում նրա չարքաշ կեանքում:

— Այդքանից յետ, Վահէ, պարզ է թէ՛ ճրպիսի հայրեր, ճր-
պիսի մայրեր են տակաւին ապրում մեր գիւղական սեւաւոր խըր-
ճիթներում: Ուրեմն կանխապէս մենք պիտի աշխատենք բարուո-
քել մեր հայրերի, մեր մայրերի՝ բարոյական ներքին աշխարհը,
որովհետև զրանք են կազմում իւրաքանչիւր ընտանիքի հաստար-
մատ սիւները, դրանց վրայ է ընկնում մատաղ սերնդի դաստիա-
րակութեան գործը:

— Անպայման ճիշտ է, Արթօ. երբ մենք բարւոքենք զրանց
ներքին աշխարհը, այն ժամանակ որոշ չափով ապահոված կը լի-
նի մեր ապագան...

— Ո՛ւր է թորոս-բիձան, — հարցրեց Արթօն, որը նոր էր նը-
կատել նրա բացակայութիւնը:

— Նա միշտ էլ գիշերները շրջում է բազմութեան խմբերի
մէջ և ո՛վ գիտէ՛ ինչի վրայ է մտածում, — հանգիստ ձայնով ա-
սաց Սալվին:

— Ինչպէ՞ս թէ ինչի վրայ. միթէ նա քիչ մտածելու բաներ
ունի. չէ՞ որ այդ բազմութիւնը իւրաքանչիւր քայլափոխում յի-
շեցնում է նրան իր բազմամարդ ընտանիքը, որը նոյնպէս անտէ-
րութեան գիրկն է մատնուած. ինչպէ՞ս նա կարող է չը մտածել
իր անբաղդ ընտանիքի վրայ, որին այդ թշուառութեան հասցնողը
համարեա, Վառմն է, որը այժմ, փառք Աստծու, իր արժանի պա-
տիժը ստացաւ, — վրայ բերեց Արթօն:

— Հա, լաւ յիշեցրիք այդ անդգամի մասին. երբ բազմու-
թիւնը անցկացնենք սահմանը, այն ժամանակ նոր միասին կը
խորհենք թէ՛ ինչպէ՞ս վարուել այդ լիրբ ուրացողի և մատնիչի
հետ:

Մինչ նրանք այսպէս զրոյց էին անում, Թորոս-Բիճան գաղտնագողի մօտեցաւ կալանաւորուած Վռամին, որը խարոյկից բաւականին հեռու ընկած էր գետնի վրայ: Կալանաւորը գլուխը բարձրացրեց և հազիւ լսելի ձայնով մրմնջաց. — Ո՞վ ես դու, աղաչում եմ՝ մի փոքր ջուր տուր պապանձուած շրթունքներս զովացնելու համար: Ծառաւից մեռնում եմ. խղճա՛ ինձ:

— Ես Թորոսն եմ, յիշում ես: Կարծում եմ, ամեն ինչ հասկանալի է քեզ: Տեսնում էք, ռրքան անտանելի, ռրքան ծանր բան է կարիքի մէջ լինելը և կարիք զգալը: Տեսա՞ք, արդեօք, չար բաղդը ռրտեղից որտեղ ինձ հասցրեց, և ես ներկարարի գործարան բաց արեցի. սակայն դուք այդ էլ չհզեցիք և ձեր այդ անխիղճ վարմունքով ինձ այստեղ հասցրիք: Բայց ես սիրում եմ ազատութիւն և այդ բառի վեհ կոչման տակ, դարձեալ մի անգամ էլ կեանք եմ տալիս ձեզ և արձակում եմ ձեր կապանքները: Զգո՛յ՛, ձեզ կարող են տեսնել. հեռացէ՛ք և միւս անգամ մի ուրացէ՛ք ձեր խիղճը և արդարութիւնը:

Այս ասելով, նա շտապ-շտապ արձակեց նրա կապանքները:

— Դէ՛հ, գնացէ՛ք և մի մոռացէ՛ք, ինչ ասացի ձեզ: Տէր ընդ ձեզ...

Վռամը կորաւ խաւարի մէջ:

VII

Հետևեալ օրը մի քանի ժամ ճանապարհորդութիւնից յետոյ, բազմութիւնը հասաւ Տըրխ գիւղը: Հասցնելով փախստականներին այդ գիւղը, Արթօն իր ընկերներով անյայտացաւ: Այստեղ վճռուած էր մի առ ժամանակ հանգստութիւն տալ բազմութեան յոգնած ու վաստակած անդամներին, ապա ճանապարհը շարունակել զէպի սահմանը: Առհասարակ ցերեկները Արթօն շատ սակաւ էր երևում մարդկանց, նոյնիսկ իր ծանօթ-բարեկամներին: Տըրխ գիւղը նորոգեց Վահէի վէրքերը. այստեղ իւրաքանչիւր քար ու թուփ ասես ձայն էին տալիս նրան թէ՛ «քո թշուառ Սօնան այստեղ է. այստեղ է նրա անտէրունչ գերեզմանը»:

Հազար ու մի դառն յիշողութիւններով նա կապուած էր այդ գիւղի հետ:

Հեռանալով մի առ ժամանակ այդ վշտախորով գիւղից, Վահէն համարեա թէ իր նախկին օրերի նման չէր տանջւում մեղամաղձութեամբ. նրան գրաւել էր փախստականների սոսկալի վիճակը և նա աւելի, քան իր միւս ընկերները, նուիրուած էր այդ

վշտին: Երբ գիշերը վրայ հասաւ, նա յուսահատութեամբ լցուած՝ ուղղեց իր դանդաղ քայլերը դէպի այն վայրը, ուր գտնուում էր Սօնայի անշուք գերեզմանը: Այստեղ նա այլ ևս անկարող եղաւ զսպել արտասուքները: Նրա խուլ հեկեկոցի ձայները ստէպ-ստէպ խանգարում էին գերեզմանական լուռութիւնը: Եթէ մի ձայն, մի թեթեւ շշուկ անգամ լսէր գերեզմանի խորքերից, գուցէ նրա վիրաւոր սիրտը փոքր ինչ թեթեւութիւն զգար. «խօսիր, խօսիր, իմ թառլան, իմ վաղամեռիկ Սօնա: Ի՞նչ անեմ, ռը դնեմ իմ դժբաղտ գլուխը այս աւեր աշխարհում. ամեն տեղ արիւն է հոսում. ամեն տեղ տանջուողը, տուժողը արդարութիւնն է, ինչպէս դու տանջուեցիր, ինչպէս դու տուժեցիր կեանքովդ: Դու մեռար, պրծար. դու չտեսար հազարաւոր քեզ նմանների, որոնք դիակների կոյտեր կազմեցին, դու չը տեսար հազարաւոր քեզ նմանների, որոնք իրենց անմեղ արիւնով ներկեցին հայրենի հողը: Այժմ ամեն ինչ փոխուել է. վեր կաց, վեր, տես ի՞նչ օրի ենք հասել. ցերեկով ողբալը, սգալը անգամ երկիւղի ցնցումներ է առաջ բերում մեր երակներում...»

Արտասուքը թեթեւութիւն է, ասում է առածը, վահէն էլ արտասուելուց յետոյ փոքր ինչ հանգստացաւ, ապա յանկարծ յիշելով իր երազը, մի արտասուվոր դող զգաց. ուստի շուտափոյթ վերկացաւ, ձեռքը գրպանը տարաւ, թաշկինակ դուրս հանեց, տարածեց Սօնայի գերեզմանի վրայ. յետոյ այդ հողից մի բուռն վերցրեց, ածեց թաշկինակի մէջ ու կապեց: Օ՛, իմ Սօնա, այսուհետեւ ուր էլ որ լինեմ, հաւատացած եղիր, որ դու ինձ ընկեր ես. իսկ երբ մեռնեմ, կը կտակեմ այս հողը ուղիղ սրտիս վրայ դնել ու թաղել. այո՛, սրտիս վրայ դնել, որովհետեւ այնտեղ է մարդու իսկական երջանկութիւնը և բաղդը: Թո՛ղ բնահգնների, ոսկիների մէջ պահեն մարդուն, ի՞նչ փոյթ, երբ դատարկութեան արձագանքներ է տալիս նրա սիրտը... Նա սրբեց արտասուքն և շարժուեց դէպի տուն:

Այնտեղ էին նրա ընկերները և զարմանք յայտնում Վոսմի անյայտանալու մասին: Միայն մէկը լուռ էր և ոչինչ չէր խօսում: Դա Թորոս-բիձան էր, որին յայտնի էր ամեն ինչ:

—Ո՛չ, ո՛չ, վաղ առաւօտեան պիտի հրամայել, որ բազմութիւնը ճանապարհ ընկնի: Մահմանը մօտ է, որից յետոյ երկիւղը ամբողջովին վերացած կը լինի և թշուառները իրանք կը հոգան իրանց զլխի ճարը: Թէ չէ, ո՛վ գիտէ, դեւի ծնունդի անյայտանալը լաւ սպառազն չէ խոստանում մեզ:

—Անպատճառ, անպատճառ, Արթօ, կրկնեցին միւս ընկերները,—հարկաւոր է շուտ ճանապարհ գցել դրանց:

—Իսկ դու, Սարվի, հասար քո տատին. այժմ կ'աց նրա մօտ. մենք քեզ չենք մոռանալ. նկատեց Արթօն:

—Ե՛ս, հարցրեց Սարվին, մի փորձող հայեացք ձգելով Արթօյի վրայ,—ես քեզ միայնակ չեմ թողնելու, ուր դու լինիս, ես հետդ պիտի լինիմ. թէ դու ինձ մոռանալ չես կարող, ես էլ քեզ չեմ կարող մոռանալ: Տատիս մասին մտածելու կարիք չը կայ. նա բազմաթիւ ազգականներ ունի այս գիւղում. կը յանձնենք նրանց խնամքին ու հոգացողութեան:

Արթօի պատասխանը եղաւ լռութիւնը:

Առաւօտեան բազմութիւնը առաջ ընթացաւ և, սովորական չարն ու ըարին միշտ ճաշակելով երկու օրից յետոյ անցաւ սահմանը, ուր սիրալիբ ընդունելութիւն գտաւ Վ. աւանում: Այստեղից տեղական իշխանութեան հրամանով բաժանւեց գիւղերի վրայ. իւրաքանչիւր գիւղ պիտի իր մէջ պաշտպանէր մի կամ երկու ընտանիք և հոգար նրանց անհրաժեշտ կարիքները:

Վահէն վճոց սրանց հետ անցնել իր հայրենի գաւառը տեղեկանալու թէ արդեօք ինչ վիճակի մէջ են գտնուում իր ծնողները և իր հարազատները:

Մի քանի օրից յետոյ հասան Ձաղ գիւղը: Անկարող լինելով ցերեկով մտնել գիւղը, Վահէն ուղղեց իր քայլերը դէպի գերեզմանատուն, որը ճանապարհից այնքան էլ հեռու չէր: Մութը դեռ նոր էր տարածուում երկրի վրայ: Գերեզմանատանը ոչ ոք չը կար: Սակայն այստեղ նրա ուշադրութիւնը գրաւեց մի փառահեղ շիրիմ, որի հարուստ շէնքը վկայում էր, որ նրա տէրը պատկանում է ժողովրդի կրեսոս դասակարգի խաւերին:

Հետաքրքրութիւնը նրան դէպի այդ շիրմի կողմը տարաւ, ուշադրութեամբ կարդալով քարի արձանագրութիւնը, նա մնաց զմայլուած. այդ շքեղազարդ վէմի տակ պարկուժ էր Վռամի հայր Տրաթլամէն. նա, որի ուխտեալ ճուտները ամեն տեղ հետեւում են իրանց ամեն ինչ ուրացութեան տուած հօր օրինակին: Երկար, շատ երկար շիրմի՞նք դիտելուց յետոյ Վահէն անզգայ ընկաւ մանր ու մաշող խոհերի գերկը:

Մի քանի ամիս առաջ կատարուած եղբերական անցքերը գալիս էին պարզ ապացուցելու, թէ ո՛վ և որպիսի՞ հրէշ է հանգիստ գտել այդ շքեղազարդ վէմի տակին: Յանկարծ նրա շրթունքները ակամայից շարժուեցին, Վաղական քահանայ, ոստիկանական ստորին պաշտօնեայ, խաչագող, անթիւ անմեղ զոհերի սկզբնապատ-

ճառ դարձած անհատը ի՛նչ, այսպիսի շիրիմը՝ ի՛նչ Կոնր արդեօք նիւթական այնքան միջոց, որ նա կարողանար այսպիսի հարուստ դամբարանում հանգչել: Գիւղական համայնքի աղքատ վարձատրութիւնը իրանց քահանաներին, ամեն տեղից հալածուած խաչագողութեան պաշտօնը և ոստիկանական ստորին սպասաւորի աղքատիկ պաշտօնավարութիւնը, չէին կարող դրան այս օրին հասցնել»: Սակայն այդ խոհերը իսկոյն և եթ անյայտացան նրա յիշողութեան մէջ, երբ յիշեց Վառամին ու նրա տխրահոգակ ամուսնութիւնը: Այստեղ էլ զգալի դեր է խաղացել նրա հարսի օժիտը:

Ո՛չ, ո՛չ, այդ օժիտը սև բծերով է ծածկել ձեր ապագան. որքան էլ փառահեղ կերպով զարդարէք ձեր արտաքինը, նոյնքան սև թախիծով և սև գոյներով ներկւում է ձեր ներքինը: Միամիտներին կարող է շլացնել այդ օժիտը: Որդեր ու զարշահոտութիւն է տարածում նա ինչպէս նրա շնորհիւ շինուած այդ գերեզմանում հանգչող դիակը, որը այժմ ներկուած զարշահոտութիւնների թագաւորութիւն է ներկայացնում: Այո, հարսի օժիտով զարդարուած գերեզման...

Նա հեռացաւ այդտեղից. մութը բաւականին թանձրացել էր, ուստի նա առաջ ընթացաւ դէպի հայրենի տունը: Մի քանի բոսայէ և նա մօր գրկումն էր. հօրը սպանել էին Տրաթլամէի և Բաղոյի ազգականները իր և Սօնայի վիրաւորուելու հետեւալ օրը: Երկւոր, երկւոր նա չէր կարողանում հանգստացնել մօրը և դադարեցնել նրա արտասուքները. մօր վիշտը բազմաթիւ և բազմազան էր. նա կորցրել էր ամուսնուն, կորցրել էր իր մին ու ճար որդուն, վերջապէս, կորցրել էր իր առողջութիւնը և այժմ տանջւում էր մահճի գրկում: Ամուսնու և որդու կորուստը այնքան խորն էին ազդել նրա վրայ, որ ենթարկուել էր կաթուածի և, զրկուելով ձախ ձեռքը շարժելու ընդունակութիւնից, մի քանի ամիս էր ահա ինչ տանջւում էր այդ անողոք հիւանդութեան ճիրաններում: Որդու անսպասելի յայտնուելը թէև ուրախացրեց նրան, բայց միայն մի քանի րոպէով, որովհետև լաւ պիտէր, որ նա չէ կարող մնալ իրանց գիւղում: Ինքն էլ չէր ցանկանում, որ նա մնայ այդտեղ և իր կեանքը վտանգի ենթարկի. լաւ գիտէր, որ նրան կամ տեղական իշխանութիւնը պիտի կալանաւորէ, կամ Տրաթլամէի և Բաղոյինց ազգականները պիտի սպանեն: Իր քաղցը յագեցնելուց յետոյ, Վահէն պարկեց մօր կողքին և գլուխը նրա կրծքին դնելով սկսեց ծանր կերպով մշշալ: Երկւոր, շատ երկար անբաղդ մայրը նայում էր իր նոյնքան անբաղդ որդու դէմքին: Նրանից

ոչ հեռու ծանր խռմբացնում էին նրա այրի քոյր Եղիսը իր փոքրահասակ որդու հետ, որոնք Վահէի մօր մօտ էին դիշերում և նրան խնամում:

Լուսաբացին Վահէն դարձնեց. մօտը եղած դրամների մեծ մասը յանձնեց մօրը և, խոստանալով դարձեալ շուտ-շուտ այցելել նրան, հեռացաւ գիւղից, ուր նրա վէրքերը աւելի աղետալի դարձան և աւելի ծանրացան:

ԽԱՆԶԱԴԷ

(Կը շարունակուի)

ԺՈՂՈՎՐԴԻ ՄԷՋ ¹⁾

ԲՕԶԵԳԵՐԻ

Քսաներորդ կիրակի.

Անցեալ կիրակի բաժանուցիր ընկերօջիցդ հեռաւոր հովտում, նախանձոտ հակառակորդների շրջանում: Սակայն բարեկամդ դեռ ողջ է: Յիշեալ դէպքից յետոյ մի ամբողջ շաբաթ ցաքանել է արտերը, ցանել զեռնախնձորը: Բայց այն ժամանակ վտանգի մէջ էի. չէ՞ որ սիրում եմ ամօթխած աղջկան և ուսուցչից չէի ծածկում այդ: Երբ այն պարոնը բացականչեց «աղջիկը ինձ է պատկանում», ամեն ինչ պարզուեց ինձ համար: Ինչը կարող էր աւելի հասկանալի լինել, քան այն, որ ուսուցիչն էլ էր ճախրում նոյն կրակի շուրջը: Իսկ փոթորկի ժամանակ ամենաթույլ կրակից էլ կարող է կաուրը վառուել: Եւ մարմարիոնի նման սառնասիրտ աղջիկը թույլ էր տալիս այս մարդուն համբուրել իրան: Այդ պատճառով էլ հանդարտութեամբ լսեցի ուսուցչի աղաղակը և ասացի—լաւ ճաշակ ունիք, սատանան տանի: Թույլ տուէք երջանկութիւն մաղթել ձեզ. մի բան կասեմ միայն՝ եթէ դուք թշուառացնէք այդ աղջկան, զիտցած եղէք, որ Հօյզէնդորֆի եկեղեցու հրապարակի վրայ կ'քարկոծեմ ձեզ:

—Շատ զեղեցիկ, մեղմօրէն պատասխանեց նա—եթէ ինձ հետ անբաղդ լինի նա, աշխատեցէք տեղեկանալ ներոնից, Իւան Գրոզնիից և ինկւիզիտորներին, թէ ամենախիստ տանջանքներից որով պէտք է պատժել ինձ:

—Համաձայն եմ: Այժմ մեր յարաբերութիւնները չ'պէտք է փոխուին. ես ուզում եմ ձեր անկեղծութեանը անկեղծութեամբ

էլ պատասխանել: Մի փոքր չէ՞ք անցնի ինձ հետ. թիկն տուէք այս ծառին, եթէ ոչ պատմութիւնս լսելով կարող էք ուշաթափուել: Դուք մի տեսակ վիպականութիւն էք համարում, երբ քսանուհինգ տարեկան երիտասարդը սիրահարւում է: Սակայն դոքա չնչին բաներ են. ահա տեսէք լրագրի մի աշխատակից, որը գիւղական վարժուոր է դառել և իսկական վարժուոր: Եւ սկսեցի պատմել:

Վարժապետը լսում էր աննկարագրելի հիացմունքով և սկզբում չէր ուզում հաւատալ ասածներին: Յետոյ զլուխը թափահարեց և, համոզուելով որ պատմութիւնս վերացնում է ամեն հակասութիւններ և դժուարութիւնները, սեղմեց ձեռքս:

Մինչ այդ մտանք հեռաւոր ծորիկը և մօտեցանք վիթխարի դորշ ժայռերին, որոնցից հոսում էին առուակները:

Հոգիս անդորր էր—ուրախալի էր դռնէ մի մարդու առաջ առանց դիմակի լինել:

Իսկ ուսուցիչը նայելով սարի ստորոտին անընդհատ հոսող մաքուր, հրաշալի ջրին, ընկղմուեց մտածմունքների մէջ:

—Ուրիշ որեւէ մէկին յայտնե՞լ էք ձեր գաղտնիքը, հարցրեց նա:

—Հօյգենդորֆում դուք ամենավաղեմի ծանօթը և նորագոյն բարեկամն էք:

—Եկէք դուով խօսենք իրար հետ:

—Շատ դեղեցիկ:

—«Նրան» էլ երևի դու ես ասում: Գիւղացիների մէջ այդպէս է ընդունուած: Այդ միտքը կատաղութեան էր հասցնում ինձ:

—Այլևս լիմարութիւններ չես անի, այնպէս չէ: Եթէ ինձ չես հաւատում, նայիր նրան: Ինքդ պէտք է գիտենաս թէ որքան է սիրում քեզ:

—Ապացոյց ունեմ, փնթփնթաց նա.—երևի շատ ես տանջուել գաղտնիքիդ, շարունակեց նա, ես էլ հանդիստ չեմ եղել:

—Ինձ թւում է, Գլիդօ, դու էլ ինչ որ ծածկում ես ինձանից:

—Ամենի համար հեշտ չէ սիրտ բանալը, ասաց նա.—մինչ-

դեռ ո՞րքան լաւ կ'լինէր, եթէ մարդիկ առանց խոստովանելու հասկանային...

Մի քանի խրախուսական խօսքերից յետոյ, պարզունեցան դործի ամենամութ կողմերը: Հասկանում ես, փիլիսոփայ: Աւելի լաւ է լսես ուսուցիչ Գլիդօ Վինտերի պատմութիւնը՝

Ծագումով քաղաքացի է, արհեստաւորի զաւակ: Ուսումը դժուարութեամբ է անցել և հասել է համարեա թէ իրաւաբանական գոկտորութեան աստիճանի: Բայց արուեստաւորի որդին չէ ուզում հպատակուել, հպատակուել մանաւանդ ընկերների պահանջներին: Ուսանողական սովորութեան համեմատ չի ուզում արբեցողութեամբ պարապել և կռուել նրանց հետ: Ընկերները այլալիսի յանդգնութեան համար դուրս են շարտում նրան իրանց շրջանից և այլալիսով փակում նրա առաջ դէպի փոքրիկ քաղաքի «ընտիր հասարակութիւն» տանող ճանապարհը: Դեռ լաւ էր որ ժամանակաւորապէս դասեր դտաւ Հօյգենդօրֆում: Սակայն, չնայելով բաւարար վարձատրութեան, նրա վիճակը շատ աննախանձ էր: Մէկ բան էր միայն փրկում. դա երիտասարդութիւնն էր: Քաղաքի այս զաւակը մի առանձին սէր չուներ դասաւանդութեամբ պարապելու. բացակայում էր գիւղական կեանքի հասկացողութիւնը, սէրը դէպի ժողովուրդը, որոնցից կարողացաւ գնահատել միայն մի նորատի աղջկան: Երբ ուսուցիչը Հօյգենդօրֆ եկաւ, աղջիկը դեռ դպրոցական նստարանի վրայ էր նստած և նրա ընթերցանութեան դրքի երեսին պարզ գրուած էր Բարբարա Վէլլեր: Հէնց առաջին իսկ ըռպէից դուր եկաւ ուսուցչին: Ժամանակով աղջիկը ուսումը աւարտեց. ուսուցիչը կարգալու գրքեր էր տալիս նրան, աղջիկը կարգալուց յետ վերադարձնում էր իր եղբօր ձեռքով երկտողի հետ միասին:

Այսպէս է սկսուել այդ զգացմունքը և յանկարծ տիրել է նրանց: Սկզբում սկսուել է սովորական շփոթութիւնը. աղջիկը կարծրում էր, տղան ուղիղ ճանապարհին սայթաքում: Էհ, հօ չէ՞մ նկարագրի քեզ այն ամենը, ինչ որ Ադամ և Եւայից սկսած միատեսակ է լինում: Սակայն զարմանալի է թէ ինչպէս է պատահել, որ մայիս ամսին հանդիպել են իրար զանգակատան պատնէշի մօտ, ծաղկազարդ շէփրուկի տակ և տղան առաջին

անգամ համբուրել էր նրան: Բայց պատիժը կրեց. այդ ժամանակից սկսած, աղչիկը սկսեց խորշել նրանից և վերջինս չըզտե՛ր ինչպէս ազատուէր իրան աիրող կրակից: Մի անգամ, Կայլինգից վերադառնալիս, Գվիդօն իր սենեակը դտաւ կանանցով լի, լաւ տաքացած և իր անկողնի վրայ պառկած Բարբելին, նա դուրսէն էր ցրտից և ժպտում: Սառած գետի վրայից անցնելու ժամանակ, ընկել էր ջուրը, որտեղից նրան դուրս էր բերել մի անցորդ գիւղացի և տարել մօտակայ խրճիթը: Նոյն օրը, իհարկէ, եկաւ Ադամը կառասայլով, որի մէջ գրին վերմակների մէջ փաթած Բարբելին և տարան տուն: Բայց ուսուցիչը շարունակում էր տաքանալ: Յիշեալ դէպքից մի քանի օր անց, նա զնաց սարերը և ինչպէս պատահեց իրան գտաւ Ադամի տան մօտ: Ուղում էր հանգստանալ, սակայն յոգնած չէր. ուղում էր տաքանալ, բայց չէր մըսում: Վերջապէս ուղեցաւ հարցնել աղջրկայ ծնողներից, թէ ինչպէս է նա իրան զգում: Ծնողները սենեակում չէին, սրահում տաւարի համար ուտելու բան էին պատրաստում. մեն մենակ նստած էր Բարբելը իլիկի առաջ: Սկզբում երիտասարդը ոչինչ չասաց, բայց յետոյ վաղեց դէպի աղչիկը — սիրում եմ քեզ, սիրում եմ, ասաց: Այստեղ նա բոլորովին իրան կորցրեց...

— Մտածիր միայն, բարեկամս, թէ ինչ էի զգում ես այդ խոստովանութեան միջոցին...

Մինչ այդ, սարերում ստուերները բարձրացան: Ադամի տունը արդէն հեռու չէր և մենք հրաժեշտ տուինք իրար:

Շուտով ինձ հետ միացաւ մի ուրիշ քնկերակից՝ որսորդ Կօնրալը և սկսեց խօսել Բոխերլի մասին: Տղան բժշկութեան համար փող չի վերցնում նորանից, մինչդեռ ինքը պատրաստ է իր աչ թելը կտրել, միայն թէ դրանով կարելի լինի կատարած սխալը ուղղել:

— Ինչո՞ւ խփեցիք, հարցրի ես:

— Չէ՞ որ ծառայութեան մէջ եմ և պարտաւոր եմ կատարել ամեն բան, ինչ որ պահանջում են ինձանից մարդիկ, որոնց պատկանում է որսորդութիւնը: Եւ ցաւալին էլ հէնց այդ է: Սակայն ամենից վատն այն է, որ Կուլմբօկը, ինչպէս

Թուում է, պատրաստուում է այդ զէպքի մասին խօսել Լանդ-
տագում:

Պարզ է, որ այս մարդը վախենում է բացարձակ խայտա-
ռակութիւնից և կ'ցանկանայ հաշտուել Րոխերլի հետ: Իսկ ես
հրաժեշտի ժամանակ յայտնեցի իմ խորին համակրանքը Կուլմբո-
կին...

Մարգարեանի վրայ, ջրհորի մօտ տեսայ Ադամին: Նա
նստած էր և ծանրութեամբ էր շունչ քաշում: Առանց թարմ
խօսի կովերը կաթ չեն տալիս և ինչպէս երեւաց, ծերունին զնա-
ցել էր խոտ հնձելու: Աշխատելու ժամանակ շնչարգելութիւնը
սկսուել էր:

— Հայր, ինչո՞ւ էք ինքներդ աշխատում, երբ բանուոր
ունէք:

Ծանր շունչ քաշելով, նա պատասխանեց. — շնորհակալ եմ
բարի խօսքիդ համար, հանգէլ: Կիրակին քո օրն է:

Հնձած խոտը տանելով, սկսեցի մտածել թէ ի՞նչպիսի չի-
մար կերպով են դասաւորուած բաները աշխարհիս երեսին: Կան
մարդիկ, որոնք ժամանակը անց են կացնում մենամարտութեան,
ծիարչաւի, որսորդութեան մէջ. կէս միլիօն տղատ զինուոր են
պահում, իսկ իմ Ադամը նոյն իսկ կիրակի օրն էլ է ուժասպառ
լինում աշխատանքի ծանրութեան տակ:

Երկա՞ր կ'տեւի այս: Ի՞նչ ես կարծում, փիլիսոփայ:

Էհ, թող սիրեն միմեանց, չիմար բաներ են: Ամեն ինչ
չիմար է աշխարհիս երեսին:

Քսան եւ մէկերորդ կերակի

Մայիսի կիսին մեզ մօտ ծիւն է գալիս, կարծես նոր տա-
րին լինի: Կեռասանները ծաղկել են և միւսնոյն ժամանակ ծիւ-
նով են ծածկուած:

Պ. Շտէյնը դարձեալ մի սիրալիւր նամակ էր գրել: Ասում
է որ իմ իրաւունքն է իհարկէ ամբողջ ապագաս և դիրքս զո-
հել որեւէ ցնորքներին, բայց ինքը պատիւ ունի յայտնելու, որ

եկող ամսից իմ պաշտօնս խոնձնուած կը լինի մի այլ մարդու: Հասկանալի է որ նա ինձ համար կորած կ'լինի:

Ընկերներիցս և ոչ մէկը այլևս նամակադրութիւն չէ տնուած ինձ հետ: Միայն Մէյերը քանի շաբաթ առաջ նկարագրել էր թէ ինչ է կատարուում խմբադրութեան մէջ: Թուում է թէ աշխատակիցները ինչ որ դաւեր են սարքում իրանց արժանաւոր դիւտարի դէմ. ծաղրում են որ գրազը տանուլ է տալիս: Երբեմնապէս անհանգիստ եմ լինում մեր գրադի երեք վկաների մասին: Ի՞նչ կ'լինի, եթէ մի բան պատահի նրանց, կամ թէ յանկարծ Ամերիկա փոխելու լինին: Իսկ առայժմ ինձ մեռած եմ ծնացնում և չեմ պատասխանում նախկին տիրոջ:

Շատ ցաւում եմ, բարեկամ, որ չես ընդունում առաջարկս—ամառը դալ Ալմզայ. սակայն, նշմարիտն ասած, լաւ ես անում որ չես գալիս: Ծիշտ ես ասում, ցաւալի կ'լինէր կորցնել հողի մերձաւորութեան տուած այս երեւակայական տրամադրութիւնը, որ այս ժամին այնքան ախորժելի բոսկէներ է տալիս մեզ: Այս առասպելական աշխարհը կ'անհետանայ, երբ քաղաքի բնակիչը պառկի խոտի վրայ և դեղեցկագոյն մտքերով նայելիս լինի գետնախնձոր ցանող բարեկամին: Դու արդար ես, հազար անգամ իրաւացի, այս տարին ես պէտք է անցնեմ միայնակ, իմ «երկնային թաղաւորութեան» մէջ: Պէտք է խոստովանել, որ թշուառ հոգիս երբեմն տանջւում է: Կեանքը արիւն քրտնքի աշխատանքով եմ ծեռք բերում: Իսկ համարեալ կիչներիս տառապանքը, թէպէտ նրանք կիսով չափ են զգում այդ, բայց որ աստիճան նրանք հնադանդութեամբ տանում են ծանր լուծը, այնքան աւելի ցաւալի է լինում նայել նրանց: Որչափ Ադամի գերդաստանի անդամները խոնարհուում են ճակատադրի առաջ, և ինչքան ես խղճում եմ նրանց, այնքան աւելի երջանիկ եմ զգում ինձ: Սկսում եմ այժմ միայն հասկանալ, թէ ի՞նչ նշանակութիւն ունի մեզ համար կարեկցութիւնը: Յուսահատութեան հակաթոյն է դա, մանաւանդ ինձ համար: Շատ բան էի սպասում լեռնային բնութեան վեհութիւնից, դաշտանկարների պեղեցիութիւնից: Սակայն իզուր. բնութեամբ զմայլում ես միայն այն ժամանակ, երբ հոգիդ ազատ է և ներ-

դաշնակ։ Բայց նա ոչինչ չէ կարող փոխարինել։ Դորա համար էլ մարդիկ միայն աղքատ են մնում։ Պատահմամբ օգտակար եղաց Սդամի ընտանիքին։ Թող այդպէս լինի, թող չ'սխալուեն իմ վերաբերմամբ։

Քսաներկուերորդ կիրակի

Նամակիցս սկիպիդարի հոտ է գալիս։ Մի զարմանալիսիր թէ ինչպէս պատահեց այդ։ Անցեալ շաբաթ զբաղուած էինք մեր կալուածի սահմանները ցոյց տուող և դաշտը մարգագետնից բաժանող ցանկապատի նորոգելով։ Հանաք բան չէ. պատմութեան նայելով՝ այս կողմերում սահմանները պահպանուում են նախնիների հոգիներով։ Սդամի հասկացողութեամբ հողը վաճառել առանց պատժի անկարելի է, որովհետև նա ոչոքին առանձնապէս չի պատկանում, այլ ամենի սեպհականութիւնն է—ամբողջ տոհմի, թէ նախնիների և թէ ապագայ սերնդի։

Այսպէս ուրեմն մենք աշխատում էինք ցանկապատի վրայ։ Ծերունին շուխտ-շուխտ ցիցեր էր ամրացնում դետնի մէջ, ես ծողեր էի անցնում նրանց միջից և յետոյ այդ ծողերը կապում էինք թարմ ճիւղերի կեղևով։ Կեղևները պատրաստում էր Բոխերլը խարոյկի մօտ, որպէսզի անհրաժեշտ ամբուլթիւնը ստանան նրանք։ «Միժեռնանին» միշտ զոհ է, երբ իրա համար էլ մի աշխատանք է դառնում, որը նա կարող է առողջ մարդու պէս կատարել։ Նա ուզում է կատարեալ մարդ լինել, բայց աչ թեւը չի գործում, կարծես չորացած ծառ լինի և ցաւում է, որքան մարդկային մարմինը կարող է ցաւել։ Խեղճ տղան երբեմնապէս այնպիսի յուսահատութեան է հասնում, որ ամենքս էլ խիստ անհանգստանում ենք։

Ի՞նչ է իմ ձեռքիս վէրքը դորա հետ համեմատած։ Շուտով կ'հասնեմ սկիպիդարին։ Համբարժման նախընթաց օրն էր։ Երեկոյեան, ժամը 4-ին, ծերունին յայտնեց, որ կարող ենք աշխատանքներս դադարացնել։

—Ամեն ինչ լաւ է։ Այժմ կարելի է հանգստանալ, ասաց նա։ Բայց ես նկատեցի, որ բոլորը կարգին չէր։ Ցանկապատի մէկ կողմը դեռ ամրացրած չէր, այնպէս որ մեր՝ եկեղեցում

զանուած ժամանակ, հարեան կովերը կարող էին դիւրութեամբ անցնել մեր ծաղկած արտերը: Ես Գնացի տանը, որ դռնէ փշերով մի փոքր ծածկեմ այդ չր ծածկուած տեղը և աշխատելու ժամանակ ձեռքս փշով վերաւորեցի: Աւամին յաջողուեց դանակով փշի մի մասը դուրս քաշել, բայց այն կտորը, որ Գնացել էր վերքի մէջ, անտեսելի ցաւ էր պատճառում: Մայրը մի ամանով սև ծիւթի իւղ բերեց, սպեղանի պատրաստեց և դրեց վերքի վրայ: «Անպատճառ կ'քաշի փուշը» ասաց նա:

Երկու գիշեր համարեա աչքս չեմ փակել և ուզում էի արդէն հակառակ ընդհանուրի անհամաձայնութեան դիմել Կալիֆոռնի բժշկին, երբ փայտի կտորը սկսեց արդէն երևալ: Վարդի թուփի փշից մեծ չէր, այնպէս որ մինչև անգամ անախորժ էր զգալ, թէ ինչպիսի ցաւ կարող էր պատճառել նա չղերին:

Այժմ դիտես, թէ ինչու նամակս սկիպիլարի հոս է արձակում:

Նախանցեալ օրը մեծ սենեակում ծերուկը սկսեց շինել ինձ համար անհասկանալի ինչ որ բան, որ բաղկացած էր գերաններից, գլանակներից, ակներից և այլն: Ինքնասիրութիւնս թոյլ չէր տալիս հարցնել, թէ ինչ է նշանակում այդ: Ծաշից լետոյ երբ սկսեց գլանակների վրայ թել փաթաթել, նոր սկսեցի հասկանալ թէ ինչ էր այն: Իսկ երբ երեաց կկոցը և սկսեց շրջել շարքին ձգուած թելերի միջև, այն ժամանակ դիւղաանտեսական մասի խմբագիրն անգամ չէր կարող կոսկածել, որ նրա աչքի առաջ ջուհիակի գործիք է դրած:

Ինչպէս համարժակ կերպով կարելի է տեսլ, որ ծանրութիւններ տեղափոխելու համար փայտէ հասարակ գլանանիւր աւելի կարեւոր յայտնութիւն էր, քան այժմեան շոգեկառքերը, իսկ հասարակ իլիկը ամենամանրագէշար բոլոր մանող մեքենաներից. նոյնպէս կարելի է ասել, որ ջուհիակի փայտէ գործիքը, չնայելով իր պարզ ձեւին, ամենահասարակ միջոցներով աւելի նպատակայարմար է դարձել, քան մահուդէ գործարանների այժմեան բազմահնար յարմարութիւնները: Իւրաքանչիւր անհատ արամադրութեան տակ երկու ձեռք, երկու

ոտ և մի զլուխ ունենալով, հրաշալի հարթ քաթան է պատ-
րաստում:

Սակայն դորա համար նախ և առաջ մտածող զլուխ
պէտք է ունենայ:

Քաղաքացու համար խրատական կլինի ուշադրութիւն
դարձնել յիմար զիւղացու բազմակողմանիութեան վրայ: Բայի
զիւղասանեսութեան վերաբերեալ հմտութիւնից, զիւղացին
զիտէ ոչ միայն ցորեն կալսել, կտաւատի իւղ պատրաստել,
բնակարան կառուցանել իր համար, կտուրը ծածկել, վառարան շի-
նել, ջրհոր փորել, օդի հանել, ձիւթի իւղ պատրաստել, ածուխ
ալրել, ալլև մանել, քաթան և բուրդ դործել, կաշի լծել—մի
խօսքով անել այն ամենը, ինչ որ անհրաժեշտ է տնտեսագի-
տութեան մէջ և որը պէտք է բաւարարութիւն տայ մարդուս
անհրաժեշտ կարիքներին: Ուղղակի զուարճալի է տեսնել թէ
ինչպէս է Սղամը աշխատում դաղդեահի վրայ: Ես մի փոքր
օգնում էի ծերունուն, բայց շուտով խճճուեցի դերձանի մէջ.
աշխատում էի այս և այն կողմ շուռ ու մուր տալով աղա-
տուել, սակայն աւելի խճճուեցի, այնպէս որ ընտանիքի մայրն
էլ չ'կարողացաւ աղատել ինձ. իսկ ես աւելի և աւելի էի խճճե-
լում: Վերջապէս անշնորհք միջատին ոստայնից աղատելու հա-
մար պէտք եղաւ կանչել Բարբելին: Երբ նա սենեակ մտաւ, ինձ
թուաց թէ խաչանիշ սարդը դալիս է տեսնելու թէ ինչպէս
այս անգամ որսը ընկել էր նրա թակարդը: Մինչդեռ նա հան-
դարտ շարժուածքով հանում էր թելերը և կրճիս կապանք-
ները թուլացնում, մի ինչ որ նոր բան էր փաթաթում ինձ
և կաշկանդեց վերջնապէս...

Եթէ ուսուցիչը գիտենար այդ: Կարծում եմ որ Սղամի
դորձած այս քաթանը օժիտի համար է: Եւ ինձ թուում է...
բայց ոչ, լիմարութիւններ են: Սղիկը ոչինչ չունի իմ դէմ, նա
պարզամիտ է ինչպէս ծնծաղիկը: Ես ինքս կաշկանդեցի ինձ—
կաշկանդեցի իմ ցնարքներով:

Մենք «ըարձր կրթութեամբ» մարդիկս սիրել չենք կարող:
Մենք կարող ենք խաղալ սիրոյ հետ, սիրային խարդաւանու-
թիւններ սարքել, կեղծել և նախանձել: Իսկ սիրել: Սիրել ինչ-

պէս Լեանդոր սիրում էր Գերօին, ինչպէս Րօմեօն—Իւլիան։ Դրա համար մենք չափազանց բարեկիրթ ենք։ Դ՞ու ինչ ես կարծում, փիլիսոփայ։

Բարի գիշեր, բարեկամս—այս մաղթանքս ուղարկում եմ քեզ իմ հեռաւոր անկիւնից։

Մեր տանեցիք մի լաւ սովորութիւն ունին, որը հարեւան գիւղական այլ խրճիթներում ես չեմ նկատել։ Երեկոները, երբ գնում են քնելու, ծնողները, դաւանները, քոյրը, եղբայրները իրար ձեռք են տալիս և ասում «Աստուած պահպանի քեզ գիշերը»։ Այնպիսի լուրջ կերպով են ասում, կարծես թէ որևէ վտանգից առաջ հրաժեշտ տալիս լինին իրար։ Դա չիշեցնում է ինձ թէ ինչ է գիշերը՝ «նա բարեկամ չէ մարդուն», ի՞նչ է քու-նը՝ «մահուան եղբայրն է նա»։ Մարդը պարկում է և լիայոյս է, որ իրա սրտի բաբախումը կ'առաջանէ նորա մարմինը։ Շուտով կ'դադարի ամենը, ինչ որ նրա կեանքն էր կազմում. կ'վերջանայ, կարծես երբէք էլ գոյութիւն չի ունեցել և եթէ չի վերանորոգուի, յաւիտենապէս քնածը այլևս չի զգայ ոչ տխրութիւն և ոչ վիշտ։ Իսկ եթէ դարձեալ կ'ստուի, զաւր-դէն կարծես աշխարհի նոր ստեղծագործութիւն է, նոր ծնունդ, Աստուածային հրաշք։

«Աստուած պահպանի քեզ գիշերը» բարեկամս։

Քսանդրեքերոյ կիրակի.

Հասաւ հոգեգալստեան օրը, այդ սիրելի տօնը։ Այժմ միայն ըմբռնեցի նրա հրաշագեղութիւնը։ Եթէ առողջ գիւղացին իրաւունք ունենար լաց լինելու, ուրախութեամբ կ'արտասուէի։ Անհնար է նկարագրել, բարեկամս, թէ որ աստիճան շքեղ է լեռնային բնութիւնը։ Երբ մօտից փչում է հողմիկը, կեռասե-նու ծաղիկները թափւում են կտուրի վրայ, իսկ մարգագետին-ները սպիտակին են տալիս մարգարտածաղիկներով։ Ես զուար-ճանում եմ զարունով և ծաղիկներով ու երբեմն ցանկութիւն եմ զգում բացականչելով՝ «Տէր-Աստուած, անարժան եմ այս ամենին»։ Եւ այս երանութեան համար դեռ վարձատրութիւն էլ եմ ստանում։ Մահու չափ ամաչում եմ զբաղիս համար։

Իսկ Բարբելլի համար դեռ ծաղիկները բուռական չեն: Նա կանգնած է պարտիզում մի ծունկի վրայ, ձեռքով չենուել է միւս ծնկան և տնկում է մեխակի և լեռնապսակի արծաթափայլ ծաղիկները: Ահա նա վերցնում է սպիտակ թաշկինակը և քրտինքը սրբում: Մի՞թէ արդէն այդքան շոգել է:

Այսօր վաղ վերկացայ և խոնաւ խոտի վրայով զնացի դէպի վեր. կանգ առայ այն տափարակի մօտ, որտեղ Ջատկի դիշերը խարոյկ էինք վառել: Այդ հզօր լեռնային երկիրը Աստուածային սեղանի նման սփռած էր առաջս: Նոյզենդօրֆից զանգակի զօղանչներ էին լսւում, լիշեցնելով, որ այնտեղ է կանգնած եկեղեցին այն անծանց համար, որոնք ընդունակ են Աստծուն միայն այն ժամանակ նանաչելու, երբ նա փոքրանում է և բնակւում մարդկային շինութեան մէջ: Ծշմարիտ է, Աստծուն նախ և առաջ պէտք է սեպհական սրտի մէջ որոնել. և, կարող է պատահել, որ մարդս քարաշէն պատերի մէջ աւելի դիւրութեամբ ինքն իրա մէջ խորասուզուի, քան ազատ երկնքի տակ... Սակայն սիրտս միայն այնտեղ չէ, որտեղ մարմինս է գտնւում. նա ամենայն տեղ է, որտեղ միայն կարող է թափանցել իմ միտքս, ամեն բանի մէջ՝ ինչ կարող եմ տեսնել, լսել և հոտով ընդգրկել: Այն ամենը, ինչ ես դիտեմ, կազմում է իմ մարմինը, իմ անձը:

Այսօր առաւօտ, երբ այդ մտքերը ինձ պաշարեցին, յանկարծ ուրախութիւն զգացի: Մարդկային արարած, դու նմանուեցիր տիեզերքին: Տիեզերք, դու նմանուեցիր մարդուն: Դու մէկ ես տիեզերքի հետ, դու յաւիտենական ես, իսկ քո հոգին Աստուած է կոչւում: Այն ժամանակ չկայ այլևս տանջանք, չկայ թերութիւն. իսկ եթէ իբրեւ մարդ քեզ դժբաղդ ես զգում, նայիր քեզ վրայ իբրեւ տիեզերքի մի մասնիկի վրայ:

Արդէն մի քանի անգամ նկատել եմ, որ վերամբարձ տրամադրութիւնը կարող է վտանգաւոր լինել: Այսօր, լեռան տափարակի վրայ, մի վայրկեան ինձ թուաց թէ եթէ անդունդի ափին լինէի կանգնած, կ'ըռչէի հէնց արևի մօտ... Բայց վարձուորը զսպեց ինձ և ասաց. «Ի՞նչ է պատահել քեզ մի՞թէ Ադամը իր հիւանդ կրծքով պէտք է միայնակ աշխատի»:

Նկատել էս արդեօք, որ սովորաբար ճանապարհորդը սարի
 դուխը բարձրանալով համարեա միշտ երեսը ակամա, դէպի արե-
 մուտք է դարձնում: Մաղնիսական լիճը չէ՞ արդեօք մարդուն
 արեւելքից դէպի արեւմուտք դարձնում: Նախ և առաջ աչքերս
 ուղղուած են հեռաւոր ժայռէ շղթաների զապաթներին, որոնք
 լուսաւորուած են ծագող արեւով: Միւս կողմից տարածուած է
 արծաթափայլ լայն ծովը: Դա Ֆիուսեան ծովացոցն է: Պարզ
 ջրի երեսին երերում է նաւը... բայց ծովածոց չէ դա, այլ սա-
 րերի միջի ամպը. և ոչ էլ նաւ է, այլ բազէն է սաւառնում սպի-
 աակաւուն մառախոլի վրայից: Եւ ահա այնտեղ, որտեղ ծովը
 միանում է յաւիտենականութեան հետ, ծագում է արեւը... Զար-
 հուրելի, արիւնահեղ, ահադին արեւը: Նա զրկուած է փայլից
 և վառուած է առանց բոցի, կարծես ածուխ լինի... մի՞թէ
 նոյն արեւն է սա, որը մի քանի ժամից յետոյ կ'փայլի երկն-
 քում, ինչպէս պայծառ աստղ: Ահա բարձրանում է դանդա-
 ղութեամբ: Նա չի արտացոլում ամպի ծովի մէջ, միայն լեռ-
 ներն են իրանց ստուերները ուղարկում այդ ծովին, և այդ ստուեր-
 ների վերջաւորութիւնները միաւորւում են ծիածանի գոյ-
 ների հետ: Իսկ արեւը աւելի և աւելի է տաքանում և բնու-
 թեան անբռնադատ օրէնքով անվերջ սլանում է երկնքի վրայով:
 Թշուառ քաղաքացիներ, այժմ նրանք քնած են, իսկ տասն
 չորս ժամից յետոյ արեւի ծագումը բեմի վրայ տեսնելու հա-
 մար, կ'հաւաքուին դարշահոտ թատրոնում:

Թարգմ. ՕՐ. Ն. ԱՂԱՆԵԱՆ

(Կը շարունակուի)

ՄԱՏԵՆԱԽՕՍԱԿԱՆ

«ՄԹՆԱՇԱՂԻ ԱՆՈՒՐՋՆԵՐ»

Վահան Տէրեանի

Վերջին երեք-չորս տարուայ ընթացքում, երբոր վերացան ցենզուրական կապանքները, հայ գրական աշխարհը ողողուեց բազմաթիւ հրատարակութիւններով: Նոյն իսկ մասնագէտ գրագէտը, որ ապրելիս լինէր իսկ գրելով՝ ոչ մի հնար չունէր հետեւելու և բոլորը կարդալու: Տպագրական խօսքի համեմատական ազատութիւնը թէև ստեղծեց բազմաթիւ անմիտ գրուածքներ, բայց և ունեցաւ, որպէս գրականութեան պատմութիւնից իսկ յայտնի է, շատ լաւ կողմեր: Մանաւանդ այս եզրակացութիւնը ճշմարիտ է հայերի վերաբերութեամբ: Այս լաւ կողմերից մէկն էլ այն է, որ երևան եկան հայերի շատ վատ կողմերը:

Նախ բոլոր գրքեր հրատարակողները համոզուեցին, որ հայը այն կուլտուրական ժողովուրդը չէ, որպէս մենք մեզ ներկայացնում ենք օտարներին սնափառութեամբ: Տպագրած գրքերը, որոնց մէջ ի հարկէ կային և արժանաւորները, փառաւոր կերպով դարսուած մնացին խանութներում կամ ծախուածների մեծ մասն էլ անվճար մնաց:

Երկրորդ՝ տպագրական խօսքի ազատութիւնը մի աւելորդ անգամ ապացուցեց ոչ միայն հայի սնափառութիւնը, այլ և այն պատմական փաստը՝ թէ հայը ազգասէր է դառնում միայն այն ժամանակ, երբոր ենթարկւում է հալածանքների:

Այսպէս օրինակ՝ երբոր երկրիս նախկին իշխանութիւնը դադրեցնում էր գրեթէ բոլոր հայ թերթերը, մենք բողոքում էինք և ազգասիրութիւն անում, իսկ այժմ, երբ մենք հնարաւորութիւն ունենք հայերէն կարդալու, մեր թերթերը հազիւ ապրում են:

Երրորդ՝ խօսքի ազատութիւնը ապացուցեց, որ հայը ընդունակ չէ խելացի կերպով օգտուել ունեցած ազատութիւնից, այլ նա մի ինքնատէջնոց ժողովուրդ է: Էլ ինչ վէպեր, բանաստեղծութիւններ, դասագրքեր, փիլիսոփայութիւններ ասես որ չհրատարակուեցին: Բայց իհարկէ մէկը միւսին հակառակը,

մէկը միւսի դէմ: Վարդան ու Վասակ, Վահան ու Մեհրուժան, Դաշնակ ու Հնչակ միշտ անպակաս են հայերի մէջ:

Սակայն տպագրական խօսքի ազատութեան ժամանակամիջոցում լոյս տեսած հրատարակութիւնների մէջ մի քանիսը արժանի են կատարեալ ուշադրութեան. այս տեսակներից է և պ. Տէրեանի բանաստեղծութիւնների առաջին գիրքը:

Ներկայ ժամանակում, երբոր թէ կիանքում, թէ գրականութեան մէջ տիրում է գաղափարների շփոթութիւն և ամեն բանի վերագնահատումն է, վարմանալի չէ, որ պ. Տէրեանը գրում է ժամանակի ոգով. այսինքն Տէրեանի բանաստեղծութիւնների մասին ոչինչ որոշ ասել անհնար է: Ներկայ ժամանակ ոչ մի բանաստեղծ փոքր ի շատէ տաղանդաւոր, իսկական բանաստեղծ կեանքից գոհ լինել չէ կարող. այս պատճառով նրա գրուածքների մէջ առանձնապէս աչքի են ընկնում տխուր էլէգիաներ, յուստես մօտիւններ և սիրոյ տանջանքներ, մի փոքր էլ նիցշէականութիւն, այսինքն բառերի կուտակում, սիմվօլիզմ, անորոշ նախադասութիւններ և այլն: Այս բոլորը հասկանալու համար եթէ մէկը նրա ոտանաւորները թարգմանէ մի ուրիշ լեզուի, ակնյայտնի կդառնայ, որ տաղանդաւոր երիտասարդ Տէրեանը գերի է ժամանակակից գաղափարների խառնաշփոթութեան:

Մթնշաղ.

Վերջալուսի վերջին շողը մեղմ հանգաւ.

Խաղաղութեան քնքոյշ քողը ցած ընկաւ.

Ես սիրում եմ մթնշաղը նրբակերտ,

Երբ ամեն ինչ երազում է հոգու հետ,

Երբ ամեն ինչ խորհրդաւոր ու խոհուն

Ցնորում է կապոյտ մութի աշխարհում,

Չկայ ոչ մի սահման դնող պայծառ շող,

Աղմուկի բռն, մարդկային դէմք սիրտ մաշող.

Հիւանդ սիրտդ չի տրտնջում, չի ցաւում

Որպէս հրաշք մոռացումի անձաւում,

Եւ թւում է, որ անեզր է ամեն ինչ

Ու ողջ կեանքդ—մի անսահման քաղցր նինջ:

Ո՞ր հայ ընթերցողը այս տողերից մի բան կարող է հասկանալ: Նախ բոլոր տողերը վերջանում են ստորակէտներով և ոչ մի վերջացած նախադասութիւն չկայ: Ինչ կնշանակի թէ պօէտը սիրում է մթնշաղը նրբակերտ, երբ ամեն ինչ երազում է հոգու հետ, երբ ամեն ինչ ցնորում է կապոյտ մութի աշխարհում: Ինչ է նրբակերտ մթնշաղը, ինչ է կապոյտ մութի աշխարհը կամ մութը երբ է կապոյտ լինում: Այս ինչ դեղին սէր է կամ կար-

միւր մածոն: Ինչ բան է մոռացումի անձաւում հրաշքը: Սա ինչ ցնդաբանութիւն է:

Նելազարի երգեր էլ կան այս գրքի մէջ: «Հիւանդ» ոտաւ նաւորի մէջ հեղինակը խնդրում է (երեւի իւր սիրած էակից), որ նա պօէտի սիրտը պաճուճի անուշ երազով և չեղածի յուշով աւ մոքի նրա հոգին: Ինչ կնշանակի «սիրտը պաճուճել անուշ երազով կամ ամոքել հոգին չեղածի յուշով»: Այս ոտանաւորները հասկանալու համար պէտք է պօէտը ամեն մի ընթերցողի կողքին լինի բացատրելու իւր շատ խոր մտքերը և գերազանց խօսքերը: Ասում են, որ այս գիրքը լրագիրները գովել են: Կարող է լինել: Միթէ մեզանում գրականական աշխատանքների գնահատութիւն կայ:

Երիտասարդ պօէտը շատ պեսիմիստ է և նրա երգերը ծայրահեղ յուսահատութիւն են ներշնչում ընթերցողին: Մի բան մխիթարական է, որ նրան հասկանալը շատ դժուար է, ուստի և պիտի կարծել, որ նրա գրքի ազդեցութեան տակ աշխարհը չի քանդուի և արեւը կշարունակի ցորեն ու գարի բուսցնել, թէև Տէրեանը մոռացել է արևի ուղին:

Շատ ավատուում եմ, որ անձամբ ծանօթ չեմ այս երիտասարդի հետ, պէտք է որ նա շատ սրամիտ և կոմիկ մարդ լինի: Այսպիսի երիտասարդները, որոնք կեանքում շատ կենսուրախ են լինում և լաւ քէֆ անողներ՝ շատ զարհուրելի բաներ են գըրում առհասարակ: Մօդա է: Կարգացէք «Վիհի եղերքին» երգը:— Ոչ մի խելացի միտք, ոչ մի պատկեր, ոչ մի առողջ գգացմունք:

Բանաստեղծը մոռացել է Արևի ուղին: Նախ արեւը ուղի չունի, որովհետև նա ոչ մի տեղ չի գնում: Երկրագունդը դեռ շարժւում է, բայց արևին տեղից շարժելը կարող են միայն հայ բանաստեղծները, որոնց համար ոչ մի գիտութիւն, ոչ մի օրէնք, ոչ մի բնական հասկացողութիւն նշանակութիւն չունի:

Բայց բացի նիցշէականութիւնից, պեսիմիստական ցնորքներից, այս ութսուն երեսանոց գրքոյկի մէջ կան իդէալական զգացմունքների արտայայտութիւններ էլ, կան գեղեցիկ կտորներ: Իդէալական սիրոյ արտայայտութիւնն է «Յնորք» երգը (եր. 29). Գեղեցիկ է վերջին ոտանաւորը, որ «Գարուն» վերնագիր է կրում:

Մի բանի խօսք էլ երիտասարդ գրողի իսկական տաղանդի մասին. պէտք է խոստովանել, որ Տէրեանը շատ սիրուն գրականական լեզու ունի, որ կարծես դիտմամբ ոչ բանաստեղծական է դարձնում իւր խրթին խօսքերով ու ոճերով: Սա Յովհաննէս Յովհաննիսեանի արեւմտութիւններից և արժանիքներից մէկն է,

որի ազդեցութեան տակ շատերը գրել են և անշուշտ Տէրեանը կամ իրօք Յովհաննիսեանի աշակերտ է եղել կամ նրա երգերի հետ շատ ծանօթ մէկը: Յովհաննիսեանը, որին հայ ազգի քննադատ պ. Լէօն նոյն իսկ բանաստեղծ չկամեցաւ ճանաչելու՝ սակայն կովկասահայ գրականութեան մէջ ունեցաւ բազմաթիւ հետևողներ: Բայց մենք շեղուցինք բուն խնդրից: Բացի մի քիչ խրթին, բայց գրականական լեզուից Տէրեանը ունի և անկեղծ զգացմունքներ: Ջահել է նա և նրան չի սազում նիցշէականութիւն և պեսսիմիզմը, բայց նա ունի մի քանի հատ սիրոյ երգեր, որ յիշեցնում են Անակրէօսին, Հորացիոսին, Հէյնէին, Հաֆիզին և այլն: Այսպիսի երգեր և Յովհաննիսեանը ունի: Ահա Տէրեանի երգերի նմուշներ.

— Չարտասանւած սիրոյ խօսքեր,
Դուք չէք մեռել ու չէք մեռնի,
Դուք ապրում էք, սիրոյ խօսքեր,
Որպէս խայթը սև եղեռնի:
Արծաթ կարկաշուն
Աղբիւրն է խօսում յաւիտենաբար,
Իմ ուղիների հեռում անկոպար
Յաւիտենաբար
Քո սէրն է հնչում:

Այստեղ պեսսիմիզմ շատ քիչ կայ

Սրտագրաւ սիրունիս
Գրաւեց սիրտս ու հոգիս,
Գրաւեց սիրտս ու հոգիս
Սրտագրաւ սիրունիս:
Հավիդ

Վարդանոցիս կիպարին
Քո հասակն է, իմ անգին,
Քո հասակն է, իմ անգին
Վարդանոցիս կիպարին:
Հավիդ

Քո տուած վերքն հալխի տուած
Սպեղանուց շատ քաղցր է,
Քո տուած թոյնն հալխի տուած
Թիրեաքիցը շատ քաղցր է:
Հավիդ

Բոլոր լիրիկ բանաստեղծները կրկնել են սաղմոսները: Լերմոնտովի ու Պուշկինի «Մարգարէն» նոյնպէս շատ ազդեցութիւն են ունեցել մեր բոլոր քնարերգուների վերայ: Տէրեանը նոյնպէս մի այդպիսի սիրուն ոտանաւոր ունի:

— Նորից կթողնեմ քաղաքն աղմկոտ,
Ու ճամբայ կընկնեմ յաւէտ միայնակ,
Անխօս կմարի երեկոն աղօտ
Կպառկեմ դաշտում կանաչ ծառի տակ:

Անտուն անցորդից կխնդրեմ ես հաց,
Պայծառ աղբիւրի ջուրը կը խմեմ.
Երկինք կյառեմ աչքերս յոգնած,
Քնքոյշ ծաղկանց հետ խաղաղ կքնեմ:

Այսպիսով Տէրեանի երգերի մօտիւնները շատ աղքատ են, նա մի քանի երգ ունի անհատական և եսական սիրոյ մասին, մի փոքր պեսսիմիզմ և նիցշէականութիւն (դէ մեր ժամանակում առանց անարխիզմի և խելագարութեան հօ չի կարելի), բայց և ձգտում դէպի անհունը, այսինքն բանաստեղծական աւիւն, բայց անորոշ: Լեզուն շատ կոկ է, ոչ գռեհիկ, այլ գրականական և մի փոքր վերացական: Երբոր Տէրեանը անարխիզմից կանցնի գիտակցութեան և կհասկանայ, որ անհատական և եսական սիրոյ երգիչը չէ, որ գրականութեան պատմութեան մէջ իբրեւ գաղափարի զինուոր պիտի անմահանայ և կսկսի զգալ և արտայայտել ուրիշների սէրն ու ատելութիւնը, կսկիծն ու խինդը ու կեանքը իւր բոլոր գառնութիւններով և ուրախութիւններով, այն ժամանակ մենք կասենք, որ նա բանաստեղծ է, իսկ այժմ մի սկսնակ, բայց հայ լեզուին տիրապետող և անձնական զգացմունքներով տարուած մի եսական երիտասարդ գրող է:

Գ. ԵՆԳԻԲԱՐԵԱՆ

ՍՏԱՅՈՒԱԾ ԳՐՔԵՐ

Ռ. Պատկանեան. Չախու. փոխադրեց Ստ. Լիսիցեան, Տրփ-խիս 1909 20 կ.

Атрпеть. Имамат. историческое изслѣдование. Александрополь 1909, 1 р.

Դ. Պետրով քահ. Մեծ հովիւ. Թարգ. Դր. ք. Նոր-Արեւեան. Վաղարշապատ 1908 15 կ.

Հարուման—Ռուզամի. Իրաշըջանների վերածւած Թւաբա-

Նազան խնդիրների ժողովածու. Դ. տ. փոխադրեց Յ. Տէր-Մի-
րաքեան, Թիֆլիս 1909 35 կ.

Ա. Զիլինգարեան և Ռ. Ռաշմաճեան, Դասընկեր Ա. տարի
այբբենարան ընթերցարան. Թիֆլիս 1909 50 կ.

Դադեան ամուսիններ, Դասագիրք բնագիտութեան, ա. և բ.
հատոր. Թիֆլիս 1909 55 կ. և 50 կ.

— Ընդհանուր պատմութեան դասագիրք, ըստ Վինոգրադո-
վի. Թիֆլիս 1909, գ. 45 կ.

Ախիլ Լօռիա. Սօցիոլոգիա. գերմ. թարգմ. Pessimist. Թիֆ-
լիս 1909 60 կ.

Ալ. Աբէլեան. Դիւղի վարժապետ. Թիֆլիս 1909 35 կ.

— Պօէտի երազը. նոյն 20 կ.

ԱՄՍՈՒԱՅ ՏԵՍՈՒԹԻՒՆ

ԻՍԿԱԿԱՆ ՊԱՏՃԱՌՆԵՐԸ

Մի ամսից աւելի է, որ «Եսայ», «Մշակ», «Հորիզոն» և այլ թերթերը խօսում են այն երևոյթի մասին, թէ ինչո՞ւ ոռոսահայերը չեն օգնում աղանցիներին: Թշուառացած մարդկանց համար ի հարկէ ոչ մի նշանակութիւն չունեն այն պատճառները, որոնցով կարելի է բացատրել այս երևոյթը, բայց մեր հասարակական կեանքի երևոյթները հասկանալու համար շատ մեծ նշանակութիւն ունի այս խնդիրը:

Մէկը դուրս է եկել և ցանկալով իւր մեծութիւնը և գերազանցութիւնը գովաբանելու համար բոլորովին անտեղի յարձակում է հայ ինտէլիգենցիայի վերայ, միւսը մեղադրում է առհասարակ հայ ժողովուրդը, որ նա յօժար կամքով բարեգործութիւն անել չէ սիրում, այլ միայն բռնի ուժի հրկիւղից է տալիս (Հորիզոն № 9) և այլն: Հայ ինտէլիգենցիան պակասաւոր և յարձակման արժանի կողմեր շատ ունի, բայց ոչ աղանցիներին մի քանի բուրի չտալու համար: Նախ քան պարզելն այն պատճառները, թէ ինչո՞ւ այժմ ոռոսահայերը զլանում են օգնելու մեր դժբաղդ աղանցի եղբայրներին, հարկաւոր ենք համարում նշմարել մի տգեղ երևոյթ հայ ինտէլիգենցիայի և առհասարակ ոչ-ժողովրդական դասակարգից դուրս եկած մարդկանց մէջ:

Հնուց յայտնի է, որ մնափառութիւնը, ցուցամոլութիւնը և կեղծիքը հայ գործիչներից շատերի անխուսափելի յատկանիշներից մէկն են կազմում:

Ահա ձեզ մի հայ յեղափոխական մի երկու գիրք կարդալուց յետոյ՝ ոգևորւում է Իտալիայի, Բուլղարիայի, Սերբիայի ազատութեան զաղափարով, առանց գիտնալու ժողովրդի դրութիւնը, տնտեսական, աշխարհագրական, պատմական և քաղաքական հանգամանքները, իրան երևակայում է մի Գարիբալդի և սկսում է մի ծրագիր կազմել Հայաստանն ազատելու համար: Մի քսան

խեղճեր ժողովելուց յետոյ մեր Սաքոն, մեր Թաթուլը, մեր Յովնանը պատրաստուում է սահմանը անցնել չար սուլթանի թախտը կործանելու: Բայց նախ քան իւր զօրքերը սահմանին մօտեցնելը՝ նա իւր խմբով մի տասն անգամ նկարում է, բոլոր քաղաքներում քէֆեր է անում, ամեն տեղ հռչակում իւր անունը և սրանով շատ զոհ լինում, թէև լաւ գիտէ, որ իւր ամբողջ խումբն էլ պիտի կոտորուի և իւր անմտութեան պատճառով թշուառ ժողովուրդն էլ պիտի հալածանքի ենթարկուի: Բայց նրա գործունէութեան միակ շարժառիթը սնափառութիւնն է:

Ահա ձեզ մի ուրիշ գործիչ ձեացող, որ ամեն ստորութիւնների միջոցով հարուստի աղջկայ հետ է պսակուել կամ հարստացել նոյնպէս ոչ-իդէալական միջոցներով, որ իրեն յանձնուած գործի վերաբերմամբ շատ էլ հարադատ չէ եղել, մակլերների հետ միացած կողոպտել է իւր ընկերներին, կաշառքներ է վերցրել և հարիւր հազարների վրաս տուել գործին, բայց սաստիկ ցանկութիւն ունի գործիչ և բարի մարդու համբաւ ունենալ:

Ենթադրեցէք մի մարդ, որ մասնաւոր կեանքում քարասիրտ է, անտաշ և կոպիտ, վաշխառուի ինստինկտներով, անընդունակ մասնաւոր կեանքում մտածելու ուրիշի մասին, յանկարծ մի քանի ըուրլի է նուիրում մի որևէ հասարակական գործի համար, բայց սրանով նա չի բաւականանում, որովհետև նա բարիք էր անում ոչ թէ բարութիւն անելու համար, այլ խօսելու և խօսեցնելու իւր մասին, ուրիշներից աւելի լաւ երևալու համար:

Նրանք ի ցոյցս մարդկանց բարի, բայց իրօք հասարակական չարիքներ են:

Ահա այսպիսի յատկութիւնների համար արդարև հայ ինտէլիգէնտը արժանի է քննադատութեան, բայց ոչ նրա համար, որ այսօր շատ յայտնի պատճառներով աղանցիկներին առհասարակ ոռուսահայերը չեն օգնում:

Վերջին քսան և հինգ տարուայ ընթացքում ոռուսահայերը տուել են թուրքահայերին մի քանի միլիօններ, միայն հանգուցեալ Արծրունին սովելոց համար երկու հարիւր հազարից աւելի ժողովեց: Մենք ոռուսահայերս էլ ունեցել ենք մեր դժբաղդութիւնները, մեր Ախալքալաքը և Շամախին էլ երկրաշարժից կործանուեցին, հազարաւոր մարդիկ զոհուեցին և հազարաւոր ընտանիքներ դժբաղդացան հայ-թուրքական կոտորածների ժամանակ, բայց արգեօք մի հարիւր ըուրլի ուղարկեցին մեզ թուրքահայերը, որոնց մէջ կան շատ հարուստներ, որոնք մեր Մանթաշոյներէց պակաս հարուստ չեն:

Յայտնի է որ, 1905 թուին ոռուսաց կառավարութիւնը ի

դէմս իշխան Գուլիցինի կատարեց մի անմիտ գործողութիւն. ինչպէս և ամեն մի ուսու չինոքսիկ, իշխ. Գուլիցինը չգիտէր որ ոչ էջմիածինը Հոռն է և ոչ հայոց կաթողիկոսը Հոռմի պապը: Եւ կարծելով որ էջմիածնում միլիոններ կան, որոնք յեղափոխութեան վրայ են գործադրուում, նա մի գեղեցիկ օր, հազար վեցհարիւր տարուայ գոյութիւն ունեցող մի հիմնարկութիւն, որը դիմացել էր աշխարհի ամենաահուելի բռնակալներին՝ սոված թողեց հազարաւոր մարդկանց և խեց էջմիածնի բոլոր կալուածները. արդեօք ազգային այդ մեծ աղէտի օրերում, երբ որ ուսահայերը ոչ միայն հարիւր հազարներ դրեցին իրանց կաթողիկոսի տրամադրութեան տակ, այլ և հազարաւոր մարդիկ աքսոր գնացին, բանտարկուեցին և սպանուեցին, արդեօք այդ ժամանակ թիւրքահայ մեր եղբայրները մի կոպէկ ուղարկեցին մեզ: Բացի այս՝ այդ ժամանակ ուսահայերի մէջ չգտնուեց ոչ միայն ոչ մի դաւաճան և մատնիչ, այլ և ոչ մի երէցփոխան, որ կատարէր իշխան Գուլիցինի հրամանը (բայց եթէ կարելի լինի հրատարակել թէ այսօր բանտերում գտնուած մարդկանց գործում ռոքան տաճկաստանցիների դոնոսներ կան): Տաճկահայերի մէջ գտնուեց միայն մի անձնաւորութիւն, որ մեծ բարոյական օգնութիւն հասցրեց էջմիածնին և այդ մարդուն տաճկաստանցիները սոսկալի ապերախտութեամբ անարգեցին, այդ մարդը պատրիարք Օրմանեանն էր, որ իւր մի քանի հոգեւորականներով ամենազօրեղ և ամենախելօք բողոքը գրեց իշխան Գուլիցինի կարգադրութեան դէմ:

Այս միջանկեալ բաները մենք ասում ենք տաճկահայերին բնորոշելու համար. բայց մենք խոստացել ենք խօսելու աղանցիներին չօգնելու իսկական պատճառների մասին, թէև այս վերոյիշեալ ասածները մի փոքր մեզ մօտեցնում են բուն խնդրի լուծմանը:

Այո, հայերը չեն օգնում աղանցիներին, ոչ այն պատճառով, ինչպէս գրում են «Հորիզոնում», որ հայերը իբր թէ սովոր չեն յօժարակամ բարեգործութիւններ անելու: Հայոց պատմութեան սկզբնական օրերից մինչև այսօր փաստերը հակառակն են ապացուցանում: Փաստերը ապացուցանում են, որ հայ ժողովուրդը, բայց ոչ ներկայի հայ աֆերիստ ինտելիգենտները և հարուստները, միշտ յօժարակամ է բարեգործութիւններ արել: Քրիստոսի ծննդեան չորրորդ դարում, երբ որ ոչ դաշնակց. և ոչ հնչակ. չկային (թէև իսկական, բայց ոչ կովկասեան սօցիալ-դեմօկրատներ կային) հայ ժողովուրդը բոլորովին յօժարակամ էր տալիս իր տաժանակիր և միլիոնաւոր արժեցող աշխատանքի արդիւնքները Մեծ Ներսիսին, իւր բորոտ, հիւանդ և աղքատ ազգակից-

ների օգտին հիւանդանոցներ և աղքատանոցներ հիմնելու համար: Մովսէս Սորենացին, Փաւստոս Բիւզանդացին և Ագաթանգեղոսը պատմում են, որ Ներսէս Մեծը ծերերին և չքաւորներին խնամելու համար Հայաստանի համարեա բոլոր գիւղերում և քաղաքներում աղքատանոցներ շինեց (Բիւզ. 76, 78, Սորեն. 42, 44, Ագաթանգեղոս 120): Մեծ Ներսէսը, «որ նախ ինքն առնելով առ իւր անձն բարի, և ապա այլոց օրինակ բարեաց զնելով, և վաճառ ճշմարտութեան մինչև ի մահ մարտնչէր», իւր բոլոր մեծ բարեգործական հիմնարկութիւնները հիմնեց հայ ժողովրդի յօժարակամ նուիրաբերութիւնների շնորհիւ: Թէպէտև ինքը Ներսէս Մեծը արժանի էր այդպիսի վերաբերմունքին, որովհետև «ինքն իւրովը ձեռովքն լուանայր զամենեսեան, օծանէր, պատէր և ինքն իսկ ջամբէր նոցա զիւրաքանչիւր կերակուրս (Բիւզ. 75, 77, 78): Յայտնի է նոյնպէս, որ հայերը մեծամեծ և յօժարակամ նուիրաբերութիւններ են արել նորագոյն ժամանակներում, որի կենդանի ապացոյց են Բագուի և Թիֆլիսի բարեգործական ընկերութիւնները, Կալկաթայի ճեմարանը, բազմաթիւ բարեգործական ընկերութիւնները, տպարանները, ազգային լրագիրները (Ազգարար), Լազարեան և Էջմիածնի ճեմարանը և այլ հասարակական հաստատութիւններ, որոնց համար հայ ազգը զոհել է շատ միլիոններ, առանց սակայն Ադամովների, Ժամհարովների և այլոց սպանութիւնների: Բայց այս սպանութիւններից յետոյ հասկանալի է որ հայ ժողովուրդը, որը յօժարակամ միլիոններ է տուել, այժմ զաղարում է ոչ միայն Ադանցիներին օգնելու, այլ և մատնում է բռնութիւն կատարողներին: Այո, հայ ժողովուրդը բռնութիւն չէ սիրում և իւր բռնակալներին միշտ խորտակել է կամ ոյժով, կամ ապստամբութեամբ և կամ դաւաճանութեամբ:

Դտունանք այժմ բուն խնդրին: Ինչո՞ւ հայերը այժմ չեն օգնում Ադանցիներին: Մենք ուստահայերս այժմ չենք օգնում նւրանց, նախ՝ որովհետև մենք յոգնել ենք նրանց օգնելուց, երկրորդ՝ որովհետև յանուն տաճկահայերի փրկութեան սկսեցին մեզ սպանել, բռնաբարեցին մեր կանանց և որդիներին և վարկաբեկ արին այն սուրբ գործը, որի համար ուստահայը ոչինչ չէր խնայում, որովհետև բռնութեամբ չի կարելի համակրութիւն առաջացնել դէպի այն գործը, որի անունից կատարուել է բռնութիւնը:

Ոչ մի ազգի մէջ յեղափոխականները յանուն գաղափարի և փողի համար մասնաւոր սպանութիւններ չեն կատարում: Յոյց տուէք որ Անգղիայի, Ֆրանսիայի, Գերմանիայի և նոյն իսկ ռուս յեղափոխականները, բուն Ռուսաստանում մասնաւոր մարդկանցից փող պահանջած լինէին յանուն գաղափարի և մերժման դէպքում

սպանութիւն կատարէին: Բայց այս բոլորը կարելի է համարուած մեղանում, այսինքն հայերի, վրացիների և թուրքերի մէջ, որովհետեւ իսկական կուլտուրայից մենք դեռ շատ հեռու ենք և մեր յեղափոխականները զաղափարի մարդիկ չեն: Երբորդ, մենք չենք օգնում Ադանցիներին, որովհետեւ այսօր Թիւրքիայում տիրում է այնպիսի բեօթիմ, որին մենք պիտի նսխանանք: Այսօրուայ հեռագիրներից յայտնի է, որ թուրք կառավարութիւնը 160 հազար տաճկական լիւրա է վճռել տալու Ադանայի ազգաբնակչութեան դրութիւնը վերանորոգելու համար, որ մեր փողով անում է միլիօն ու կէս բուրլի: Չորրորդ՝ մենք չենք օգնում Ադանցիներին, որովհետեւ ռուսահայերի այժմեան դրութիւնը տաճկահայերի դրութիւնից շատ աւելի վատ է: Հայ ազատամիտ կուսակցութիւնների մէջ շատ մեծ համակրութիւն ունեցող Սիմէօն Զաւարեանի, ռուսերէն լեզուով գրած (հրապարակի վրայ երևացող և դեր խաղացող հայ ազգասէրները մեղանում առհասարակ չգիտեն և մայրենի լեզուով խօսել և գրել չեն սիրում) „Экономическое положение крестьянъ Эриванской губерніи“ գրքից յայտնի է, որ Երևանի նահանգում հայ գիւղացիք խիստ հողազուրկ են և սոսկալի դրութեան մէջ: Մեր Զանգեզուրը, մեր Ախալքալաքը, Բայազետը, Աբարանը յետին աղքատութեան մէջ են և մեր Ազուլիսի լեռնային գիւղերը ամեն մի թիւ հողի վրայ տաժանակիր աշխատանքի շնորհիւ միայն կարողանում են ժայռերի մէջ հաց բուսցնել:

Կարող ենք արդեօք այսօր մենք այսպիսի տնտեսական կրիզիսի ժամանակ այնպիսի առատութեամբ օգնել մեր տաճկահայ եղբայրներին, որպէս առաջ էինք անում, երբ որ մենք չէինք զգացել Գոլիցիներեան բեօթիմի և այլ հայ յեղափոխականների գործունէութեան հետեանքները: Իհարկէ՝ ոչ:

Գ. Ե.

ՆԵՐՔԻՆ ԼՈՒՐԵՐ

Վեհափառ Կաթողիկոսը իւր օծման առթիւ Թագաւոր Կայսրին ուղարկած հեռագրին Նորին Մեծութիւնից ստացել է հետեւեալ պատասխանը.

«Սրտանց շնորհակալ եմ Ձերդ Սրբութիւնից աղօթքի և ջարեմալթութիւնների համար:

«Թող օգնէ Ձեզ Տէրը ծառայելու հայկական եկեղեցուն և Ձեզ յանձնուած հօտը կրթելու հաւատարմութեան և հպատակութեան մէջ իրանց Թագաւորներին և Ռուսաստանին»:

ՆԻԿՕԼԱՅ

Վեհափառը հետեւեալ հեռագիրն էր ուղարկել.

«Ընդունելով Հայաստանեայց Եկեղեցու հնագոյն տաճարի մէջ, սրբոյն Գրիգորի Լուսաւորչի Գահի առաջ երդումն հաւատարմութեան առ Ձերդ Կայսերական Մեծութիւն և անձնուիրութեան իմ նոր հայրանիքի հիմնական օրէնքներին, ես վերառաքում եմ առ Բարձրեալն ջերմ աղօթք Ձերդ Կայսերական Մեծութեան և ամբողջ Արքայական Տան թանկագին առողջութեան համար: Ողորմութեամբն Աստուծոյ արժանանալով սուրբ օծման շնորհաց իմ հօտի ծանր սպասաւորութեան համար, ես տուի երդումն Ամենաբարձրեալին՝ անսասան պահպանել Հայաստանեայց Առաքելական Եկեղեցու հին օրէնքները և կանոնները և Ռուսաց կայսրութեան, այդ եկեղեցու հովանաւորի օրէնքները, հաւատալով որ Ձերդ Կայսերական Մեծութիւնը, իբրև հզօր պաշտպան հայկական հին եկեղեցու և հօտի, Ձեր անփոփոխելի հոգածութեամբ նրա բարգաւաճման համար, կը տարածէք Ձեր Բարձր հովանաւորութիւնը, ինչպէս և ի Տէր հանգուցեալ Ձեր երջանկայիշատակ Թագակիր նախնիքը հայոց եկեղեցու վրայ և կը պահպանէք նրա բազմադարեան կանոնները: Մնալով, իմ հօտի հետ միասին, այն անխախտելի հաւատի մէջ, թէ միայն Ռուսական Պետութեան հետ ամուր և անքակտելի միութեան մէջ է պարփակուած Ձեր հաւատարիմ հպատակ հայ ժողովրդի բարգաւաճման գրաւականը, ես հաստատ հաւատ ունեմ, որ Ձերդ Մեծութիւնը կը լինի նրա մշտական նեցուկը բոլոր փորձութիւնների մէջ, որոնց նա ենթակայ է լինում ճակատագրով, և Ձեր անճառելի գթութեամբ հայրաքար զիջողաբար կամօքէք իմ հօտի մի քանի զաւակների վիճակը, որոնք իրանց վրայ են գրաւել ճակատագրի հարուածները: Եւ այսօր, բառնալով ուսերիս վրայ ծանր խաչը սպասաւորութեան իմ հօտի, որ յանձնուած է ինձ Աստուծուց, Ձերդ Մեծութիւնից և ժողովրդի կամբով, ջերմ աղօթքներ եմ վերառաքում Ձերդ Կայսերական Մեծութեան, Թագուհի Կայ-

սրուհիների, Թագաժառանգ Ցեսարէլիէի և ամբողջ Արքայական Տան բարեկեցութեան և երկարակեցութեան և լայնածաւալ հայրենիքի, Մեծի Մօրն Ռուսիոյ մեծութեան և հզօրութեան համար»:

■ Յայտնի է, որ Կիլիկիայի էն աչքը՝ ծաղկած Ադանան բառիս բուն նշանակութեամբ ջնջուեցաւ քիւրդ և տաճիկ բարբարոսների ձեռքով. տաճիկները իրանց այդ վայրենի վարմունքը արդարացնում էին նորանով, որ իբր թէ հայ յեղափոխականներ բուն էին դրել այնտեղ և առիթ էին տուել ժողովրդի պրզուման. այս լուրը հէնց ինքը տաճիկ կառավարութիւնը հերքեց, բայց այնուամենայնիւ ադանացի մի խումբ հայերի կախաղան բարձրացրեց որպէս յանցաւորների: Այս առիթով Կ. Պօլսի նորընտիր պատրիարք ամեն. եղիշէ եպս. Դուրեանը հրաժարական տուեց և ահա մի քանի շաբաթ է, որ նորա ու Բարձր. Դրան մէջ բանակցութիւններ է տեղի ունենում, բայց պատրիարքը դժգոհ կառավարութիւնից՝ պնդում է իւր հրաժարականի վրայ: Այժմ, ինչպէս իմանում ենք Կ. Պօլսի լրագիրներից և ստացած մասնաւոր նամակներից, ազգային ժողով է գումարուելու յատուկ այն խնդիրը որոշելու, թէ անհրաժեշտ է՞ որ պատրիարքը յամառէ իւր հրաժարականի վերայ և դեռ նոր ցոյցեր էլ աւելացնել իբրև բողոք, թէ կարելի է բաւական համարել այդ ցոյցը պետութեան դէմ:

■ Լրագիրները հաղորդեցին, որ Ադանայի կոտորածից Կրէտէ կղզում ապաստանած հայերը թուով 2000 հոգի յունադաւանութիւն են ընդունել առաջիկայ նման վտանգներից ազատ մնալու նպատակով և դորան էլ հետեւել են Նիկօսիայի և ուրիշ տեղի հայերը բաւական մեծ թուով: Բայց միթէ ադանացիք կոտորուեցան, որովհետեւ հայոց կրօնն էին դաւանում նոքա. հապա ինչո՞ւ Պարսկաստանում բնակուող հայերը երկար դարեր հալածանքի չէին ենթարկւում ու ջարդւում: Մենք չենք հասկանում, թէ ի՞նչ է շինում Պօլսի Ազգային ժողովը և նորա ճոռոմարան երեսփոխանները, եթէ նոցա իրաւասութեան տակ գտնուած հայերը հետզհետէ թողնում են իրանց մայրենի եկեղեցին և օտարանում, չէ՞ որ Կրէտէի այդ նոր քաղաքացի 2000 յունադաւան հայերից տասը տարուց յետոյ էլ ոչ մի հայ մարդ չի մնայ: Ինչ է շինում նաև Բօսֆօրի ափերում բազմած բազմաթիւ հայ կրօնաւորութիւնը. էլ ի՞նչ է նոցա միասիան:

■ Ս. Էջմիածնում պ. Դաւիթ Աւան Իւզբաշեանցի ծախքով ներկայումս կառուցւում է մի հոյակապ շինութիւն Մայր Աթոռի տպագիր և գրչագիր գրքերի մատենադարանի համար: Շինու-

թիւնը կառուցուած է Տաճարի հիւսիսարեւելեան կողմը սրբատաշ քարից գեղեցիկ ճարտարապետութեամբ և լինելու էր միայարկ. ներկայումս, Վեհ. Կաթողիկոսի օժման առթիւ պ. Իւզըպշեանցը ներկայ գտնուելով ս. Էջմիածնում և հաւանելով շինուածքի ճարտարապետութիւնը՝ առաջարկեց աւելացնել նաև երկրորդ յարկ՝ դրադարանապետի, այլ ծառայողների և ընթերցարանի համար, հոգալով և այդ յարկի համար կարևոր ծախքերը: Պատժաւաւորաձեռն բարերարին:

■ Էջմիածնի հողերի ոռոգման համար ջուր հանելու խընդիրը ուղղակի դառել է միջազգային խնդիր. պարբերաբար, բայց շարունակ այս և այն լրագիրներում լոյս են տեսնում մէկ է. Բաբգէն վարդապետի յարձակողական յօդուածները, մէկ բժշ. Կիրակոսեանի պաշտպանողական հերքումները և ընթերցողը չգիտէ՝ թէ որն է նոցանից իրաւացի կողմը և որի կողմն է ճշմարտութիւնը: Ցանկալի էր, որ Էջմիածնի սինօղը էքսպերտների մի խորհուրդ կազմէր, որոնք քննելով այդ խնդիրը՝ իրանց եզրակացութիւնը հրատարակէին լրագիրներում:

■ Թիֆլիսում նորերս վախճանուած վաճառական Կարապետ Վարդանեանցը թողել է մի կտակ, որով մի բաւական խոշոր գումար է կտակել հայ դպրոցներին և եկեղեցիներին:

■ «Հորիզոնի» խմբագրատանը ինքնասպանութեամբ վերջ դրեց նոյն թերթի գրասենեկապետ Դաւիթ Դալստեանը, մի եռանդոտ երիտասարդ, որ իւր բոլոր կեանքը դրել էր այդ և նախորդ օրաթերթերի վերայ և նորա մահից յետ «Հորիզոնը» առժամանակ դադարեցրեց իւր գոյութիւնը:

■ Ալէքսանդրօպօլից մեզ գրում են, որ այնտեղ տպագրւում է և շուտով մամուլի տակից դուրս կգայ պ. Կարապետ Կոստանեանցի խմբագրութեամբ Գրիգոր Մագիստրոսի ամբողջ մատենագրութիւնքը:

■ Լրագիրներում կարդում ենք, որ Վեհ. Կաթողիկոսի հրամանով Էջմիածնի միաբանութիւնը մի շարք թեկնածուներ է ընտրել իր միջից Հայրապետական Դիւանի վարչութեան անդամների համար, որոնցից Վեհ. Կաթողիկոսը հաստատել է չորսին և նրանցից է. Յուսիկ վարդապետին դիւանապետ: Այսուհետև ուրեմն Հայրապետական Դիւանը պիտի վարէ ոչ թէ մի անհատ, այլ ամբողջ վարչութիւն:

■ Էջմիածնի ճեմարանի նախկին տեսուչ պ. Մ. Բերբերեանը, բանտարկութիւնից ազատուելով, բաւական ժամանակ պառկած էր Ղրիմ իւր հօր ամառանոցում. ներկայումս ապաքինուած վերադարձել է Ն. Նախիջևան և «Լուսմայի» հետեւեալ հա-

մարից կտանք նորա «Հայերը Ռուսիայում» տեսութեան շարունակութիւնը:

Կովկասեան գիւղատնտեսական ընկերութիւնը, ինչպէս հաղորդում է «Մշակը», որոշել է տօնել վերջինիս խմբագիր Ա. Քալանթարի 25 ամեայ գիւղատնտեսական գործունէութեան յօրհանը:

ՄԱՀԳՈՅԺ

+ ՅՈՎՀԱՆՆԷՍ Ա. ՔԱՀԱՆԱՅ ՄԿՐԵԱՆ

Սեպտեմբերի 14-ին Կ. Պօլսից Ամեն. Օրմանեան սըրբազանից ստացուած մի հեռագիր գուժեց մեզ «Լումայ»-ի երկարամեայ և մշտական աշխատակից և ծանօթ գրագէտ—Մկրեան Տ. Յովհաննէսի մահը:

Այնուհետև խմբագրութիւնս ստացաւ և սգոյ յայտարարութիւնը հանգուցեալի մահուան և թաղման մասին:

Առաջիկային թողնելով հանգուցեալի մանրամասն կենսագրութիւնը, առ այժմ հարկաւոր ենք համարում ասել, որ Կ. Մկրեանը օժտուած էր բազմատեսակ շնորհներով, քաջ ծանօթ էր հայ լեզուին, պատմութեան ու գրականութեան, մշտապէս աշխատակցում էր տաճկահայ և արտասահմանեան բազմաթիւ հայ թերթերին իբրև հմուտ քանասէր, հանգ. Մկրտիչ Խրիմեան կաթողիկոսի Պօլսի Պատրիարքութեան ժամանակ վարում էր Պատրիարքական տեղապահի պաշտօնը և յայտնի էր որպէս խելօք և փորձուած վարիչ և պատուական հայ:

Խմբագրութիւնս իւր խորին վիշտն է յայտնում աշխատաւոր հովուի և գրագէտի մահուան համար:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

- Թիֆլիս. պ. Ե. Աթանեանցին. Ձեր յօդուածը ստացիլ ենք: Բանաստեղծութիւնը տպեցինք:
- Կ. Պօլիս. Մ. Ա. Օ Խնդրում ենք ուղարկել յօդուածի շարունակութիւնը:
- Ն. Նախիջեան. Ե. Շ. Սպասում ենք յօդուածին: Գիրքը լոյս կտանի այս երկու օրս:
- Կ. Պօլիս. — «Բիւզանդիոն» և «Արևիկ» լրագիրների խմբագրութիւններին: Բաւական ժամանակ է Ձեր թերթերը չենք ստանում:
- Օնէզա. Ն. Ղ.—Ք. Ուղարկեցինք «Լուման». «Հայրենիքը» առայժմ ոյս չէ տեսնում:

Խմբագիր Հրատարակիչ՝ ԳԻՒՏ Ա. Ք. ԱՂԱՆԵԱՆՑ

ՅԱՅՏԱՐԱՐՈՒԹԻՒՆՆԵՐ

Լ Ո Յ Ս Տ Ե Ս Ա Ի

ԳԻՒՏ Ա. Ք. ԱՂԱՆԵԱՆՑԻ

ԳԻՒԴԱՆ

ՀԱՅՈՑ ՊԱՏՄՈՒԹԵԱՆ

Գ Ի Ր Ք Է

Դաւիթ Կաթողիոս, մասն թ.

Հնդարձակ յառաջաբանով, յաւելուածներով, ծանօթութիւններով և մի մեծ վիմատիպ ֆիրմանով.

ԳԻՆՆ Է 4 ՌՈՒԲԼԻ,

Հոյս տեսաւ

ՆԱՄԱԿԱԳԻՐՔ

երկրորդ հոխացրած տպագրութիւն

ԳԻՆՆ Է 60 ԿՈՊ.

Դիմել Ն. Աղանեանի տպարան

Բացուած է 1909 թ. բաժանորդագրութիւնը

(ԶՈՐՐՈՐԴ ՏԱՐԻ)

Հ Ա Ս Կ Ե Ր

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց
մեծադիր գրքոյկներով նախկին ընդարձակ ծրագրով
Մշտական աշխատակցութեամբ ՅՈՎՀ. ԹՈՒՄԱՆԵԱՆԻ ԵՒ ՍՏ. ԼԻ-
ՍԻՑԵԱՆԻ

Ամսագիրը ունինաւ ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափ-
ւում են ընտանեկան կրթութեան վերաբերեալ կարեւորագոյն
հարցեր:

ԲԱԺԱՆՈՐԴԱԳԻՆՆ Է ՀԱՆԱՊԱՐՀԱԾԱԽՍՈՎ.

Տարեկան ՀԱՍԿԵՐ, մանկ. բաժին 3 ա. մանկավարժ. բաժ. 4 ա.
Կէս տարուանը . . . 1 ա. 80 կ. . . 2 ա. 10 կ.
Մէկ ամսուանը . . . — 30 կ. . . — 35 կ.
Պարսկաստանում . . . 3 ա. 50 կ. . . 4 ա. 50 կ.
Արտասահմանում տարեկան . . . ԻՆԸ ՓՐ. ՏԱՍՆԵՐԿՈՒ Փ Կ.
Հրատարակութեան սկզբից մինչև 1909 թ. վերջը 11 ա. 15 ա.

Լ ՈՒՄ Ա Յ

ՀՐԱՑԱՐԱԿՈՒԹԵԱՆ 14 ՏԱՐԻ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳԻՐ

1909 թուին Լուման լոյս է տեսնում իւր նախկին զիրքով ամեն ամսի 20-ից յետոյ, բաղկացած 64—80 երեսներից: Ինչպէս միշտ, հարկաւոր դէպքերում, կտրուեն պատկերներ հասարակական երեոյթների առթիւ:

ՊԱՅՄԱՆՆԵՐ

1. Նիւթերը պիտի գրուած լինին պարզ, մի էջի վրայ և ոչ աւել քան 32 տպ. երես:
2. Արտատպութիւն ոչ մի դէպքում չի տրւում:
3. Նիւթերը չեն վերադարձնւում. յետ ստանալ ցանկացողները պիտի ուղարկեն փոստի ծախք:
4. Չտպուող նիւթերի մասին ծանուցում է տրւում ամսագրի մէջ պատասխանների բաժնում:
5. Թարգմանական նիւթեր ընդունւում են շատ կարճ և ընտիր հեղինակների:

ԲԱԺՆԷԳԻՆՆ է տարեկան 6 ռ., կէս տ. 4 ռ.,
Արտասահման " 8 " " 5 "

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizejskaja, 7.

АТРПЕТЪ

МАМЕД-АЛИ-ШАХЪ

Современная Персія

Съ 36 Картинами

Цѣна 1 руб.

Складъ: Тифлисъ Книж. Торг. „Гутенбергъ“. Александрополь. Типог. „Ширакъ“.